

ԻԶԱՆԴԻՈՆ ԵՒ ՊԱՐՍԿԱՍՏԱՆ

ԵՒ

ՆՑ ԳԻՒԸՆԸԳԻՏՈՎԱԾՆ ԵՒ ԱԶԳԱՅԻՆ-ԻՐԱՒՈՎՈՆ
ԱՐԵՐԱԲԹԻՒՆՆԵՐԸ ՅՈՒՍԵՖՆԻԱՆՈՒ ՓԱՄԱՆԱԿ


ԳՐԱՑ

Կ. Գ Ի Ի Տ Ե Ր Բ Ո Ք

ԳՐԱՐԱՆԵՐԸ ԹԱՐԳՄԱՆՆԵՐ

Հ. ՀԱՐԱՅԵԱԿ ՀԱՄԱՐԱՐԵԱՆ


ՄԻԻԹ. ՈՒՍԵՖՆ



Վ Ի Ե Ն Ն Ա

Մ Ի Ի Թ Ա Ր Ե Ա Ն Տ

1911.



UNIVERSITY OF MICHIGAN LIBRARIES

Յ Ա Ռ Ա Զ Ա Բ Ա Ն

Առաջիկայ ուսումնասիրութիւնն Յուստինիանու եւ անոր անմիջական նախորդներուն եւ յաջորդներուն, ուստի յեականս Զ. դարու պատմութեան կը վերաբերի:

«Քիւզանդինն եւ Պարսկաստան»¹ արդէն մատնանիչ կ'ընէ անոր կարեւորութիւնը Հայոց պատմութեան համար: Երկու մեծ պետութեանց մէջ միջոցող երկիրն ըլլալով Հայաստան, հարկ էր, որ միշտ անոնց հետ շփուէր եւ անոնց փոփոխ յարաբերութեան ազդեցութեանց ենթակայ ըլլար: Այս պատճառաւ ալ իւր պատմութեան որոշ մէկ շրջանը միշտ կախում ունեցած եւ գրեթէ խառնուած է մէկ կողմանէ հոռոմէականին եւ ասոր յաջորդ քիւզանդականին եւ մէկալ կողմանէ պարթեւականին եւ յետոյ ասոր պայազատ պարսկականին հետ: Այս անձուկ յարաբերութեան հետեւութեամբ երբ երկու դրացի մեծ պետութեանցս պատմութեան մանրամասնութիւնք լուսաւորուին, նովին իսկ ընդհանուր չափով լուսաւորուած կ'ըլլայ Հայոց պատմութիւնը: Այս մտքով է, որ արժանի եւ պատշաճ համարեցանք այս գեղեցիկ աշխատութիւնը ամբողջական թարգմանութեամբ ծանօթացընել:

Գործս մաս առ մաս լոյս տեսած է նախ «Հանդիս Ամսօրեայ, Ի մէջ (1908-1910), որմէ արտատպուելով այժմ կը յուսանք թէ աւելի ընդարձակ շրջանի մատչելի կ'ըլլայ:

ԹԱՐԳՄԱՆԻԶԸ

¹ Գործոյ գերմ. տիտղոսն է. Byzanz und Persien in ihren diplomatisch - völkerrechtlichen Beziehungen im Zeitalter Justinians von Dr. Karl Güterbock. Berlin 1906.

ԵՂԻՐԻՐՆԵՐՈՒ ՅՅԻՅԵԿԸ

Բ. ԲԻԻԶԼՆԴԱԿԱՆՔ

Ելժէ ուրիշ գերպ նշանակուած շէ, Բռնի հրա-
տարականութիւնները — Corpus scriptorum historiae
Byzantinae յազոված ոյքին մէջ ապ. Բռն 1828 եւ
յլ. տար. — գործածուած ու յառաջ բերուած են:
Փակագծի մէջ աւելուած թուանշանները երեսահա-
մարներն են:

1. Պր-ի-պէ-ս — Վլասն պատերազմաց, 'Υπὲρ
τῶν πολέμων. (ՊՊ — Պարսկական պատերազմ, ՎՊ —
Վրթական պատերազմ: Բ) Վլասն շինութեանց, Περι
τῶν κτιομάτων, Է) 'Ανέκδοτα.

2. Պի-ր-ս (Պատրիկիս) 'Ιστορίαι հասարակո-
ւոքը Կ.Սի.լիւքի հրատարակութեան մէջ, Fragmenta
historicorum Graecorum, Պարիս 1885, Դ. (Հմա. 1
ՀՅՊ):

3. Ա-ի-ի-ս Սի-լ-ս-ի-ս:

4. Յ-ի-ն-ն-ի-ս Լի-ր-ս, De magistratibus գրու-
թիւնը:

5. Սի-ն-ն-ի-ս Պր-ս-ի-ս-ս, Τὰ μετὰ Ἀγαθίαν
գրութեան հասարակարները առ Կ. Սի-լիւքի, ՀՅՊ. 4:

6. Թ-ի-ի-ն-ի-ս Բ-ի-լ-ն-ի-ս, անդ:

7. Յ-ի-ն-ն-ի-ս Ե-ի-ի-ն-ի-ս, անդ:

8. Յ-ի-ն-ն-ի-ս Մ-լ-լ-ս, Χρονολογία.

9. Թ-ի-ի-ն-ի-ս Սի-լ-ս-ի-ս, 'Ιστορία, հրատ.
Բոորի (de Boor), Լայպցիգ 1884:

10. Զ-ս-ի-ս-ի-ս Ժ-ի-ն-ի-ս-ի-ս-ի-ս (Chronikon
Paschale).

1. J. Hauriyի հրատարակութիւնը, Լայպցիգ 1905,
քանի մը դիպաց մէջ միայն համեմատուած է:

11. ԹԵՒՆԷՆ (Ιουστινιανή, δολογοητής),
Χρονογραφία, հրատ. Բուրի, Լայպցիգ 1883—85.
12. ԿՈՆՏԱՆԻՆ ԳԵՐԺԻՐՅԱՆԷՆ, ՍԵԿՆԱԹԻՆ
արքայական կարգաց, Έκθεσις τῆς βουσιλείου τάξεως, de
caeremoniis aulae byzantinae.
13. ԳԵՐԺ ԿԵՐԵՆԷՆ, Դարաբարչու թիւ պատ-
մութեանց, Σύνοψις ιστοριῶν.
14. ՅԷՆՆԷ ՉՆԻՐԷՆ, Համառոտութիւն
պատմութեանց, 'Επιτομή ιστοριῶν.

Բ. ԼԿԵՂԵՑԱԿԱՆ ՊԱՏՄԱԳԻՐՔ

1. Եւսեբէոս, Ալալք Կոստանդիանոսի, Հրատ
Գրիգորի, Լայպցիգ 1867 եւ յԶ. տար.
2. Սիւր-տիւ, Հրատ. Husseyի, Օքսֆորդ 1853:
3. Սիւ-Ֆեւո, Հրատ. Husseyի, Օքսֆորդ 1860:
4. Թեւ-դ-բի-տոս, Հրատ. Gaisfordի, Օքսֆորդ
1814:
5. Եւսեբ. Հրատ. Bidezի եւ Parmentierի,
Լոնդոն 1898:

Գ. ՈՒՐԻՇ ԼՂԻՏԻՐՆԵՐ

1. ԱՏԷՆՆԻՆ ՄԵՐԵԼԵՆՆԻՆ, հրատ. Վարդահատու
դէնի. Լայպցիգ 894:
2. ՊԵՐՏԷՆՆ ՊԵՆԷՆՆ, *Topographie Byzantiaque*, հա-
տակոտորք առ Միւլլէրի, շՅՊ. 4.:
3. ԼԷՆՆԷԼԷՆՆ, առ Լանգլուայի, Collection
des historiens anciens et modernes de l'Arménie,
Պարիս 1867, Հատոր Ա.:
4. ՖԵՐԴԻՆՆԷՆ, Շահնամե, Թարգմանութիւն
J. Mohl's. Le livre des rois. Հատոր Զ. եւ Է.
Պարիս 1877:
5. ԱԶԷԼ Զարար Մուհամմէդ իբն Զարիր, ա-
նուանեալն Տաբարի, Ժամանակագրութիւն, Թարգ-
մանեալ եւ մեկնաբանեալ ի Թ. Կէօրեկէէ, Լայ-
պցէն 1879:

ԲՈՎԱՆԿԱԿՈՒԹԻՒՆ

	Էջ
Յառաջաբան	Ծ
Աղբիւրներու ցուցակը	Ջ
Բովանդակութիւն	Ը
Ներածութիւն	1—4
Կայսր եւ արքայից արքայ փոփոխ յարաբերութեանց մէջ	4—47
— Հաղորդակցութիւն պատգամաւորութեամբ	17
— Ընտանեկան յարաբերութիւններ	35
Յուստինիանոս եւ Խոսրով Ա.	48—137
— 532ի մշտնջենաւոր խաղաղութիւնը	48
— Երկրորդ չոփմէական-պարսկական պատերազմը: Բանակցութիւններ զինադադարի համար	60
— 562ի խաղաղութիւնը. 73: — ա թէ խաղաղութիւնը որ երկիրներու վրայ կը տարածուէր. 86: — ի. Դաշանց շատ մը մասնական պայմաններ կը վերաբերէին երկուկողմանի սահմաններուն պաշտպանութեան. 90: — գ. Առեւտուր եւ հաղորդակցութիւն. 92: — դ. Փախտեայք, զերեւալք. 104: — ե. Հատուցման պահանջներ. 107: — գ. Դաշանց ասլահովագումը. 119: — լ. Բրիտոնիկից համար ստանձին դաշինք. 122:	
Հետագայ բանակցութիւններ	137—141
Խաղաղութիւնը կ'աւրուի: Նոր պատերազմ:	
Բանակցութիւնը դարձեալ կը սկսի	
572—591	141—162

ԲԻԼԶԱՆԴԻՈՆ ԵՒ ՊԱՐՍԿԱՍՏԱՆ

Ն Ե Ր Ա Յ Ո Ւ Թ Ի Ի Ն

Երրորդ դարուն առաջին կիսուն, ըստ մեր հաշուին, Արեւելքի մէջ հռովմէական պետութեան համար ծանր հետեւանք յառաջ բերող յեղափոխութիւն մը տեղի ունեցաւ: Պարսկաստանի մէջ Արշակունեաց պարթեւ հարստութիւնը ինկաւ եւ զայն փոխանակեց Սասանեանց իշխանութիւնը, տիրելով Իրանի համօրէն գաւառաց, Պարթեւական վատթարած պետութեան տեղ՝ կանգնեցաւ հուժկու նոր-պարսկականը, որ առաջին վայրկեանէն իսկ թշնամի հակառակորդ դարձաւ Հռովմայ, ըստ որում՝ այժմ ազգային ու կրօնական զարգացումն առաւել յառաջ գացած էր եւ Աքեմենեանց աւանդութեանց ու մեծամեծ գործառնութեանց հետ կապուած կը համարուէր պարսկականը:

Սասանեան հարստութեան արքայից արքաները չորս դարէ աւելի անմիջական դրացի էին հռովմէական կայսերաց. բայց շնայելով երկու տէրութեանց մերձաւոր քաղաքական ու տնտեսական յարաբերութեանց, որ երկուքին ալ առանձնայատկութեանց ճշդագոյն ճանաչողու-

Թեան եւ գնահատման պատճառ կրնար ըլլալ, երկու ազգերուն մէջ սերտագոյն բարեկամական յարաբերութիւն հաստատելու գրեթէ չձեռնարկուեցաւ: Ինչպէս Թուրքիոյ, նոյնպէս Հռովմայեցւոց աչքին առջեւ Պարսիկները միշտ օտար, միշտ բարբարոս, անոնց մտաւոր մշակութիւնը խեղճ, բարոյքը, սովորութիւնները եւ կրօնական հայեցողութիւնները անհամաճարական, այլանդակ, եթէ ոչ գարշելի եւ խորշելի կը թուէին: Իրանի զօրանալը միշտ Հռովմայ ապահովութեան վտանգ մը կը համարուէր. միւս կողմանէ Պարսիկներն ալ Հռովմայեցիները իբր իրենց բուն թշնամին կը նկատէին, որուն դէմ կռուիլ ու տկարացընել՝ ինքնապահպանութիւնը կարծես պարտք կը դնէր վրանին:

Այսպէսով քաղաքական յարաբերութեանց պատմութիւնը երկու տէրութեանց միջեւ, ըստ մեծի մասին ուրիշ բան չի դնէր մեր առջեւ, բայց եթէ անընդհատ մարտի ու պատերազմի շղթայ մը, որ մերթ ընդ մերթ կարճատեւ կամ երկարաձիգ զինադադարով եւ կամ ըստ երեւութին պահպանուած խաղաղութեան դաշինքներով, կ'ընդմիջէր: Չորրորդ դարէն սկսեալ՝ այս պատերազմներուն մէջ յարձակումներուն սկիզբը Պարսկաստանէն էր, մինչդեռ Հռովմայեցիք — եթէ Թուրքիանոսի բախտախընդրական արշաւանքը չհաշուենք — դիմագրութեան ու պաշտպանութեան սահմաններէն չէին ելլեր: Ադրիանոսէն սկսեալ՝ կայսերաց արեւելեան քաղաքագիտութիւնը կը ջանար ստորին

Եփրատի եւ վերին Տիգրիսի ընթացքը իբր սահման հաստատել ընդդէմ Արեւելից: Այս սահմանէն անդին ընդարձակումներ կամ Պարսկաստանի վնասով աշխարհակալութիւններ ընել, դուրս էր իրենց ծրագրէն¹. պետութեան իւր երկու մասանցը բաժնուելէն ի վեր՝ այս քաղաքագիտութեան պահպանումը յինքեան հետեւեցաւ Արեւելեան Հռովմէական պետութեան համար: Սակայն Պարսից մշած պատերազմներն ալ ոչ թէ Պարսկաստանի յաւելումներ ընելու կամ Հռովմէական գաւառները նոյն իսկ առժամանակեայ կերպով գրաւելու համար, այլ աւելի ասպատակելու, կապուտ կողապուտ ընելու դիտաւորութեամբ էին. կրնանք ըսել թէ աւազակական արշաւանքներ էին, միայն թէ մեծագոյն չափով կատարուած: Ինչու որ, ըստ առթին լեւոնի, երբեմն Գարեհի պետութեան պատկանող Առաջակողմեան Ասիայի երկիրներուն յետս գրաւումը իբր պատերազմին վախճան յառաջ բերուած ատեն, այսպիսի պահանջներու մէջ արեւելեան սնապարծութիւնն ալ բաւականաչափ մաս մը կ'ունենար:

Իրօք կամ կարծեցեալ ստգտանաց առիթներ չէին պակսեր: Մերթ քրիստոնեայ փախստականներ, որոնց Պարսկաստանի յանձնումը կը զլացուէր, մերթ երկու պետութիւններէն մէկուն հետ դաշնաւորած արաբ ցեղերուն ձեռնձգու-

1 Դիփոկէտիանեան խաղաղութեան ատեն անգրորի-գրիսեան սատրապութեանց դրաւու մը բացառութիւն մըն է. հմմտ. Գիւտերբոք, Հռովմէական Հայաստան:

թիւները, երբեմն ալ հռովմէական դրամական նպաստից (subsidia) վճարման զլացումը եւ այլն: Բայց ամէնէն աւելի դրացի փոքր տէրութիւնները խաղաղութեան բարձուելուն ջօրեղ պատճառներ կը մատակարարէին. վասն զի ոչ Հռովմայեցիք, ոչ ալ Պարսիկները փոփոխակի նախանձախնդրութեան պատճառաւ կրնային տանիլ, որ մէկալը այն փոքր տէրութեանց վրայ քացարձակ կամ առաւելագոյն ակդեցութիւնը բանեցընէ: Հայաստան՝ Պարթեւաց ժամանակէն իսկ երկու պետութեանց մէջ մշտական կռուախնձորն եղած էր, մինչեւ որ Թէոդոս Ս. կայսեր դրած բաժանման դաշինքով այս երկրին մէջ գոնէ առ ժամանակ մը հանգիստ տիրեց¹: Սակայն աւելի հիւսիս ինկող հեռաւոր երկիրները Լազիկա, Իսերիա, Աղբանիա, կռուի առարկաներ մնացին, զորոնք երկու պետութեանց իւրաքանչիւրը իւր իշխանութեան սահմանին մէջ խոթելու կ'աշխատէր:

ԿՆՅՍՐ ԵՒ ՆՐՔԵՅԻՑ ՆՐՔԸՅ ՓՈՓՈԽ ՅԵՐԵՐԵՐՈՒԹԵԱՆՑ ՄԷՁ

Հռովմ իւր եզական տիեզերական իշխանութեան պատճառաւ, մերժած էր տկարագոյն պարթեւ պետութիւնը ճանչնալ իրեն հաւասար մեծ պետութիւն. բայց զօրեղագոյն Սասանեան պետութեան առջեւ, թէպէտ ականմայ, ստիպուե-

¹ Գիւ տերրոք, անդ:

ցաւ, տեղի տալ եւ զայն իւր այնպիսի ճանշնալ¹, Մինչեւ իւր կործանումը՝ Պարսից պետութիւնը Հռովմայ առջեւ իւր հաւասարազօր կը համարուէր, ինչպէս Պարսից արքաներն ալ Հռովմայեցւոց պետութեան հաւասարազօրութիւնը տարակուսիտակէին ձգելու խաղաղութիւնը հաստատելու համար Գաղիերուսի՝ Դիոկղետիանոսի կեսարին ղրկուած պարսիկ դեսպանը Հռովմ ու Պարսկաստան երկու ջահի կը նմանցընէր²։ Նման էր խոսքով Բ. Թագաւորին առ Մաւրիկ գրածը, լմէ նախախնամութեան տնօրէնութեան համաձայն՝ երկու պետութիւնները հաստատուած են իւր աշուրներ, ամբողջ աշխարհք լուսաւորելու համար³։ Պարսից համար ստոյգ է կար ելլորդ իշխանութիւն մ'ալ, այսինքն է Չինաստանը⁴, որ Իրանի եւ Հռովմայ հետ աշխարհքիս մէջ իր բաժինն ունէր, բայց վերջնոյս համար նշանակութիւն չունէր։

Բիւզանդական եւ պարսիկ պետութեանց ազգաց իրաւանց վերաբերեալ յարաբերութիւնները նկատողութեան առած ժամանակնիս,

¹ Մոմէն, Պատմութիւն Հռովմայեցւոց, 5. 393։

² Պետրոս Պատրիկիոս Հատակո. 13 (Միւլէր, 287. 4. 188) — «զի են որպէս զերկուս ջահս հռովմական եւ պարսիկ թագաւորութիւնք»։

³ Թէոփիլակոս Սիմոկատտէս (հրատ. դը Բոորի) 4. 11. «անգուստ ի վերուստ եւ ի սկզբանէ արկ աստուածութիւնն ի կիր, իբրեւ զերկուս լուսաւորս ի լուսաւորել զաշխարհ, այսինքն է զհօրազոյն թագաւորութիւնն Հռոմոց եւ զգոնազոյն ցուպն Պարսից ինքնակալութեան»։

⁴ Այսպէս Ֆիրդուսիի քով, Հաշնամէ՝ զանազան տեղեր։

աչաց առջեւ կը հանդիսանան բաւականաչափ նմանութիւններ այժմու տէրութեանց յարաբերութեանց հետ. կարծես սխալած չենք ըլլար, եթէ շատ մը նորագոյն երեւոյթներու աղբիւրն ու նախատիպ օրինակը նոյն ատենուան դիւանագիտական յարաբերութեան եւ ժամանակին կիրարկուած ձեւակերպութեանց մէջ փնտռելու ելլենք:

Առանց ի նկատի առնելու այն մեծ տարբերութիւնը, որ ազգայնութեան, կրօնի եւ պատմական զարգացման տեսակէտէ երկու ազգերը կը բաժնէր, արքունական կեանքը եւ կայսեր պալատան մէջ տիրող արարողական կարգը շատ իսկատիպ նմանութիւններ ստացաւ Տիգրանի արքունիքէն, երբ Գիոկղեսիանոս եւ անոր յաջորդները արեւելեան մեծաշուք պերճութիւնը եւ Ասիայի յատուկ ստրկամիտ հպատակութիւնը Բիւզանդիոնի մէջ տկնեցին: Թէ հոս եւ թէ հոն թագարձակ միապետը պարփակուած էր նոյն վեհափառութենէն եւ աստուածամանութենէն: Արքայից արքային տարազին՝ հետ արտաքոյ կարգի նմանութիւն մ'ունէր կայսեր պատկերը, իւր հարուստ, ոսկով ու պատուական քարերով պճնուած զգեստներով, իւր խոյրով եւ ծիրանի մուճակներով: Երկուքին ալ նոյն երկրպագութիւնը եւ ծնրագրու-

1 Պարսից թագաւորներուն տարազին վրայ տ. Rawlinson, The seventh oriental Monarchy, 643. Շարիֆէ, Iran. Altertumskunde 3. 610, Նեօլոգիէ, Տաբաթի, 453:

Թիւնը կ'ըլլար. կարելի չէ ուրանալ թէ կար նմանութիւն նոյն իսկ անձնապահաց, ներքինեաց ու պալատական պաշտօնէից մէջ, որ ինքնակալաց անձնական ծառայութեան որոշուած էին: Ինչպէս Հռովմ նոյնպէս Տիգրանի մէջ շողքորթ հացկատակներ եւ ննգամիտ բանսարկուներ, կը թունաւորէին միջնորդութեամբ. լոկ արքայից արքային յատուկ կանանոցը կը պակսէր կայսեր արքունի կայանին մէջ:

Պարսիկ բարձրագոյն դասը ազգային յատուկ պահասութեանց հետ, ինչպէս ունայնամոութիւն, ամբարտաւանութիւն եւ կեղծիքի ու խաբէութեան միտութիւն, ունէր նաեւ բնածին ասպետականութիւն, վայելուչ ազնուութիւն եւ կերպական քաղաքավարութիւն, ինքնին իսկ թշնամեաց հանդէպ: Այս յատկութիւնները երեւան կու գային նաեւ երկու պետութեանց եւ ինքնակալաց մէջ եղած դիւանագիտական յարաբերութեանց ժամանակ: Սոփրութեամբ եւ աւանդական տուչութեամբ այս յարաբերութեանց մէջ յընթացս ինչ ինչ հաստատուն սկզբունքներ կազմուելով՝ մինչեւ իբր ազգաց իրաւունք կազմող օրինական հիմունք դարձան, որոնց խիստ պահպանութեանը երկու կողմերն ալ կը հսկէին եւ ոտքի տակ առնուելուն խոժոռ աչքով կը նայէին:

Տիեղերական կարգին կողմանէ կայսր եւ արքայից արքայ իրարու հաւասար են: Ինչպէս որ Իրանի արքան «Տէր արեգական արեւելից» (شاهنشاهی ایران) է, նոյնպէս ալ կայսրը «Տէր

լուսնոյ արեւմտից ¹ (σελήνηος δούσεως): Այս
 իսկ պատճառաւ ճիշդ մեր ժամանակի վեհա-
 պետներուն պէս երկուքն ալ զիրար իւր եղբայր
 կը նկատեն. իրենց նամակներուն մէջ զիրար
 եղբայր կը կոչեն, ինչպէս նաեւ պատգամաւո-
 ռութեանց ժամանակ բերան առ բերան եղած
 բանակցութեանց միջոցին՝ այս բացատրու-
 թիւնը կը գործածեն²: Նմանապէս Թէոդորա,
 Յուստինիանու ամուսինը, Պարսից դշխոյն իրեն
 քոյրը կ'անուանէ³: Այս եղբայրական յարա-
 բերութիւններով հանդերձ՝ Պարսից թագաւորը
 իրեն անձին առաւելագոյն դիրք մը կը պահան-
 ջէր: Կը պարծի իւր աստուածային ցեղէ ծնած
 եւ աստուածեղէն պատիւներ իւր անձին կը
 վերագրէ⁴, միայն եւ միայն իրեն սեպհականել
 կ'ուզէ, նոյն իսկ Հռովմայ կայսերաց առջեւ՝ Շա-
 Նին-շահ Տին պարսկական տիտղոսը: Հռովմայ
 կայսրը Պարսից առջեւ էր լոկ «կայսարի Ռում»⁵,
 եւ իրենց արքայից արքային թարձր աստիճանէն
 վար կը թուէր: Այսպիսի սնապարծ պահանջո-

1 Մաղաղաս (հրատ. Բոնի) 449:

2 Եւսեբ. Վարք Կոստ. 4. 9. Լամբանոս 17. 5. 7.
 Մաղաղաս 415. 449. Մենանդր Հատկտ. 11. եւ այլն:

3 Մաղաղաս 487. «Դշխոյին Պարսից քեռ իւրում»:

4 Նակշ-ի-Ռուստամի երկվեղու արձանագրութեան
 յունարէնը Սասանեանց հիմնադրին համար այսպէս կը խօսի.
 «Այս է անձն Մաղդեգն Երտաշէի աստուածոցն, արքայից
 արքային Արեաց, ի զարմէ աստուածոցն». Հմմտ. Rawlinson
 the seventh Monarchy 71. Մոմսէն Հռովմ. Պատմ. 5. 415:

5 Պրոկոպ. Պարսկ. Պատմ. (հրատ. Բոնի) Ա. 21
 (էջ 244). «կայսար, այսպէս կոչէին Պարսիկք զարքայն Հո-
 առմոցն»:

լուծիւններ ի հարկէ Հռովմայեցւոց կողմանէ բանի տեղ չէին դրուեր. Իրանի Թագաւորը պաշտօնապէս երբեք βασιλεύς βασιλέων չէր յորջորջուեր. կայսեր պէս անոր լոկ βασιλεύς պարզ տիտղոսը կը տրուէր:

Երկու արքունեաց դիւանագիտական յաբաբերութիւնը տեղի կ'ունենար դեսպանաց միջոցաւ եւ ասոնց ձեռքով եղած Թղթակցութիւններով: Երկու ինքնակալները երբեք անընդմիջաբար տեսակցութիւն չեն ունեցած: Նոյն ատենները պաշտօնական վեհապետական այցելութիւններու կամ հանդիպումներու սովորութիւն չկար, ոչ Բիւզանդիոնը արքայից արքայ մը, ոչ ալ Տիգրան ռեւէ կայսր մը իւր պարսպներէն ներս հիւրընկալած է: Ֆիրդուսիի այն լուրը անշուշտ ինքնագիտ կցկցանք մըն է, իբր թէ Շապուհ Բ. կայսերական մայրաքաղաքն ծածուկ այցելած ըլլայ:

Այսպէսով անձնական հաղորդակցութեանց ճամբան միայն գրաւոր Թղթակցութիւնը մնաց: Աղբիւրները՝ կայսերաց եւ արքայից արքաներու շատ մը Թղթեր, մասամբ բնագիր, մասամբ ալ պարսիկ գրութիւնը յունարէն բառացի եւ հաւատարիմ Թարգմանութեամբ, աւանդած են, որոնց վաւերական ըլլալուն վրայ տարակուսի երթալու հիմ չունինք¹: Բնականա-

¹ Կոստանդնի առ Շապուհ Թուղթք. առ Եւսեր. Վարդ Կոստ. 4. 9: Շապուհ առ Կոստանդինոս եւ անոր պատասխանները. առ Ամիրանու 17. 5, 7: Կաւստի առ Յուստինոս, առ Մաղաղասայ 415, 449: Յուստինիանու առ Խոս-

պէս այսպիսի հզօր վեհապետաց թղթակցութիւնը արքունական կարգի կանոնի որոշ ձեւերու մէջ շարժած ըլլալու է, եւ յիշեալ թղթերէն, ինչպէս նաեւ Ֆիրդուսի Շահնամէն — որ Սասանեանց դարուն մեծարժէք պատմական աղբիւր կրնայ համարուիլ¹, եթէ նկատի չառնուիք թանաստեղծական յարգարանքն ու զարգարանքը — կը ստուերագծի պատկեր մը, թէ ինչպիսի եղանակաւ կը յօրինուէին արքայից արքային թղթակցութիւնները:

Արքայից արքային նամակները իւր իսկ հրամանաւ իր քարտուղարներէն մէկը յատուկ թանաքով կամ գունով եւ արքունի դիւանին մէջ սովորաբար գործածուած պեհլուի նշանագրերով՝ որոշ նիւթի մը (մետաքս, մեծագին մագաղթ) վրայ, որ թագաւորական գործածութեան համար մասնաւորապէս որոշուած էր, կ'արձանագրէր: Յետոյ թղթին դրսի կողմը կ'աւելցուէր առաքողին եւ հասցեակրին յորջորջանքը բովանդակող մակագիրը, մետաքսեայ երիզով կը ժապաւինուէր ու վերջապէս թագաւորական կնքով կը կնքուէր²:

Արեւելեան դիւանական բարձրագոյն ոճին հաճելի էր եւ Պարսից ունայնապարծու-

րով. Ա. առ Պրոկոպ. ՊՊ. Բ. 4. (169): Խոսքովու առ Յուստինիան, առ Մենանդրի Հակա. 11: Խոսքովու Բ. առ Մարիկիոս, առ Թէոփիլ. 4. 11 (169). եւ այլն:

¹ Նէոլդեկէ, Յարարի, Ներած. Ֆիրդուսի հոս ըստ Յ. Մոլի թարգմանութեան, le livre des rois, յառաջ կը բերուի:

² Ֆիրդուսի բազմաթիւ տեղեր, զ. օր. 6, 119. 155. 409:

Թիւնը կը շողորթորթէր, Թագաւորին անուան եւ տիտղոսին կցել բազմութիւն մը փառաբանող ու մեծադորդ ածականներ, որ նպատակ ունէին ընդունողին վրայ ազդեցութիւն բանեցնելու եւ Թագաւորին մեծ իշխանութիւնը մասնաւորապէս աչքին առջեւ երեւցնելու: Այսպէս Շապուհ Բ. Կոստանդինոսի գրած Թղթի մը մէջ (356) ինքզինքը կ'անուանէ. «Ընկեր աստեղաց, եղբայր արեգական եւ լուսնոյ»¹: Աւելի խիստ բաղադրուած են գոյները Խոսրովին 562 առ Յուստինիանոս գրած նամակի մը մէջ, ուր անկա իբր «աստուածեղէն, բարի, խաղաղասէր, ողորմած Խոսրով, Թագաւոր Թագաւորաց, երջանիկ, բարեպաշտօն, իրաւարար, որուն դէք մեծ բախտ եւ ընդարձակ պետութիւն մը տուած են, հզօրի մէջ հզօրաց եւ ըստ էութեան դից կազմուած» կը փառաբանուի²: Բայց ան եւս պէտք չէ մոռնալ, որ կայսերք ալ իրենց յաղթութեանց ու

¹ Ամիրանոս 17. 5. «Rex regum Sapor, particeps siderum, frater Solis et Lunae».

² Մենանդր Հակո. 11. (ՀՅԳ. 4. 209). «աստուածեղէն, առաքինի, խաղաղական, արքայ Խոսրով, արքայ արքայից, երանելի, բարեպաշտօն, բարերար, որում դէք շնորհեալ են բախտ մեծ եւ Թագաւորութիւն մեծ, սկսյ սկսյից եւ ի բնութենէ աստուածոց»:

Բողորովին աարբեր լեզու կը բանեցընէ իւր թուր Խոսրով Բ., երբ Մաւրիկիոսէն օգնութիւն կը խնդրէ: Ինքզինքը կը կոչէ լուի. «Խոսրով արքայ Պարսից», իսկ կայսեր անձը բազմութիւն յորջորջանքներով կը զեղու. «Իմաստնագոյն արքային Հոռոմոց, բարեգործ, խաղաղարար, հզօր, որ յիբէն զբարեւոյցն եւ աստէ զբռնաւորն, իրաւունիքն եւ թէնփիղ, 4. 11 (169): Թղթիս վաւերականութիւնը անաւարակութիւն է:

ձաղանաց տխուղուներուն հետ՝ սիրով կը գործածէին ինչ ինչ յայտանիշ դարձած պատուանուններ, որոնք ի հարկէ պարսկական ճոռումբանութիւններէն շատ ետ կը մնային¹:

Իրենց թղթերուն մէջ առաքող իշխանները իրենց անձին համար յոքնակի առաջին դէմքը կը գործածէին, իսկ ստացչին հետ մերթ եղբայրական «Դուն», եւ մերթ ալ — որ աւելի քաղաքավարական կ'երեւար — առարկայական բանաձեւ մը կը գործածէին, ինչպէս «ἀδελφότης» կամ «ἡμερότης» (վերջինս մեր վեհափառութեան համապատասխանող յորջորջանք մըն է):

Վաղնջական սովորութեան վրայ հաստատուած պարտաւորութիւն մըն էր, որ ինքնակալներէն միոյն փոխուելովը՝ նորին գահակալութիւնը մէկալ կողման պաշտօնապէս ծանուցուէր, այս ծանուցման կը պատասխանուէր սովորաբար շնորհաւորական պատգամաւորութեամբ²: Այս պատճառաւ ընդդէմ սովորութեան գործուած

¹ Յուստինիան միշտ հետեւեալ բանաձեւերը կը գործածէ πριος (εὐσεβής), felix (εὐτυχής), inelutus (ἐνδοξος), victor (νικητής), triumphator (τροπαιοῦχος), semper augustus (ἀεισεβαστος, αὐγουστος)՝ Այս բանաձեւը պահեցին նաեւ իւր պայագատները, մինչեւ տասներորդ դար: Որ աղ. կը հանդիպինք ասոր՝ Մակեդոնական հարստութենէն իւրեւն իմաստասէր կայսեր օրինադրոց մէջ:

² Յուստինիանոս կը ծանուցանէ «Հանդերձ ծանուցմանն պարգէն օք»՝ Մաղաղաս 448. նմանապէս Յուստինոս Բ. «Զթագաւորելն իւր ծանոյց, որպէս սովորութիւն էր Պարսից եւ Հռովմայեցւոց», Մենանդր Հոկա. 15. նմանապէս Յիւրբիոս, Թէոփիլ. 3, 12 (134), Թէոփանէս Ժամանակագ. (Հրա. Բոոր) 250:

խիստ յանցանք եւ յարգութեան բռնաբարու-
թիւն համարուեցաւ, երբ Խոսրովի որդին Որ-
միզդ, իւր գահակալութիւնը դիմամբ չծանոյց
Տիւբերի (579), թէպէտ ասիկա քիչ մը յառաջ
իւր թագաւորելը — շնայելով Արեւելեան
Հռովմէական պետութեան եւ Պարսկաստանի
մէջ տիրող պատերազմական ձայներուն — ա-
նոր նախորդին իմացուցած էր¹:

Իսկ Խոսրով Բ. Փոկասէն ղրկուած թուղթն
ու թղթաբերը անոր համար չընդունեցաւ (602),
վասն զի զՓոկաս իբր իւր հայրական պաշտպա-
նին, Մաւրիկիոսի սպանիչը եւ ապօրէն եղանա-
կաւ գահուն յափշտակողը, չէր ուզեր ճանչնալ²:
Բայց երբ Փոկաս ինկաւ եւ Հերակլ երկարա-
ձիգ ու փոփոխ բախտով մղուած արիւնհասեղ
պատերազմներէ վերջը Պարսից արքան խոնար-
հեցուց, որ եւ իւր պարտութեանց համար սպա-
նուեցաւ (628), իւր յաջորդին Վաւատ Շերշէի
առաջին գործքն եղաւ, իւր թագաւորելը ծա-
նուցանել եւ խաղաղութիւն խնդրել³:

Միջազգային յարաբերութեանց ժամանակ
ալ կայսր եւ արքայ փոխադարձաբար զիրար
չէին մոռնար: Երբ պարսկական զեւպաններ
Բիւզանդիոն ոտք կոխէին, կայսրը հանդիսական

1 Թէոփիլ. 3, 17 (145):

2 Թէոփիլ. 8, 15 (313):

3 Այս եղաւ Զատիկական ժամանակագրութեան մէջ
(հրատ. Բոն) 735 յառաջ բերուած նամակին մէջ, որուն
վերնագիրը այս է. "Ի Վաւատայ Շահին-շահէ՝ Հերակլէայ,
չքեղաշուք արքային Հռոմոնց, եղբոր մերումն":

ունկնդրութեան միջոցին իւր թագաւոր եղբօր որպիսութիւնը կը հարցընէր¹: Մասնաւոր առիթներու ատեն ողջոյններ եւ շնորհաւորութիւններ կը փոխանակուէին: Այսպէս խոսքով շնորհաւորեց Յուստինիանոսը վանդալաց յաղթելուն համար, միանգամայն երկմիտ կատակաւ աւարամաս պահանջեց, յայտնելով թէ աւարը չէր կրնար ընել, եթէ ինքը խաղաղ չկենար, եւ Յուստինիան ակնարկութիւնը հասկընալու չափ խոհեմ ըլլալով՝ հարուստ պարգեւներով նոյնին պատասխանեց²: Առհասարակ պարգեւատուութիւնը սիրելի դարձած միջոց մ'եղած էր ընդունողին բարեացակամութիւնը կամ ձեռնպահ մնալն ապահովելու, սպառնացող չմիաբանութիւններ հաշտեցընելու եւ դիւանագիտական գործողութիւններ յառաջացընելու: Պատգամաւորութիւնները, որ զանազան վախճանաւ կայսերական կամ պարսկական արքունիք կ'առաքուէին գրեթէ միշտ ընծայ մը կը տանէին ինքնակալին, որուն հետ բանակցութիւնը պիտի ըլլար, երբեմն ալ անոր ամուսնոյն³: Յուստինիանու հոյակապ դիւանագէտը եւ պաշտամանց մագիստրոս Պետրոս, որուն ստէպ պիտի հանդիպինք, հատուածի մը մէջ, զոր կոստանդին

¹ Կոստանդին Պրոփիւրոզ., վասն Կարգաց (հրատ. Ռոն) 1. 89 (406): «Ջիւրիք է առողջութիւն եղբօր մերոյ Մասուծով, ուրախ եմք ընդ ողջութիւն նորայ»:

² Պրոփուզ. ՊՊ. II. 24 (137):

³ Պարգեւներու յիշատակութիւն կ'ըլլայ շատ անգամ Պրոկոպիոսի, Մաղաղասի, Թէոփանէսի եւ այլոց քով: Պարգեւ առ զշխոյն Պարսիք առ Մաղաղասայ, 467:

կայսրը բիւզանդական արքունի արարողական կարգերու վրայօք իւր մեծ գործքին մէջ առած է¹, մանրամասն կը ստորագրէ, թէ ինչպէս ընծաները հանդիսական ունկնդրութեան ատեն պարսիկ դեսպանին ձեռքով կայսեր կը յանձնուէին: Թագաւորական պարգեւները — կը յիշատակուին զգեստեղէնք, պատուական քարեր, զարդեր, ինչպէս նաեւ ձիեր — նախ պաշտօնական ցուցակի մէջ կ'առնուէին, յետոյ դեսպանին ուղեկիցները կայսեր կը տանէին ու կը մատուցանէին եւ նոյն հետայն արքունի գանձատան մէջ ճշգրիւ կը գնահատուէին, որպէս զի անոնց արժեքէն կշռելով՝ իրենք ալ Պարսից թագաւորին ղրկեն համարժէք ընծաներ: Դեսպաններն ալ մեծապարգեւ կը մեծարուէին, եթէ ինքնակալին շնորհքը վաստկած ըլլային²:

Բայց լոկ պարգեւով չէր որ իրարու հաճոյակատար կ'ուզէին երեւալ: Որչափ ալ կայսր եւ արքայ ստէպ ստէպ իրրեւ թշնամի եղբայրներ պատերազմի դաշտին վրայ դիմացէ դիմաց կը բանակէին, սակայն եւ այնպէս խաղաղութեան ժամանակները ըստ կարելոյն իրարու բաղձանքներն ու խնդրուածքները կը կատարէին: Յուստինիանոս Խոսրովին բաղձանքին համաձայն՝ հրաման տուաւ երկրէն վտարուած նոր պղատնական փիլիսոփայից, որոնք Պարսկաստան ապաստանած էին, անարգել հայրենիք դառնալ³,

¹ Առատանդին. վասն Վարդապ 89, 90 (398 յի. օ.)

² Պրոկոպ. Գ. թ. 15 (539):

³ Էդաթիան (հրատ. Բոն), Բ. 31 (282): Այս բանս հանդիպեցաւ 532 ի խաղաղութեան առթիւ:

տարի մը վերջն ալ Թագաւորին աղա-
 չանքին վրայ Թոյլ տուաւ, որ իրմէ մեծապէս
 յարգուած Զրիբունոս մօիշկը զայն խնամելու
 համար Պարսկաստան երթայ: Երբ ասիկա ետ
 դառնալու ասեմն վարձատրութիւն խնդրելու
 տեղ շատ մը ազնուական չռովմայեցի գերի-
 ներու ազատութիւնը ուզեց, խոսրով անոր այս
 խնդիրքը ոչ միայն չմերժեց, այլ նաեւ քանի
 մը հազար գերի առանց փրկանքի արձակեց¹:

Ուրիշ նկարագիր ունէին այն դրամավճար-
 ները, որ չռովմայեցիք Պարսից ընելու ստի-
 պուած էին: Այս վճարումները ոչ ուղղակի
 պարգեւ ոչ ալ շարունակեալ տուրքի ձեւով
 օգնութիւն էին, ինչպէս որ հռովմէական պե-
 տութեան զօրութեան ու ճոխութեան հետ-
 ղհետէ իյնալովը՝ կայսերական կառավարութենէն
 անընդհատ գործադրուած սովորութեան մը հա-
 մաձայն, բարբարոս ազգերու (Հոնաց, Աւարաց
 եւն), կ'ըլլուէր, որպէս զի ասոնց յարձակումէն
 զերծ մնայ պետութիւնը: Այս ստակը՝ Պարսից
 ըսածին համաձայն, կը տրուէր իբր դաշինքով
 հաստատուած նպաստ մը՝ կասպեան կապանքը²
 պահպանելու, միւս կողմանէ կարելի չէր Պար-
 սից հետ խաղաղութիւն կամ նոյն իսկ զինա-
 դադար ընել, որ ահագին գումարով գնուած
 չօլլար. եւ որովհետեւ այսպիսի վճարումներ
 յաճախ տարիներու վրայ պայմանաւորուած
 կ'ըլլային, Պարսից աչքին առջեւ պարզապէս

1 Պրսկոպ. ՊՊ. Բ. 28 (281), ԳՊ. Դ. 10 (504):

2 Պրիսկոս Հատկո. 31 (ՀՅՊ. 4. 105):

Հռովմայեցւոց կողմանէ Պարսկաստանի տրուած
տուրք կ'երեւային, որչափ ալ Հռովմայեցւոց
ամբարտաւանութիւնը այս ըմբռնման դէմ զայ-
րանար: Իրաց այս վիճակը Յիսարոնի արքունիքը
յօգուտ գործածելով՝ դրամական տագնապի
ատեն կայսեր կը դիմէր օգնութիւն ընդունելու,
որ երբ զլացուէր, ինչպէս որ Կաւաս Թագաւո-
րին Անաստաս կայսրը զլացաւ, գէշ կու գար
եւ իբր պատերազմի պատճառակը կը ծառայէր¹:
Մինչդեռ երբ Խոսրով Բ. 591թ. սաստիկ նե-
ղութեան ատեն, Վահրամ Զորին բռնաւորը
գահէն վտարելու համար, Մաւրիկիոս կայսեր
գիմք եւ կերպապէս պարտամուրհակ մատու-
ցանելով ստացաւ խնդրած դրամը, այս գումարը
իրեն իրական փոխառութիւն համարուեցաւ²:

Հաղորդակցութիւն Պատգամաւորս/մեմար:

Ո՛չ կայսերական եւ ո՛չ ալ պարսկական
արքունիքը մշտակայ դեսպանութիւն կը պահէր,
դիւանական յարաբերութիւնը երկու ինքնակա-
լաց մէջ կ'ըլլար լոկ մասնաւոր պատգամաւոր-
ներու միջոցաւ, որ երբեմն երբեմն կը շրջուէին
որոշեալ գործողութիւններ կամ պատուէրներ
գլուխ տանելու: Երկու տեսակ պատգամաւորու-
թիւն կը զանազանէին թէ՛ Հռովմայեցիք, թէ՛
Պարսիկք. մեծ եւ փոքր, զանազանութիւն մը,

¹ Պրոկ. ՊՊ. Ա. 7 (33), Թէոփանէս 144, Մաղա-
ղա 449:

² Թէոփիլակտոս 5. 2 (191). «Խոսրով արկեալ ձեռ-
նադիր ի մուրհակ պարտուցն առաքեալ առ Մաւրիկիոսը»
ԲՈՂՈՒՄՆԱՆ - ՊԵՐՍԻՍՏՈՆ

որ կարծես այժմու դեսպանի եւ պատգամաւորի տարբերութեան կը մօտենայ, բայց յիրականին ասոր հետ գործք չունի, ինչու որ նաեւ փոքր գեսպան կոչուածներն ալ միշտ իբրեւ իրենց վեհապետին ներկայացուցիչներ կը համարուէին¹։ Որչափ որ աղբիւրներու ցանցառ տեղեկատուութենէն կարելի է եզրակացընել, մեծ պատգամաւորութիւն ըսելով այնպիսիներ կը հասկըցուէին, որոնց գլուխը դրուած անձը կամ անձերը շատ նշանաւոր դիրք կամ աստիճան ունեցողներ — մեծ պատգամաւորներ — կ'ըլլային, որոնք արտաքոյ կարգի ծանրակշիռ բանագնացութեանց համար դեսպանագնացութեան կը խաւրուէին եւ մասնաւոր իմէ հանդիսութեամբ կ'ընդունուէին։ Նուազ ծանրակշիռ խնդիրներու, զ. օր. լոկ թուղթ մը տանելու համար, պզտիկ հրեշտակութիւններ կ'առաքուէին, որոնց ներկայացուցիչները այնչափ նշանաւոր չէին ըլլար։ Դեսպանաց ընդունելութիւնը՝ ընդունող ինքնակալին համար յաճախ շատ ծախքերու կը նստէր, ուստի սովորութիւն էր, զանոնք հայրենիք արձակելէն վերջը, փոքր դեսպանութիւն մ'ալ խաւրել, որպէս զի առաջին դեսպանաց ընդունելութեան համար ընդունող ինքնակալին շնորհակալութիւն յայտնեն²։

¹ Մենանդր Հակո. 38. 41. 54 (246. 242. 255). «զմծ դեսպանս, զմծագոյն դեսպանս» Հակո. 46 (248). «զփոքր պատգամաւորութիւնն» — Կոստ. վասն Կարգաց Ա. 89 (398). «մեծի դեսպանին Պարսից եկելոյ»։

² Մենանդր Հակո. 41 (242). «ի վաղուց այնպիսի իմ սովորութիւն կալաւ զի զհետ մեծաց դեսպանաց

Ղրկուելի ամէն հրեշտակութիւն յառաջունէ այն ինքնակալին կերպապէս ծանուցանելու էր, որուն քով պատգամաւորութիւնը պիտի հաւատարմացուէր. այս ծանուցումը թըղթով կ'ըլլար տէրութեան սուրհանդակաց ձեռքը. սակայն կը բաւէր նոյն իսկ սահմանագծերուն վարիչները տեղեկացընել, որոնց գործքն էր այնուհետեւ լուրը յառաջ տանիլ եւ հաղորդել¹: Ինքնակալներէն եւ ոչ մին պատգամաւորութիւն մ'ընդունելու պարտաւորուած էր. նոյն իսկ խաղաղութեան ատեն իւր կամքէն կախուած էր ընդունիլն ալ մերժելն ալ եւ իւր երկիրը մտնելն արգելու²: Եթէ հրեշտակութիւն մը իրեն յանձնուած գործքը բաղձացուածին պէս գլուխ չկարենար հանել, որով ստիպուէր առանց բան մ'ընելու ետ դառնալ, այն ատեն այն ինքնակալը, որ գետպանութիւնն ընդունած էր, միւս արքունիքը յատուկ պատգամաւորութիւն մը կը խաւրէր, որպէս զի առկախ մնացած բանակցութիւնները վերստին սկսին ու շարունակուին: Այսպէսով երբեմն երկար ժամանակամիջոց մը պատգամաւորութիւններ կ'երթային կու գային, որ խաղաղութեան պայմաններու կամ զինադադարի վրայ բանակցին, կայսեր յանձնարարութեամբ արքայից արքային հետ, կամ հակառակ, մինչեւ

առաքելին զոյլ խոնարհագոյն պատգամաւորս վասն ընդունելութեան եւ մարգարէութեանն ցուցելոյ առ մեծագոյն գետպանս շնորհս մատուցանել³:

1 Օրինակներ առ Մենանդրի յիշ. տեղերը:

2 Մենանդր Զովտ. 17 (222): Ընդունելութեան գփուարութեանց վրայ Զովտ. 55 (257):

որ կամ մարտութիւն տեղի կ'ունենար եւ կամ ապարդիւն թալով՝ բանակցութիւնները կը խզուէին¹։ Այս պատճառաւ զետեղաններուն դադարման տեւականութիւնը պարագաներէն կախում ունէր. մէկ տարի կրնային թալ²։ Այլ պատահէր նաեւ, որ պէտք եղածէն աւելի երկար կը պահէր Պարսից արքանիցը հռովմակոն հրեշտակները, կամ որպէս զի անոց առ կայսր տալէք տեղեկութիւնը յապաղի եւ կամ որպէս զի պատերազմական գործադրութեանց ելքին սպասել կարենան, բանակցութեանց տան իրենց դիրքը շտկելու համար³։ Արշափ որ ալ շատ անգամ արտաքին քաղաքավարութեան ձեւակերպութիւնները կը պահուէին, այսու հանգերձ երկու կողմին ալ իրարու չէին վստահէր. զետեղանութեանց միջոցին կռակած կը յառնէր, որ թերեւս լռտեսութիւն է. կամ թշնամոյ յանկարծական յարձակում։ Այսպէս սահմանադրուիլը գանձուող հռովմակոն Դարաս բերդին հրամանատարին խիստ պատուէր տրուեցաւ, որ յանկարծակիի չգոյ պարսիկ պատգամաւորներէն, որոնք հոս իրենց առաջին դադարը պիտի առնուին, եւ աւելիկոյներէն քիչ մարդ ներս թողու⁴։

1 Յիւրիի եւ Պարսից թագաւորին մէջ բանակցութիւնները առ Մենանդրի Հակա. 38 եւ 39. արեւմտեւոր ունին։

2 Պրոկոպ ՊՊ. Բ. 28 (285)։

3 Հմմտ. Մենանդր յ. ա.։

4 Կասանդին վասն Կարպոց Ա. 89 (389)։ «Կարս էր առաջնորդաց Դարասոյ բազում հազարաթուովեմք սկիւ, զի փ պատճառանք զետեղանին՝ բազմութիւն Պարսից ի ներքս զեղածոցն, եւն։ Նստեւ Պրոկոպ ՊՊ. Բ. 25 (284)։ Եւսով կը բերէ Դարասի տիրելու գիտաւորութիւնը։

Կայսերը՝ Պարսկաստանի համար սահմանաւոր դեսպանները կ'ընտրէին տէրութեան ամենաբարձր պաշտօնեաներու շրջանակէն եւ ամենաբարձրաստիճան զինուորականներէն: Անաստասէն մինչեւ Մաւրիկ դեսպան անուանուած անձնաւորութեանց ցանկին մէջ կը գտնուին ի մէջ այլոց Քաղաքի Վերակացու մը (Praefectus urbi) բազմաթիւ Զօրականաց Մագիստրոսներ (Magistri militum) եւ Պաշտամանց Մագիստրոսներ (Magistri officiorum), Պարգեւաց Կոմս մը (Comes largitionum) շատ մը Հիւպատականք (Consulares); բայց եւ ոչ մէկ հօգի, որ գէթ պատրիկի պատիւ ունեցած չըլլար¹: Յիբերիոս մացառաբար իւր հաւատարիմ անձնական բժիշկը Զաքարիա, այլոց հետ Պարսկաստան խաւրեց, բայց տուաւ միանգամայն նախկին հիւպատոսի պատիւ²: Կարգի եւ աստիճանի այնչափ ծանրակշռութիւն չէր տրուեր, երբ պատերազմի տեսն հրեշտակներ ղրկուէին թշնամւոյն բանակը. այսպիսիք ոչ թէ մեծ՝ այլ փոքր պատգամաւոր կը համարուէին³: Պարսից արքաները իրենց պալատական բարձրագոյն պաշտօնեաներէն կամ ամէնէն ազնուական տոհմերէն կ'ընտրէին դեսպանները: Սովորութիւն չկար հարցընելու, թէ արդեօք պատգամաւորը մէկալ պալատան հաճելի է, սակայն եւ այնպէս օտար

¹ Ըսոնց ցանկը կրնայ կազմուիլ Մաղաղասէն, Պրոկոպէն, Միստանգրէն եւ Թեոփանէսէն:

² Մենանդր Հակո. 54 (255):

³ Պրոկոպ ՊՊ. Բ. 7 (186). Բ. 24 (259):

ինքնակալին մաղձանքն ալ ի նկատի կ'առնուէր. այս պատճառաւ ալ աւելի նշնին գնահատման ու սիրոյն արժանացող անձինք, որ անոր շնորհքը վաստակած էին, կրկին ու կրկին անգամ պատգամաւոր կը խաւրուէին¹:

Հաստատուն կանոն մը կ'երեւայ թէ չկար, որ դեսպանութեան գլուխը մէկ թէ մէկէ աւելի անձինք կենալու էին. կայսերական պատգամաւորութիւնները սովորաբար մազմաթիւ անձինքն երէ կը մաղկանային, ըլլայ իրարու թեւ թիկունք ըլլալու, ըլլայ իրարու հսկելու համար. մէջնէն մէկը, աստիճանով ամենէն մեծը, իբրեւ գլուխ եւ առաջնորդ բանին կը գործէր: Ի հարկէ դեսպաններու կ'ընկերանային առաւել կամ նուազ թուով ուղեկիցներ իբրեւ օգնական, թարգման եւ ստորակարգ անձինք²:

Հաւատարմացնելու համար կերպական թղթի պէտք չկար, վասն զի դեսպանութեան օրինաւոր ըլլալը հաստատած կ'ըլլար կանխաւ եղած ծանուցումը. իսկ եթէ պատգամաւորութիւնը հետը բերէր նաեւ իւր իշխանին մէկ թուղթը, որ սովորաբար կ'ըլլար, այն ատեն այս թուղթը կը բովանդակէր յանձնարարութիւնը եւ դեսպանութեան պաշտօնը կը նշանակէր: Քանի որ պատգամաւորներուն յայտնապէս մացարձակ

1 Այսպէս Հերմագենէս Յուստինոսի եւ Յուստինիանոս օրով, Ջրայեանոս եւ Ջաբրիա Տիրերի ատեն, այսպէս Ջիկ Խոսրովի ժամանակ:

2 Ըստ Պրոկոպիոսի ՊՊ. Բ. 28 (250). Խոսրովին դեսպանը իր կիներն ու գուսարները փոստին Բիւզանդիոն բերաւ:

իշխանութիւն տրուած չէր դաշինք կոելու եւն, պարտական էին՝ իրենց ինքնակալին՝ դրուած գաշանց հաստատութիւն տալը վերապահել եւ այդ հաստատութիւնը բերել¹։ Յայտնի լինազորութեանց հետ կը յիշուին նաեւ գաղտնի հրահանգներ²։

Երկու պետութեանց դեսպանները ազգաց իրաւամբ առհասարակ ճանչցուած արտօնութիւնները կը վայելին նաեւ պատերազմի ժամանակ։ Իրենց անձը անընթացարեւի էր եւ չէր ըլլար որեւէ կերպով դաշիլ³։ Օտար երկրին մէջ տէրութեան ծախքով ազատ կ'երթեւեկէին⁴ եւ իրենց աստիճանին համեմատ կը տեղաւորուէին ու կը հոգացուէին, իրենց հետ բերած առարկաները մաքսային մուտքի եւ ելքի վճարմանց ենթակայ չէին եւ վաճառականական սովորական սահմանափակութիւններէ ազատ էին⁵։ Մինչդեռ կայսերական կառավարութիւնը միշտ հոգ ու փոյթ կը տանէր, որ ազգաց իրաւանց այս սկզբունքները ճշգրիտ պահուին, անդին պարսիկ պետութիւնը այս ակնածութիւնը երբեմն ոտքի տակ կ'առնուր։

Օտար պատգամաւորներն ընդունելու մասնաւոր կարգ կանոններ կային բիւզանդական արքունեաց մէջ, որոնց կէտ առ կէտ պահպանութեան մասնաւոր խնամք կը տարուէր պարսկա-

¹ Մենանդր Հոկա. 11. 54 (209, 255)։

² Մենանդր Հոկա. 47 (251)։

³ Dig. de legat. 50. 7. 18.

⁴ Cod. Just. de cursu publico 20. 50. 16.

⁵ Cod. J. de comm. et mercat 4. 63. 4. § 3.

կան գետապաններուն հանդէպ, իբր ամենահզօր
դրացի պետութեան ներկայացուցիչներու: Պա-
լատական քաղաքավարութեան եւ սիրալիր վար-
մանց մէջ այն ատեն մանաւանդ զերար գերա-
զանցելու կ'աշխատէին, երբ խնդիրը երկու պե-
տութեանց մէջ խաղաղութիւն հաստատելու
կամ պահելու վրայ ըլլար:

Ղերոյիշեալ Պետրոս մեզի աւանդած է
ստորագրութիւն մը պարսիկ պատգամաւորու-
թեան մ'ընդունելութեան, որ միանգամայն նման
դիպաց իբր օրինակ որոշուած էր¹: Էական մասը
հոս յառաջ կը բերենք:

Դիւանական յարաբերութեան հոգատա-
րութիւնը կայսերական արքունեաց մէջ՝ պաշ-
տամանց մագիստրոսին ձեռքն էր, որ ամբողջ ար-
քունահանաց իբրեւ գլուխ իր վրայ կը միաւորէր
պալատան վերահացուի եւ արտաքին գործոց նա-
խարարի պաշտօնները²:

Պատգամաւորութեան ղեկուիլը ծանու-
ցուելէն վերջը՝ պաշտամանց մագիստրոսին հրա-
մանաւ իւր պաշտօնեաներէն մէկը, որ փառաւորք
(Illustres) կոչուածներու աստիճանէն ըլլալու

¹ Կոստանդ. վասն Կարգաց Ը. 89. 90 (398 մ.):
Ըսի այն գետապանութիւնն է. զոր խորով 551 Բիւզանդիոն
խաւրեց խաղաղութիւնը կնքելու համար բանակցելու. այս
բանս կը հետեւի գետապանին անուան յիշատակութենէն
'Ιεσδοκος, ὁ πρέσβης Χοσροδου, որ անշուշտ Պրոկոպի քով
ՊՊ. Բ. 28 (284). եւ ԳՊ. Դ. 15 (537). գտնուած 'Ισδιγούσαςէն
հետ նոյն պիտի ըլլայ: Ըյս անուան պարսկերէնն է Izedh-
Gusehnasp (Յազդ-Ղշնասպ) ւ. վարը:

² Cod. J. de off. magistr. offic. 1. 31.

էր, պարսկական սահմանը կ'երթար, որ է ըսել հռովմեական Գարաւս բերդին եւ պարսիկ Մծբնայ մէջտեղ, որպէս զի հոն իւր զինուորական յուղարկաւոր գնդովը պարսիկ դեսպանը, որուն ընկերացած կ'ըլլային Մծբնէն պարսիկ գունդեր, ողջունէ եւ Գարաւս առաջնորդէ, որուն առջեւ այլ եւս պարսիկ յուղարկաւոր գունդը կենալու եւ ետ դառնալու էր: Հռովմայեցի յանձնակատարին առաջնորդութեամբ ճամբորդութիւնը կը շարունակուէր զինուորական մեծ պողոտային վրայէն, անցնելով Կապադովկիան ու Քաղատիւն եւ Նիկիայի վրայէն Բոսպորոսի եզերքը՝ Քաղկեդոն, ուր սովորաբար դեսպանը ճամբորդութեան խոնջութենէն քանի մ'օր հանգիստ կ'առնուր¹: ճամբորդութեան տեւողութիւնը, մէջն առնելով ճամբան պէտք եղած դադարը, 103 օր սահմանուած էր եւ այս ժամանակամիջոցին մէջ էր, որ դեսպանին եւ անոր ուղեկիցներուն պիտոյից համար հարկաւոր դրամը կը տրուէր. մաց աստի իրեն տրուելու էին 5 ձի եւ 30 ջորի²: Քաղկեդոնէն նաւով մայրաքաղաք կը տարուէր, ուր ցամաք ելած աստեւ կայսերական նժոյգներ ու ձիեր կը սպասէին, զինքը իւր բնակավայրը փոխադրելու, որ ամէն դիւրութեամբ յարգարուած եւ պարաստուած էր³: Հոս հասնելուն պէս պաշտա-

¹ Կոստանդ. անդ. Հոս յիշուած Լնտիոքը ասորականը չի կրնար ըլլալ, անտարակոյս Լնտիոք առ. Ցաւրոսի ընթալու է. վասն զի ասոր վրայէն կ'երթար ճամբան:

² Ζῶα.

³ Կոստ. 401, ուր բնակութեանց յարգարանքը աւելի մանր կը նկարագրուի:

մանց մագիստրոսին մէկ փոխանորդին կողմանէ հիւրընկալութեան պարգեւներով կ'ողջունուէր, քաղաքավարութիւն մը, որուն պատասխանել կու տար դեսպանը իրեններէն մէկուն միջոցաւ: Երկրորդ կամ երրորդ օրը պաշտամանց մագիստրոսին պաշտօնական այցելութիւն մը կ'ընէր, յորում ասիկա տեղեկութիւն կը խնդրէր դեսպանէն անոր ինքնակալ տիրոջ, նոյնին զաւակաց եւ իւր իսկ որպիսութեան վըայօք եւ կը հարցընէր թէ ճամբորդութիւնը լաւ կատարեց թէ ոչ. կայսրն ալ դեսպանին թղթով կամ բերանացի բարի գալուստ կը մաղթէր, զայն պաշտօնապէս շնորհունած¹:

Հանդիսական ընդունելութիւնը կայսեր կողմանէ՝ կը կատարուէր իբր պետութեան գլխաւոր ծանրակշիռ գործողութիւն մը, յորում Բիւզանդիոն իւր կրցած ամէն փառաւորութիւնն ու պերճութիւնը յերեւան կը հանէր: Շլացուցիչ շքեղութեամբ, բարբարոսներուն, որպիսիք կը համարուէին նաեւ Պարսիկները, աչքը ըստ կարելոյն ազդոյ եղանակաւ խոթել կը նկրտէին պետութեան եւ անոր թագաւորներուն գերազանց զօրութիւնը: Պաշտամանց մագիստրոսին օպնականը² (Subadiuva), ունկնդրութեան նախընթաց իրիկունը դեսպանին կը ծանուցանէր, որ կայսրը երկրորդ օրը զինքն ընդունիլ կ'ուզէ³. Նմանապէս կայսրը իւր

¹ Կոստ. 403:

² Արոր վայօք տ. Cod. J. 12. 20. 4:

³ Կոստ. 403. «Հրաման եւս արքայ յառաջիւ քեզ, օն յառաջեալ»:

վերագոյն սենեկապետին (Decurio) ձեռքով մասնաւոր կերպով զանիկա իրեն կը հրաւիրէր¹։ Ծերակոյտի անգամները, բարձրագոյն պաշտօնեաները արքունի հրաւերով ունկնդրութեան կը կանչուէին. նոյնպէս հոգ կը տարուէր, որ կայսերական թիկնապահ գունդը, դրօշակիրները, պաշտամանց մագիստրոսին ստորակարգ թէկնածուները եւ թարգմանները ժամանակին ներկայ գտնուին։ Ամէնքն ալ իրենց հանդիսական հանդերձանքներով, իսկ գունդերը զենքով ու զարդով կուռ վառեալ հոն ըլլալու էին։

Ընդունելութիւնը կայսերական ապարանաց մեծ գահասրահին մէջ (Magnum consistorium) տեղի կ'ունենար, որ հանդիսական գումարումներու համար որոշուած էր եւ ծանր մետաքսեայ սրահակներով գոցուած երեք դռներով անջատուած կ'ըլլար նախասրահէն (Ante consistorium)։ Հոս կը մտնուէր պալատան առջեւի հրապարակէն (Augustaeum) նախապալատէն անցնելով²։

Դեռ բաւական ժամանակ կը սահէր կ'անցնէր, մինչեւ որ դեսպանին թոյլ տրուէր կայսեր երեսը տեսնել։ Պալատ մտնելու ատեն պաշտամանց մագիստրոսը զայն կ'ընդունէր եւ մուտ-

¹ Decurioի վրայ տ. Cod. J. de decur. et silent. 12. 16.

² Յեղույն պարագայից վրայ հմտ. Պրոկոպ. de aedif I. 9 (199). եւ Կորնպոսի Panegyricus in laudem Justinii զանազան տեղերը։

քին քով գանուող իւր գրասենեակը (Schola) կը տանէր, ուր կայսեր համար բերած պարգեւներուն ցուցակը կ'առնուէր¹: Այնուհետեւ ղեսպանները ներս տանելու որոշուած սենեկապետը² (Admissionalis), հետն ունենալով գրասենեկին պաշտօնեաները եւ թարգմաններ, ղեսպանը նախասրահ տանելով կը խնդրէ հոս սպասել, մինչդեռ գահասրահին մէջ ամէն ոք կայսեր ընդունելութեան կը պատրաստուի: Ասիկա այս միջոցին թողլով իւր առանձնական սենեակները եւ ունեւորութեան սրահն առաջնորդուելով՝ գահին վրայ կը բազմի ու կ'ողջունէ ներս մանող մեծամեծները: Իսկ ասկէ վերջը զարմանալի բան մը տեղի կ'ունենայ: Արժեք թէ կայսրը իբրեւ վերին դատաւոր ատենն նստած ըլլայ եւ ղեսպանն ալ իբր կողմնակցութիւն առջեւը ելլելու համար եկած՝ ասոր կանխաւ պատրաստուած կերպական հրաւեր մը կը հանուի, զոր պաշտամանց մագիստրոսը բարձրաձայն կարդալ եւ հրատարակել կու տայ: «Անշուի թող խոսրովի, Պարսից թագաւորին պատգամաւորը եւ անոր հետ եղողները³», Սենեկապետը (Decurio) նախասրահը կ'երթայ եւ ղեսպանին կ'ըսէ, որ վարագոյրը վեր վերցընէ ու ներս մտնէ⁴: Ընդարձակ սրտ-

¹ 8. 4երդ:

² „Introducteur des Ambassadeurs“ ըստ. անը կը յիշեցնէ:

³ Աստա. 405. «Առէնորի Յազդ-Աշնուպ պատգամաւորն խոսրովու Պարսից արքայի եւ եկեալքն ընդ նմա:»

⁴ «Գոչէր տասնապետն. Δέβα, (= ամբարձ)»:

հին երկայնութեանը պատճառաւ, հազիւ թէ հեռուէն կը նշմարէ իւր մեծութեան ու փառաց նշաններով պահուած թագաւորին անձն ու կերպարանքը։ Մինչ դեսպանին ուղեկիցները ետեւ կը մնան, ինքը կամաց կամաց գահին կը մերձենայ, սովորական յարգութիւնը կ'ընէ կայսեր, երեք անգամ՝ դետին իյնալով եւ ոտքը պահնելով եւ կը մատուցանէ մաղթանքներ, կարդալով՝ իւր աիրոջ թուղթը։ Կայսրը դեսպանը կ'ողջունէ թարգմանի միջոցաւ եւ իւր թագաւոր եղբօր որպիսութիւնը կը հորցընէ. ասոր վրայ դեսպանը հրաման կը խնդրէ թագաւորական պարգեւները յանձնելու եւ կ'ընդունի. այս ընծաները իւր ուղեկիցները նախաւորահէն ներս կը բերեն եւ կրկին ու կրկին երկրպագութեամբ կայսեր առջեւ կը դնեն։ Թէ այդ ընծաները ինչ կ'ըլլան յետոյ, արգէն ըսած ենք։ Ապա կայսրը պատգամաւորը կ'արձակէ սիրալիւր խօսքերով, որ կը հեռանայ ինչպէս որ ելած էր, այսինքն երեք անգամ ծնրադէր երկրպագութեամբ. վարապոյրը իւր ետեւէն կ'իյնայ եւ տեսարանը վախճան կ'առնու¹։

Այս առաջին ընդունելութեան ունկնդրութեան կրնային ուրիշ ոչ այնչափ հանդիսականութիւն յաջորդել, եթէ կամ կայսրը դեսպանը իրեն հրաւիրած ըլլար խօսակցութեան մը համար, եւ կամ ասիկա պաշտամանց մագիսարոսին ձեռքով կայսրմէ ունկնդրութիւն խնդրէր, որպէս զի իւր կողմանէ անոր ընծաներ

1 Կոստանդ. վասն Կորգաց 407, 408։

մատուցանէ: Այսպիսի սեռականութեանց ստեն գործքի վերաբերեալ իրողութիւնները, որոնց համար որ գեղարարը եկած էր, ընայ պաշտամանց մագիստրոսին ներկայութեամբ, ընայ ներսիցի տնգաձերան եւ այլոց մասնաւոր հրաւիրմամբ գումարուած ժողովքի մը մէջ (Silentium), խնդրոյ նիւթ կ'ըլլային. խնդրոյն յաւաքացման համար կրնար տեղի առնեալ առանձին բանակցութիւն գեղարարին եւ պաշտամանց մագիստրոսին աւայտեր արիշ վտասհելի առնանաւորութեանց միջեւ¹: Եթէ իրերը նպատաւոր ընթացք մը առնելու վրայ ըլլային, քաղաքագիտական խոհեմութեամբ կարելի էր յանձնարարուէր, ոչ փայն տեղ գրառանելով յիշել Պարսից Թագաւորը եւ սիրան առնաւ, ըսենք պարսիկ նշանաւոր գերայ մը արձակմամբ², այլ նաեւ պառգամաւորին ալ ցոյց տալ առնանապէս հոգածութիւն մը եւ մաագրութիւն մը, հրաւիրելով կայսերական սեղանի եւն եւ հարուստ պարգեւներով արձակել զանկիւս³: Յակոյն այս խնամաստար մաագրութիւններով հանգերձ գեղարարը եւ անոր ազնկիցները առականական մշտական եւ ճշգրիտ հսկողութեան ենթարկուած էին, մայրաքաղաքն անցուցած ժամանակամիջոցին մէջ, որպէս զի լրտեսութիւն

¹ Գոստ. անգ 408-409: Թէ-փիշ. 4. 13-14:

² Պարս. Գ. Գ. Գ. 15 (337). պարսիկ գեղար. մէջ յիշատակէ:

³ Գոստ. անգ 409-410: Պարսիկ. Գ. Գ. Բ. 28 (235-236). Յուսմանիւմ. Ժախքը, զոր Յապ-Վաշտակոյ գեղարարութեան համար ըրաւ. 1000 թար տօկի. ուստի իւր մէջ միջան մարկ էր գնէ:

չկարենան ընել: Պատուասիրելու պատրուակին ներքեւ պատգամաւորութեան կը հետեւէր պահակախումբ մը, որնոյնին կ'ընկերանար բնակավայրէն դուրս ամէն կողմ. քաղաքին ամէն փառաւորութիւնները պարծենալով ցոյց կու տային դեսպանին, բայց միայն իրենց ուզած բաները: Իւրեւ բացառիկ դէպք կը յիշատակէ Պրոկոպիոս, որ Յուստինիանոս թոյլ տուած է Յազդ-Վշնասպին, զոր մեծապէս կը յարգէր, իւր մարդիկներով ազատ համարձակ առանց ուղեկցի Բիւզանդիոնի մէջ շարժիլ¹:

Պարսիկ դեսպաններուն ընդունելութիւնը միշտ այնպէս սիրալիր չէր ըլլար, ինչպէս Յուստինիանու ատեն, որ երկարամեայ փորձառութեամբ սորված էր, թէ թշնամին լաւագոյն է դիւանագիտական հաճոյակատարութեամբ շահիլ, քան թէ խստութեամբ ուժացընել: Իւր յաջորդը Յուստինոս, իւր հռովմայեցի կայսր ինքնագիտակցութեամբ առլցեալ, Պարսից գէմ ձայնը թարձրացուց: Արդէն իսկ Խոսրովի առաջին դեսպանին, Մահմոդի հանդէպ խստութիւն եւ դաժան վարմունք բանեցուց, թէպէտ ասոր ընտրութիւնն ալ իւր ամբարտաւան բնաւորութեանը համար սխալմունք համարուեցաւ:

Պարսից արքունեաց մէջ ալ դեսպաններու ընդունելութեան նկատմամբ ըստ յունական աղբիւրներուն եւ ասոնց հետ ֆիրդուսիի՝ թագաւորաց մատենին մէջ այս նկատմամբ հաղորդածներուն, բիւզանդականին նման կարգ ու

¹ Պրոկոպիոս Գ. Գ. Դ. 15 (538—539):

սարք կը տիրէր: Ինչպէս պարսիկ զեսպանը
Դարասի մէջ, նոյնպէս ալ կայսերականը Մծբնայ
մէջ սահմանին վրայ՝ հրամանատարէն եւ վար-
չութեանէն կ'ողոճուէր եւ հոն կ'առաջնորդուէր,
ուր նոյն միջոցին թագաւորը իւր կայանը հաս-
տատած էր: Յիսուս մայրաքաղաքին մէջ կ'ըն-
դունէր զայն թագաւորը, շրջապատուած իւր
մեծամեծներէն եւ բազմած պատուական քա-
րերով զարդարուած փղոսկրէ գահին վրայ,
մարգարտաշար ապարօշը գլուխը եւ զգեցած
շքեղ եւ ոսկեհոս հանդերձներ¹: Դեսպանը
սովորական կերպով թագաւորին յարգութիւն
ընելէն վերջը՝ կայսեր ընծաներուն հետ նամակը
կը մատուցանէ թագաւորին, որ իւր քարտու-
ղանքէն մէկուն բանալ եւ կարգադրել կու-
տայ: Եթէ թագաւորը բարեյօժար եւ ուրախ
զուարթ ըլլայ, զեսպանը նստեցընելով գահին
քով պատուոյ հագուստներով² եւ ուրիշ ըն-
ծաներով կը մեծարէ: Իսկ եթէ թագաւորը
պատերազմի դաշտը գտնուի, պատգամաւորը
բանակետդը կ'երթայ եւ անոր արշաւանայ
կ'ընկերանայ³:

Հռովմայեցի պատգամաւորները քաղա-
քական իրերուն խնդիրներու վրայ եղած բա-
նակցութեանց ատեն, ճարտասանութիւն թա-

1 Հմմտ. Թագաւորին երեւոյթը առ Թեոփղ.ի 4. 3
(154): 4. 7 (162): Նեոյդեկէ, Ջարարի 222:

2 Նկարագրութիւն ըստ Ֆիրգուսի (Mobl) 5, 291.
6, 2. 82. 7, 229 եւն:

3 Պրոկոպ. ՊՊ. Ը. 3 (15), Մենանդր Հովտ. 41 (248).
օրինակներ կու տան:

փելով կամ նաեւ տրամասական արուեստ բանեցընելով թագաւորին վրայ ազդեցութիւն կ'ուզէին գործադրել եւ զանիկա իրենց առաջարկութեանց յօժարեցընել: Դժբախտաբար այս բանս քիչ անգամ կրցած են յաջողընել, շատ անգամ իրենց ջանքն ու ճիգը Պարսկին ամբարտաւանութեան կամ խորամանկութեան առջեւ կը խորտակէր¹:

Իրերը ուրիշ կերպարանք կ'առնուին, երբ արքայից արքան լաւ տրամադրութեան մէջ չըլլար: Պատգամաւորներուն առջեւ ամէն տեսակ խոչ եւ խուժ կը հանուէր՝ դեռ պարսկական արքունիքը ոտք չկոխած, կը ջանացուէր որ անոնց ընդունելութիւնը յապաղուի եւ ընդունելութիւնին ալ սիրալիր չէր ըլլար. թագաւորը՝ կայսեր անուամբ իրեն եղած առաջարկութիւնները բանի տեղ չդնելով կը մերժէր: Երբեմն նոյն իսկ սովորական ակնառութիւններն իսկ, որ ազգաց իրաւանց տակ կ'երթային, կը բռնաբարուէին: Այսպէս Տիբերիոս կայսեր դեսպանները՝ Ումիզդ արքային (579) արքունեաց բարբարոսներուն ամբարտաւանութեան վրայ դառն գանգաւաններ ըրին: Գէշ եւ վատառողջ բնակարաններ դրած՝ իբր բանտարկեալ կը վարուէին հետերնին եւ ետ դարձած առեւտրին հոս ու հոն տարուբերեցին, այնպէս որ իրական տանջանք մ'եղաւ իրենց դարձը²:

¹ Մանրամասն բանակցութիւններ առ Մենանդրի Հակո. 11 (204—206), Հակո. 15 (221. 222):

² Ցեղեկութիւնը կրնայ կարգացուիլ Մենանդրի քով Հակո. 55 (256—258):

Դիւանական գործողութիւնները միշտ պէտք չէր որ դեպքաններ արքունիքէ արքունիք ղըկուելով ըլլար. այս վախճանաւնաւ լիազօրներ կ'անուանուէին, որ երրորդ տեղ մը խորհրդակցութեան համար քովէ քով կու գային: Այսպէս 562ի խաղաղութիւնը, որով բազմամեայ հռովմէական-պարսկական պատերազմը վերջացաւ, այսպիսի ժողովքի մը մէջ գլուխ հանուեցաւ¹. երբ Յուստինիանու պայազատներու ատենն նոր պատերազմ բացուած էր, 577ին եւ յաջորդ տարիներու մէջ շատ հեղ փորձ փորձուեցաւ յանձնակատարներու ձեռքով եղած բանակցութեանց հիման վրայ կոիւրդագրեցընելու համար²:

Ժողովքները սովորաբար Դարասի եւ Մծբնայ մէջտեղը կ'ըլլային, տեղը որոշելը երկու կողման յանձնակատարներու գործքն էր, որ երբեմն դժուարութիւններ կը յարուցանէր³. փոփոխակի տնվստահութիւնը եւ նախանձը չէր տաներ, որ խորհրդոյ գումարումը ամուր վայր մը, որպիսի էր Դարասը, փոխադրուի. աւելի կը նախընտրէին մօտերը եւ եթէ ուրիշ կերպ չէր ըլլար, բաց դաշտի վրայ խորաններու տակ ժողվուիլ⁴: Յանձնակատարներուն հետ կու գային

1 Մենանդր Հոկտ. 11 (206 յլ.): Ասոր վրայք վարն աւելի:

2 Մենանդր Հոկտ. 46, 47 (248 յլ.), Հոկտ. 60 (260 յլ.):

3 Մենանդր Հոկտ. 46 (248):

4 Մենանդր անդ. «Ի սահմանս Դարասայ մերձ առ Դարաս քաղաք հարկանէին խորանս եւ ժողովէին դեպքանք երկուց պետութեանց»:

մօտակայ սահմաններէն նաեւ բազմութիւն մը բարձրագոյն պաշտօնեաներ եւ նշանաւոր քաղաքացիներ, մէյ մը անոր համար, որպէս զի մասնական խնդիրներու մէջ անոնց օգնեն, մէյ մ'ալ որ անոնց դիրքն ու կացութիւնը արտաքուստ աւելի փառաւոր հանդիսացընեն¹ :

Բնութեան կամ յարաբերութիւններ :

Հռովմայեցւոց եւ Պարսից եւ երկու պետութեանց մէջ անընդհատ տիրող թշնամական միտքը գծուար էր, որ երկու իշխող տանց մէջ ընտանեկան յարաբերութիւն հաստատել տար. սակայն եւ այնպէս կը յիշուին այսպիսի փորձեր :

Նախ յառաջ բերենք դէպք մը, որ իբր թէ հինգերորդ դարուն սկիզբները պատահած ըլլայ : Պրոկոպիոս իւր Պարսկական պատերազմին պատմութեան ներածութեան մէջ կը պատմէ, թէ Արկադիոս մահուընէն քիչ մը յառաջ՝ իւր որդւոյն վիճակին վրայ հոգերու մէջ՝ իւր կտակին մէջ Պարսից Յազկերտ թագաւորը ('Ισδιγέρδης, 399—420) մանկահասակ թէոդոսի խնամակալ դրած եւ անոր պաշտպանութեան մասնաւորապէս յանձնած ըլլայ : Եազկերտ ալ կտակին որոշումն իմանալէն ետեւ, թուղթ մը գրելով առ ծերակոյտն, ոչ միայն իւր խնամակալութիւնն ընդունած է, այլ նաեւ ամբողջ կառավարութեան ժամանակ իւր բռնած խաղաղական ընթացքով՝ վրան

1 Մենանդր անդ. «մեծածառ բնիկք երկոցունց պետութեանցն, առաջնորդք սահմանակից քաղաքացոյց» :

դրուած վստահութիւնը լիովին արդարացուցած է¹։ Պրոկոպէն ետքը այս զրոյցը կը յիշէ Թէոփանէս ժամանակագիրը, յաւելուածով մը, թէ Յապկերա իւր հաւատարիմներէն մին, Անտիոքոս, Բիւզանդիոն խաւրած է, որ մանուկ կայսեր իբր խնամակալ եւ դաստիարակ օգնական ըլլայ², եւ թէ Անտիոքոս քանի մը տարիէն Պուղքերիայէն վար առնուած է³։ Աւելի յետագոյն Վեդրենոս պատմագիրը, որուն յայտնի է թէ կարելի չէ հաւատք ընծայել, Թէոփանէսի պատմածին վրայ կ'աւելցընէ, որ Արկադիոս Պարսից թագաւորին 1000 լիտր ոսկի հրիտակ մը կ'ընէ խնամակալութեան յանձնառութեան համար⁴։ Ահա կը տեսնենք, որ նախնական պատմութիւնը յընթացս ժամանակաց ընդարձակուած եւ զարդարուած է, որով հաւատալիութիւնը տուած։ Արդէն իսկ Ագաթիաս, որ Պրոկոպէն քիչ մ'ետքը գրած է իւր պատմութիւնը, պատմուածքը տարակուսի տակ կը ձգէ։ Իբր իբր իւր ժամանակ տարա-

1 Պրոկոպիոս ՊՊ. Ա. 2 (13. 14)։

2 Թէոփանէս 80։ Պրոկոպի հետ համաձայնութիւնը կը հետեւի հետեւեալ դարձուածքներէն, «իւ եւ լի վայելաց (Յապկերա) ի խաղաղութեան (ընդ Հռովմայեցիս) — զերծոյց (Թէոդոսի) զարքայութիւնն — միոք գաւ ինչ մանկանն նիւթեցէ», Զարմանալի է որ Թէոփանէս խօսքն առ բացաւորութիւնը կը գործածէ փոխանակ յն. ἐπίτροπος (սխալ մակալ) բառին։

3 Թէոփանէս 82։ Թէ Թէոփանէսի 96 եւ Մագաղասայ քով 361 յիշատակուած ներքինին՝ առաջնորդ (Praepositus) եւ պարսիկ Անտիոքոսը, որ Յիբերի աստն շնորհքէ ինկաւ, այն պարսիկ Անտիոքոսն ըլլայ, ընդունելի է։

4 Վեդրենոս (ապ. Բռն) 506։

ծուած համբաւ կը յիշատակէ, զոր բաց ի Պրոկոպիոսի պատմութենէն, ուրիշ պատմական աղբիւր մը չի հաստատեր¹: Ինքն իսկ հազիւ հաւատալի կը համարի, որ կայսրը ստար եւ բարբարոս թշնամի ժողովրդեան մը մեծին այնպիսի մեծ վստահութիւնցոյց տուած ըլլայ եւ Պրոկոպիոսին զԱրկադիոս գովելը այն իրողութեան կը վերաբերէ, որ Պարսից արքան իբր խաղաղասէր դրացի ընծայեցուց ինքզինքը: Նորագոյն պատմագիրներ ալ Ագաթիոսի քննադատութեան հետեւած եւ Պրոկոպիոսի զրոյցը իրաւամբ իբր անհաւատալի դատապարտած են²: Որչափ ալ իշխանը օրէնքներէն բարձր էր, այսու հանդերձ հռովմէական իրաւանց սկզբանց եւ հայեցողութեանց հետ ամենեւին չէր միաբաներ օտար վեհապետի մը իւր որդւոյն խնամակալ անուանուիլը. նոյնչափ ալ անհաւանական է, որ Բիւզանդիոնի մէջ թող տալին, որ պարսկին մէկը մանուկ կայսեր դաստիարակ դրուի: Եթէ Պրոկոպիոսի պատմածը իւր անպատմական կցկցանքէն ջոկենք հանենք, առ առաւելն կը մնայ այն հնարաւորութիւնը, թէ Արկադիոս իւր կտակին մէջ ուրիշ Պարսից թագաւորին բարեացակամութեան յանձնած կրնայ ըլլալ³: Աւելի հաւատոյ արժանի է ուրիշ

¹ Ագաթիոս (տպ. Բոն) 264: «զի զրոյցք են — համբաւս այս յաճախեաց — ի գիր հարեալ եւ բանիւք պատմագրաց ոչ գիտեմ եթէ յառաջ բերեալ իցեն այս հանգամանք»:

² Արդէն Տիւլմոն, ապա Հռովմէսըն, Շպիգել, Նեօլգեկէ:

³ Նեօլգեկէ. Aufsätze zur pers. Geschichte 103.

զբոյց մը, որ նոյնպէս Պրահայիսէն առած է իւր ծագումը¹:

522 էր. Բիւզանդիանի մէջ կայսերական գահը նստած էր Յուստինոս, Պարսից Վասյի² շէնէր ծերանին կուսա (Քաթաճէ, 488—531), չափմայեցուց աճենէն զարհուրելի տխրեանք, որանց հետ տարիներէ ի վեր պատերազմի մէջ էր. թէպէտ եւ այս միջոցին զինագազար էր³: Իւր որսին ցանկութիւնն էր միաներէն վերջէ երէցագոյն որդիներն անցնելով՝ իւր սիրելի խորով որդւոյն ապահովել գահին յաջորդութիւնը⁴. եւ որովհետեւ ոչ միայն անանցմէ այլ նաեւ օւրիշ շատերէն կը կասկածէր, որ իւր ծրագրին գէժ ընդզգին, որոշեց կայսեր օգնութիւնը ապահովել: Ուստի գիւց անոր՝ առաջարկութեամբ մը, որ ստուգիւ տարգրենակ էր, այսինքն՝ խաղաղութեան գնոյն գիւց զխորով որդեկորել: Առաջարկութիւնս իսկըսան կայսեր եւ անոր քեռորդւոյն աւ կարգեալ յաջորդին Յուսինիանու շատ ախորժելի երեւցաւ, բոլոր իւր խորհրդականը եւ պալատան գանձապետը (Quaestor sacri palatii) Պրահ, մեծապէս զգուշացուց զինքը: Պարսից թագաւորին առաջարկութեան մէջ կայսեր եւ պետութեան լարուած

կը յիշու 498 հաստատուած խաղաղութեան գաղթի մը վրայ, որուն զոյսութիւնը եւ շիրջոյ հաստատել:

1 Պրահ. ՊՊ. Ա. 11 (50 յջ.):

2 Թէոփանէսէն 167 կրնանք ապահովար 522 տարին ճշդել, որ այս գէպքերը Յուստինոսի երրորդ տարին կը գնէ:

3 Կուստի որդւոց վրայ. Նեպիէիէ. Յարաթի 75. 76- խորով՝ հանդատանութ Մեւսիսիսէնէ է:

Թակարդի մը հոսն առաւ, վտանգը մատնանիշ
ըրաւ, Թէ պարսիկ որդեգիրը իբր Եռասինոսի
օրինաւոր ժառանգը, կրնայ ամենէն աւելի եւ
նոյն իսկ իւր քեռորդիէն յառաջ կայսերական
գահը պահանջել, եւ խորհուրդ տուաւ միայն
երեւութապէս այս խնդրով զբաղիլ, յանձնա-
կատարներ խաւրել Պարսից հետ խաղաղութեան
համար բանակցելու, մէկալ կողմանէ ասոնց
յայտարարել, որ բարբարոսի մը որդեգրութիւնը
կերպական յիշատակագրով (անշուշտ այսու կը
հասկըցուի իշխանական հրովարտակ մը) կարելի
չէ որ տեղի ունենայ, այլ զէնքով ու զարդով¹
(Adoptio per arma): Թէ այսու ինչ կը
հասկըցուի, պայծառ չի գիտցուիր. Թերեւս չենք
սխալիր, ընդունելով որ այս ըսուածը հարուստ
զէնքերու ընծայատուութենէ մը կը բաղկանար,
որով պարգեւառուն պարգեւատուին հետ զինակ-
ցութեան եւ տեսակ մը ընտանեկան անդամակցու-
թեան մէջ կը մտնէր, առանց ասկէ կերպական որ-
դեգրութեան իրաւական ազդեցութիւնները հե-
տեւելու²: Պարսից յանձնակատարները իրենց
եղած այս առաջարկութիւնը իբրեւ իրենց ինքնա-
կալին անպատուաբեր բան մը՝ մերժեցին, բանակ-
ցութիւնները ապարդիւն մնացին եւ խոսրով, որ
արգէն դէպ ի Բիւզանդիոն ճամբայ ելած էր,

¹ Պրոկոպ Պր. Ա. 11. (54). «ու եթէ արձանագիր
յիշատակարանօք, այլ զինուք եւ զարդօք պատերազմի դրին
յորդեգիրս բարբարոսք»:

² Հետաքրքրական է այս սովորութեան համար՝
ուրիշ տեղեր դէպքեր գտնել:

քինախնդիր ոգւով ունայնաձեռն ետ դարձաւ։
Այսչափ Պրոկոպիոս։

Մատենագրիս պատմածը՝ թէ լոկ հետա-
գիւտ կցկցանք է, չի կրնար ըսուիլ։ Պատմած
իրողութիւնները այնպիսի մերձաւոր անցեալի
մը կը պատկանէին, որ ի վիճակի էր զանոնք
իմանալու եւ ստուգութիւնը հետազոտելու։

Բաց ասկէ կարելի չէ տարակուսիլ, որ
Պարսից թագաւորը մտադիր էր եւ ձեռնարկած,
որ իւր որդին կայսեր հետ կապակցութեան մէջ
մտնէ, ինչպէս նաեւ տարակոյս չի վերցըներ,
որ Յուսափնոս եւս իրը ծանրապէս առած եւ զայն
գործադրելու ելած էր, ի հարկէ ոչ թէ մաս-
նաւոր իրաւական որդեգրութեան ձեւով՝ ըստ
հռովմէական իրաւանց եւ նոյնին ժառանգական
իրաւանց հետեւութիւններով¹։ Սակայն Պարսից
թագաւորն ալ, որուն ծանօթ ըլլալու էին
հռովմէական որոշումները, անշուշտ այս բանիս
ծանրակշիւթիւն չէ տուած, եւս առաւել
դիտում ունեցած չէ, այս ճամբով հռովմէական
պետութիւնը եւ կայսերական գահը գրաւելու։
Իւր բաղձանքն էր կայսեր եւ իր որդւոյն մէջ
կապ մը հաստատել, որուն զօրութեամբ անիկա
երաշխաւորութիւն մը պիտի տար, ասոր՝ պարսկա-
կան գահը ելլելուն եւ եթէ հարկ ըլլար, զէնքով
ալ օգնելու էր։ Հրապարակական գործողու-
թեամբ տրուած « Որդի կայսեր » պատուոյ տիտ-

1 Որդեգրութեան օրէնքները Cod. Just. 8.47.10.11.
Դորագոյն ժամանակներէ են։

դոսը զինքը լիովին գոհ կը թողուր. բայց առաջարկ մը, որ զինքն իբր ցած բարբարոս կը ներկայացընէր, հարկաւ իւր ունայնապարծ մեծամեռութիւնը վիրաւորելու էր¹:

Ծինչեւ ցայժմ հռովմէական քաղաքագիտութիւնը սկզբունք դրած էր չխառնուիլ, Պարսկաստանի ներքին խնդիրներուն, որ պակաս չեղան անցեալ ժամանակները: Այս պատճառաւ շատ բնական էր, որ Յուստինոս այս հիմանց վրայ յեցած՝ Պարսից թագաւորին բաղձանքը կատարել յանձն չառաւ, զոր ի գործ դնելով կրնար վտանգաւոր խառնաշփոթութեանց առիթ տալ: Եօթանասուն տարի վերջը՝ Մաւրիկ կայսրը Պարսկաստանի մէջ այսպիսի միջամտութիւն մ'ընելու ելաւ եւ մինչ առաջին խոսքովին չթողուցին ինքզինքը կայսեր որդի կոչել, անոր համանուն թոռան թոյլ տրուեցաւ²: Խոսքով Բ., մականուամբ Ապրուէզ, այսինքն յաղթող, հօրը Որմզդի սպանուելէն ետքը՝ 590 գահ ելաւ արտաքոյ կարգի աննպաստ պարագաներու ներքեւ: Որովհետեւ Արեւելեան հռովմէական պետութեան հետ պատերազմը կը տեւէր, որուն բանակները պարսկական սահմաններու մօտ կեցած էին, բայց աւելի գէշն ան էր, որ Իրանի ամենաքաջ զօրավար-

¹ Թէոփանէս 167. 168. Պրոկոպի պատմածը համառօտիւ յառաջ կը բերէ, բայց կ'աւելցընէ թէ Պարսից թագաւորը խնամակալութիւնը յանձն առնուլ տուաւ համար ազալած է. նոյնը կ'ըսէ նաեւ Զոնարոս 14. 2. սակայն խոսքով նոյն առեն չափահաս էր եւ խնամակալի պէտք չունէր:

² Յաղորդին համար աղբիւրն է Թէոփիլակոսս Անմեկատեսի գիրքը:

ներէն մին վահրամ Չորին իրեն դէմ զենք առած էր եւ իբր հետամուտ՝ թագը յինքն գրաւել կը ձգտէր։ Իւր զօրքերէն լքեալ՝ ստիպուեցաւ խոսրով՝ ժառանգութիւնը թողուլ ու փախչիլ եւ հռովմեական հողի վրայ պաշտպանութիւն եւ պատսպարան փնտռել։ Ասորական չերապոյսէն, ուր իւր ընտանեաց հետ տեղւոյն հրամանատարին քով ապաստան գտած էր, խոնարհական նամակաւ մը կայսեր դիմեց, հայցելով անոր օգնութիւնը, իբր փրկիչ եւ օգնող բժիշկ՝ Պարսկաստանի կարօտութեանց մէջ¹։ Իւր դեսպանաց միջոցաւ, որոնք կայսեր առջեւ իւր դատը պիտի պաշտպանէին, իբրեւ օգնականութեան գին՝ խաղաղութիւն հաստատել եւ երկու ծանրակշիռ վայրերու, ստեպ յիշուած Իարաս ամրոցին եւ հայկական Մարտիրոսաց քաղաքին յետս դարձուիլը խոստացաւ, որոնք յառաջագոյն հռովմեական ստացուածք էին Պարսից անցած²։ Միեւնոյն ժամանակ վահրամ եւս, որ խոսրովին փախչելէն վերջը մայրաքաղաքին եւ պարսկական արքունի իթոռին տիրած էր³, Մաւրիկիոսին հրապուրիչ առաջարկ մ'ըրած էր, եթէ չէզոք մնար, որով կայսրը շատ

1 Թէոփիլ. 4. 11. (169)։ Թուղթս անտարակոյս վաւերական է, որուն վկայ է մանականդ վերջաւորութիւնը, ուր խօսք կ'ըլլայ, որ *ὁ δὲ τῆς τῶν ἀγαθῶν ἀγγελῶν (տուողք բարեաղ) հրեշտակ* էն)։ Սկիզբը յիշատակած ենք արդէն. էջ 11 ծնթ. 2։

2 Դեսպանին ընդարձակ ճառախօսութիւնը (Թէոփիլ. 4. 13 (174), ի հարկէ հեղինակին մտացածին գործքն է։

3 Թէոփիլ. 4. 14 (179)։ Մծբինը եւ Յիզրիւի քանի մը գաւառները թողուլ կ'առաջարկէր։

Նպաստաւոր դիրք մը ստացած էր, այսպէս ըսելու համար իբրեւ զատաւոր՝ երկու կողմնակցութեանց մէջ վճիռ կտրել ձեռքն էր: Իւր կամքէն կախում ունէր Պարսկաստանի մէջ իրաց ինչպիսի կերպարանք ստանալը: Որոշեց խոսրովին թեր ելել, Կայսրը պարսաւուած է, պետութեան շահն ըստ բաւականի յառաջ քշած չըլլալուն համար, իւր օգնութեան համար պէտք էր, կ'ըսուի, լաւագոյն պայմաններ դնել՝ Կարծենք յանիրաւի: Որովհետեւ ձեռք բերածը բաւականաչափ նպաստաւոր էր: Այնչափ ատենէ ի վեր ցանկացած խաղաղութիւնը ստացաւ, որուն մեծապէս կը կարստէր, Դանուբէն յառաջ խաղացող Աւարաց եւ Բուլգարաց դիմակալելու համար, խաղաղութիւն մը, որ առաջին անգամն էր, որ առանց հարկատուութեան եղանակաւ կատարուած Գրամական հատուցման² տեղի կ'ունենար եւ ասկէ զատ կորուսեալ երկիրներ ետ կը ստանար. Պարսկաստանի փնասով եղած ուրիշ երկիրներու պահանջում մը նոր գծութիւններու դուռ կը բանար: Ինքզինքը խոսրովին կողմը որոշելուն ամէնէն ծանր պատճառն էր իւր հակակրութիւնը, ապստամբին եւ յափշտակիչին՝ ընդդէմ օրինաւոր ժառանգին թիկունք ըլլալու: Ինքը, որ ինքզինքը յուստինիանեան հարստութեան օրինաւոր ժառանգ կը նկատէր³, չէր կրնար այս դէպքիս մէջ օրինա-

1 Այսպէս Նէօլդեկէ եւ Գեյլէր:

2 Հարկատուութեան խնդիր չըլլալը կ'իմացուի Թեոփիլէն 5. 15 (216). «Կռեցան դաշինք հաւասար մասամբ»:

3 Տիբերիոս Յուստինոս Բ. ի որդեգիրն էր, Կայսրի Զերբէն իբր յաջորդ որոշուած էր եւ իւր փեսան:

ւորութեան սկզբունքը մատնել: Զուր չէր դիմած
Խոսրով անոր՝ իբրեւ որդի¹. Իբր հայր ասոր կոչին
ականջ կախեց: Որդւոյ անուամբ² պատուեց,
առատ դրամական օգնութեամբ նպաստեց եւ
Արեւելք գտնուած բանակը ասոր տրամադրու-
թեան տակ դրաւ Ահհրամին դէմ մարտնչելու:

Այսպէսով ահա տեղի ունեցաւ, որ առաջին
եւ վերջին անգամ հռովմէական գունդեր Պար-
սիկներու հետ քովէ քով՝ իբր ասոնց դաշնակից
կռուեցան, որ Միհրի պաշտօնատարներու հետ
միասին Ս. Կուսին դրօշին ներքեւ ճակատներ
տուին³ եւ Պարսից արքան իւր գահը հանեցին:
Եւ աւելին: Յաղթական հանդիսանալէն վերջը՝
երբ հռովմէական օժանդակ գունդերը արձա-
կուեցան, Խոսրովին բաղձանքին վրայ հազար
ծանր սպառազէններ մնացին իրբեւ անձնապահ:
Ուստի եւ իրաւամբ կրնար հռովմայեցի զօրավարը՝
հրաժեշտ առնելու ատեն թագաւորին յորդոր
կարդալ, որ միշտ յիշէ, թէ իւր աթոռը Հռով-
մայեցւոց պարտական է⁴:

¹ Նամակին վերջաբանը այսպէս էր. *προσφθέγγομαι*
Χοσρόης ὁ σὸς υἱὸς καὶ ἰκέτης (— ողէշն առեալ
խօսիմ եւ Խոսրով որդի քո եւ աղաչելի):

² Թեոփիլ. 5. 3 (194). «Կոչեալ որդի զԽոսրովն՝
Թեոփանէս կը սխալի երբ այսու կը համարի թէ իրական
որդեգրութիւն տեղի ունեցած ըլլայ. «որդեգրեաց արքայ
Մաւրիկիոս զԽոսրովն»:

³ Թեոփիլ. 5. 10 (206). *ἐγίνετο γὰρ καὶ Χαλδαίοις*
(պարիք Պարսից) τὸ τῆς Μαρίας σωτήριον ὄνομα. (— Պար-
սից եւս անունն Մարիամու եղեւ փրկարար):

⁴ Թեոփիլ. 5. 11 (210). Թեոփանէս 207. *Ῥωμαῖοι*

Արեւելեան աղբիւրներ, ինչպէս Ֆիրդուսի եւ Յաբարի, այս դէպքերու նկարագրութեանց ատեն գլխաւոր կէտերու մէջ յոյն աղբերաց կը համաձայնին¹։ Թագաւորաց մատենին մէջ բանաստեղծական զարդարանքներով եւ բուն պարսկական չափազանցութիւններով յառաջ բերուած պատմութիւններուն՝ թէ ինչպէս եղած են կայսեր ու թագաւորին միջեւ բանակցութիւնները, թէ ինչպէս կայսրը ինքզինքը չորոշած՝ աստղները հարցուցած է², ինչպէս նաեւ արշաւանքներու եւ ճակատամարտներու ստորագրութեանց պատմական արժէք չի կրնար տրուիլ։ Յամենայն դէպս հոս ալ կը ցոլանայ այն մեծ ճոխութիւնը, զոր Մաւրիկիոս Պարսիկներուն քով վայլած ըլլալու էր. ինչու որ սովորական պոռոտախօս պարծենկոտութիւնը— զկայսրներն իբրարքայից արքային հարկատու աւատառուն ենկատել— Մաւրիկիոսի նկատմամբ կը պակսի. հարկատուութեան վրայ խօսք իսկ չ'ըլլար։ Նոր է երկու հեղինակներուն յառաջ բերած, Յունաց բոլորովին անծանօթ իրողութիւնը, թէ կայսրը խոսրովայ հետ կռած դաշինքը հաստատուն գործելու համար իւր Մարիամ դուստրը կնութեան տուած ըլլայ³։

Սոյն կայսերական դատեր պատմութիւնը թագաւորաց գրոց մէջ վիպական կտոր մը կը

οὐ τὴν βασιλείαν χαρίζονται. (— Հռովմայեցւոց շնորհեալ է քեզ զթագաւորութիւնն)։

¹ Ֆիրդուսի 7, 48 յջ. Յաբարի (Նեօլոգիկէ 282 յջ.)։

² Ֆիրդ. 7, 74—98, «Falathun» (Պղատոն) աստղաբաշխական տախտակները կը յիշատակուին։

³ Անդ. 7, 92. Յաբարի 275, 283։

կացուցանէ: Բանյիշատակ ժամանակաց հետէ աւանդուած ատելութիւնը, որ կար իրան եւ Ռում պետութեանց մէջ, բառնալու համար, կ'որոշէ կայսրը իւր դուստրը Խոսրովին կնութեան աւագարկել: Թագաւորը իւր դեսպաններուն ձեռքով զանիկա կերպապէս խնդրելէն վերջը՝¹ աղջիկը հարուստ օժիտով մը հռովմէական օժանդակ բանակին հետ թագաւորին կը բերուի. կայսեր դուստրը այնուհետեւ թագաւորին կ'ընկերանայ անոր արշաւանքներուն ատեն, իւր յաջողակ ճարտարութեամբը հռովմայեցի եւ պարսիկ զօրավարներուն մէջ ծագած գժտութիւն մը կը բառնայ, հնգամեայ ամուսութենէ մը վերջը որդի մը կը ծնանի, զԷբրոյէ եւ ի վախճանի գեղով կը սպանուի Խոսրովին սիրուհիներէն մէկէն, որ նախանձաբեկ էր:² Ճշմարիտ բան մը կայ այս ամէնուն մէջ:

Յունական աղբիւրներէն դիտենք, թէ Մաւրիկ' Տիրեքի դստեր հետ ամուսնութենէն երեք չկարգուած դուստր ձգած էր, որոնք իւր Փոկասի ձեռքով սպանուելէն ետեւ (602) իրենց մօրը հետ բանտարկուեցան³: Մարիամ դստեր եւ նոյնին Խոսրովի հետ ամուսնութեան վրայօք ամենափոքր ակնարկութիւնն իսկ չենք գտներ անոնց քով: Պարսկական զրոյցին անստուգութեան

1 Ֆիրդուսի 7, 92 յջ. դեսպանները մուրցընելու համարի սկզբան փոխանակ իշխանուհւոյն՝ դիւթական պաշտօնապատանք մը առջեւին կը հանուի:

2 Անդ. 7, 135. 146 յջ. 225. 247:

3 Թէոփիլ. 1. 10 (58.) 8. 11 (304/5). 8. 15 (313):

ապացոյց է նաեւ այն իրողութիւնն ալ, որ Մաւրիկ
ամուսնութեան տարիք ունեցող դուստր ան-
կարելի էր որ ունենար, ըստ որում Թագաւորելէ
(582) վերջը ամուսնացաւ 590—591ի միջոցին
եւ աւելի ուշ ժամանակ մը նկատողութեան
չի կրնար առնուիլ: Ասկէ զատ կրնայ մտածուիլ,
որ հաւատացեալ քրիստոնեայ իշխան մը իւր
զաւակը Պարսից արքային կանանոցին խորշերը
նետել կարենար, նոյն իսկ եթէ ամենայն կերպով
թոյլ տրուէր անոր՝ իւր կրօնը դաւանելու: Նոյն
ժամանակուան հայեցողութիւններէն դատելով՝
կրնանք ըսել թէ այս բանս անհնարին էր: Հազիւ
Բիւզանդեանց սաստիկ վատթարանալու ժամա-
նակները, ամենավերջին Պալէոլոգներու օրով
կը հանդիպինք, որ քրիստոնեայ իշխանուհիներ
տաճիկ սուլթաններու ապարանքները կը փոխա-
դրուէին: Ահա ասկէ կը տեսնուի, որ Արեւելայց
այս պատմութիւնը անհաւատալի է եւ պատմական
արժէքէ զուրկ: Կայսեր դուստրը իբր իրանի
դշխոյ ներկայացընող առասպելը թերեւս անկէ
եւած է, որ ժողովրդական զրոյցը յընթացս ժամա-
նակաց « զխոսրով որդի կայսեր » փոխած է « խոս-
րով փեսայ կայսեր » ազգականութեան:

532ի մշտնջենադոյ խաղաղութիանը:

Երբ Յուսիֆան իւր մօրեղբոր Յուսիֆի մահուընէն վերջը 1 Աւգոստոս 527 իբր փահեծան տէր հասկեպան կայսերական գահն ելաւ¹, պետութիւնը արդէն երկար տարիներէ ի վեր Պարսկաստանի հետ կռախ մէջ էր:

Այս պատերազմն պատճառները անցեալ հին ժամանակներու մէջ պրպտելաւ է: Թէոդոս Մեծին եւ Պարսից (Վահրամ—Վաամ) Թագաւորին մէջ 387 հաստատուած խաղաղութեան դաշինքը, որ Հայաստանի բաժանումը կը սահմանէր եւ ասով երկու պետութեանց մէջ բռնած երկարամեայ երկպառակութիւնը կը բառնար², Արեւելքի մէջ խաղաղութեան երկարատեւ շրջանի մը սկսելուն աւանիտը կու տար. այս խաղաղութիւնը տեւեց ամբողջ հինգերորդ դարու ժամանակամիջոցը: Միայն երկիցս խաղաղութիւնը Թէոդոս Փոքրի ատեն պատերազմական կնճռոտութեանց հանդիպեցաւ, որ շուտով լուծուեցան³:

¹ Արդէն 1 Ապր. 527 գահակից էր. այս պատճառաւ անկէ ոչոքեալ կը հաշուէ իւր կառավարութեան տարիները:

² Յ. Գիտերոյ, Հապմ. Հայաստան:

³ Այսինքն, 421 եւ 441 տարիներու մէջ:

Սակայն վեցերորդ դարուն սկիզբէն երկու արեւելեան պետութեանց քաղաքական յարաբերութիւնները փոխուեցան եւ սկսաւ ժամանակ մը դժեղակ եւ երկարաձիգ կռիւներու, որ կարճատեւ կամ երկարագոյն զինադադարներով մինչեւ տասնութերորդ դարուն առաջին կէսը ձգեցան եւ երկու տերութիւններն ալ այն աստիճանի ուժաթափ ըրին, որ իսլամի բուռն յարձակման կարող չեղան դիմադրել: Պարսկաստան Արաբացւոց աւար ինկաւ եւ Արեւելեան-Հռովմ Պարսից պատերազմէն յաղթական ելլելով հանդերձ՝ իւր Ասիայի եւ Ափրիկէի գաւառները անոնց ձեռքը թողուց:

Նոր պարսկական պատերազմին պատճառը դրամի խնդիր մ'էր: Յառաջագոյն դրուած դաշինքներու մէջ Պարսկաստան յանձն առած էր՝ երկու պետութեանց շահուն համար, ամրացընել ու պահպանել Կաւկասեան կապանքները, կասպեան դրուէք (πύλαι Κασπίας) կոչուած, որպէս լին յայնկոյս Կասպից թափառական շրջող վաշկատուն ցեղերու յառաջխաղացութիւնն արգելուի. իսկ Հռովմ ասոր փոխարէն ինքզինքը պարտաւորած էր, Պարսկաստանի դրամական նպաստ մը տալու¹: Այս վճարքը զոր Հռովմայեցիք սկսած էին իբրեւ ամօթալի հարկատուութիւն նկատել, երկար ժամանակէի վեր զանց առնուած էր՝ կրկին ու կրկին ազդարարութիւններէ ետքն ալ: Սակայն գործունեայ եւ պատերազմասէր

¹ L. Lezou de magistr. III. 52, 53 (244, 245). Պրիսկ. Հակոբ. 31 (289. 4. 145):

Կաւոս Թագաւորը (Καῖσάρης կամ Κωσδῶτης
 491—531) հաստատուն վարքը դրած էր՝
 շնորածարիւ լայն բանէն, զոր իւր իրաւունքը կը
 համարէր: Աւստի Անաստաս Կոյսրմէ գրամական
 օգնութիւն պահանջեց, անշուշտ անվճար ճանցած
 առջութեանց իբր փոխարինութիւն, սակայն
 Կոյսրը այս բան մերժեց, որով 502 պատերազմ
 բացուեցաւ, որ երկար զննագագաթէ վերջը՝ Կա-
 ւոս Յուստինիոսի գէմ յառաջ տարաւ եւ մինչեւ
 Յուստինիանա առաջին տարիները ձգեցաւ:¹
 Արաշիչ հարաւաններ եւ ոչ մէկ կողմէն տրուեցան:
 Միջագետքի եւ Հայաստանի մէջ փոփոխ բախաով
 կռիւներ եղան, Հառվմայեցւոյ մէկ յաղթութեան
 կը յաջորդէր պարտութիւն մը, այնպէս որ
 մարանշաղները հաւասարակշռութիւնը գրեթէ
 չէին կորսնցըներ: Պատերազմական գւրծողու-
 թեանց կից կ'ընթանային այն փորձերը, որով
 կը ճգնէին խաղաղութեան դաշն կապել, գեա-
 պաններ Ռիւզանդիանէն Տիարան եւ հակառակ՝
 կ'երթեւեկէին, թշուառութիւններ՝ ըստ երեւու-
 թիւն բարեկամական հաւաստիքներ առնով
 իրարու, կը փոխանակուէին, ի վերջոյ բանակ-
 ցութիւնները Պարսից արքային յամառութեան
 եւ անհնարին պահանջաւանքներուն առջեւ կը
 խորատկուէին²:

Իբրեքը ուրիշ կերպարանք առին երբ Կաւոս
 բարւոք ծերութեան մէջ Սեպտեմբեր 531 վախ-

¹ Այս պատերազմին ժողովրդ փոխանակ այլոց —
 Պարսկ. ՊՊ. Ա. 7 (35 յջ. 1):

² Անգ. Ա. 15 (80 յ11):

Ճանեցաւ եւ իւր որդին խոսրով Սասանեանց
դահն ելաւ¹:

Ա՛րթէ կայսեր եւ արքայից արքային անձին
եւ նկարագրին վրայ ակնարկ մ'արձակել: Յուս-
տինիան ո՛չ իբր մարդ, ո՛չ ալ իբրեւ վեհապետ
մեծ էր²: Եթէ նոյն իսկ ի նկատի չառնունք
Պրոկոպի իւր Anecdotaներու մէջ լի ատելու-
թեամբ ու չափազանցութեամբ այն նկարագրու-
թիւնները, կայսեր պատմական պատկերը նկարա-
գրի ծանրութեութիւններով արատաւորուած է:
Ատոյգ է կրնար խարդախ, խիստ, նոյն իսկ անա-
յորոյն ըլլալ, իւր արքունեաց համար ըրած
շուայտութիւնները, մեծածախ շինուածքները,
ինչպէս նաեւ մղած մագմաթիւ պատերազմներուն
ծախքերը, տէրութեան ելեւմուտքը սպառնցին
եւ բնակչաց վրայ տուրք տալու կարողութիւն
ա՛լ չթողուցին: Ո՛չ դիւցազն էր ո՛չ ալ զօրավար,
անձնական քաջասրտութիւն կ'երեւայ թէ
չունէր³: Այսու ամենայնիւ արդարութիւնը կը
պահանջէ, որ ճանշնանք թէ Յուստինիանոս կա-
ռավարութեան հազուագիւտ տաղանդ մ'ունէր,
որ աշխատելու անխոնջ ուժին եւ մէն մի գործոց
ճշգրիտ հասկըցողութեան հետ միացած՝ զինքը
ատակ կ'ընէր տէրութեան կառավարութեան
ղանաղան ճիւղերը զարգացընելու եւ յառաջա-

1 Ընդ Ա. 21 (109):

2 Թէոփանէս 174 զայն ὁ μέγας կը կոչէ. նմանապէս
Կոստ. Պորփիր. վասն. Կարգաց Խ. 42 (644. հրտ. Բ.):

3 Նիկիտ կոչուած ապստամբութեան ասան բռնած
դիրքը գտնէ անձնական քաջութիւն ջոյց չի տար:

ցընելու¹։ Բացարձակ միապետի իշխանութեան ու գրից գիտակցութեամբ լցուած²։ Իւր կենաց գլխաւոր նպատակն ու առնէն էական պարտքը կը նկատէր հռովմէական տիեզերական իշխանութեան կորուսեալ միութիւնը վերահաստատել եւ այս գաղափարին լրացման համար պատրաստ էր առնառն զհաբերութիւնն իսկ յանձն առնուլ։ Ճարտար գիւննագէտ ըլլալով՝ բովանդակ պարագաները գիտէր յագում գործածել եւ իւր վախճանին մօտենալ, եթէ ոչ բռնութեամբ, գէթ ննդութեան ու կաշառքի ծածրով։

Մարդաճանաչութիւնը եւ փորձառութիւնը իրեն սորվեցուցած էին, ճարտարութեամբ այնպիսի ոյժեր ձեռքի տակ ունենալ, որ առնէն աւելի կարող եւ աստի էին եւ ըստ պարագայից անխիղճ իսկ, մարդիկ, որ այն ինչ ինչ յառկութիւններով զինքը կը գերազանցէին, բայց ինքը գիտէր զանոնք այնպէս մը վարել, որ իրմէ կախում ունենային միշտ եւ իւր կամքէն չչեղէին³։ Իւր յանգուգն ու գործունեայ տմուտինը, այնչափս արհամարհուած Թէոգորան, իւր որոշողութեանց ու յաջողութեանց մէջ մեծ մաս ունէր։ Ինչպէս ալ դատաստան կարուի Եղևտինիանու

¹ L'Éternel de mag. III. 48 (248). «Զորթնագոյնն քան զամենայն թագաւոր»։

² Մ. Գաթիկոս Ե. 14. (306). «Նախ իսկ եւ առաջին՝ զի այսպէս ասացից — եցայց անուամբ եւ գործովք զանձն միայնեան տէր»։

³ Իւր զանազան պաշտօնականութիւնն արժէքը մշակելու համար մասնաւորապէս գրուածք մը կը պահուի։ Քանի մը բան կը գտնուի Ch. Diehl-ի այս գործին մէջ. Justinien et la civilisation byzantine. Պարիս 1901. 73 յջ.։

վրայ, այն ատոյգ է, որ ինքը կը գերազանցէ իւր
բոլոր նախորդները, օրովք Թէոֆոս Ա.էն վերջը
կայսերական գահի վրայ բազմեցան:

Իսկ խոսքովին կատմամբ, որուն Արեւելեայք
Անուշիրվան, այսինքն “անմահ հոգի”, յոր-
ջորջանքը տուած են¹, երկու հակառակ կողմերէ
կը քաղենք մեր տեղեկութիւնը: Պարսիկ եւ
արաբ աղբիւրները, ինչպէս Ֆիրդուսի, Տաբարի
եւն իւր մէջ կը նկատեն ժողովուրդը, երջան-
կացընող իշխանի մը գաղափարականը, իւր
արդարութիւնը, քաջութիւնը եւ պատերազմի
բախտը կը փառաբանեն, իւր կառավարութիւնը
կը պանծացուի իբր ամենաերջանկաւէտ ժամա-
նակը, զոր Իրան եւ իւր ժողովուրդը վայլած է:
Լիովին հաւատարիմ աղբիւրներ կը վկայեն, որ
իւր տէրութիւնը դէպ ի արեւելք եւ հիւսիսային
արեւելք տարածած է, զինուորականութիւնը
նորոգ կազմակերպած, ամբողջ հարկատուու-
թեան մէջ բարենորոգում եւ արդար կարգա-
ւորութիւն խոթած, նոր քաղաքներ ու ճամբաներ
շինելու հոգ տարած, միով բանիւ ներքին
կառավարութեան մէջ բարեփոխութիւններ
մուծած է²:

Ուրիշ է Բիւզանդացւոց վճիռը: Ասոնց
նայելով, խոսքով ամենասոսկալի եւ անհաշտ
թշնամին է իրենց, որմէ ամէն չարիք կարելի է
սպասել ու հետը անհնարին է տեւական խա-
ղաղութիւն հաստատել: Մասնաւորաբար Պրո-

¹ Անուանս վրայ տ. Նեօլոյեկէ, Տաբարի 136:

² Ընդ 241 յջ. Ֆիրդուսի 6, 139 յջ. 378 յջ.:

կոպիտ ամենախիտ Վճիռը կ'որձակէ անոր դէմ. զանիկա կը նկարագրէ իբր կեղծաւոր, անգորոյն, արծաթասէր եւ առակստութեան, երգեցողութեան եւ նոյն իսկ ամէն ամսթալի գործողութեանց. իւր ձեռք բերած յաջողութիւնները ըստ ինքեան ոչ թէ իւր քաջութեան, այլ յարափոփոխ բախտին պարտական է¹: Ագաթիոս այնչափ միակողմանի եւ նախապաշարեալ չի խօսիր. գտնէ խորագիրն մեծամեծ յաջողութիւնները կը խոստովանի, որոնցմով Պարսից նախնի եւ նորագոյն թագաւորներուն մէջ ամենահզօրն ու ամենամեծը հանգիստացաւ²: — Իրօք Պրոկոպի սագաանաց մէկ բաւական մասը հիմ կրնայ ունենալ, որոնց վրայ աւելցընելու է ամբարտաւանութիւնը եւ ինքնապարծ յանձնապատանութիւնը. բայց նկարագրի հայող գործովուած պակասութիւններէն շատերը արեւելեան բանապետի մը նախատիպ պատկերը կը ստուերագծեն եւ պարսկական արգային նկարագրին կը համապատասխանեն: Այսու հանդերձ նշանաւոր իշխող ու Սասանեան հարստութեան ամենահոյակապ թագաւորն էր: Գիացաւ արեւմտեան մտանմուտը մշակութեան արժէքը գնահատել: Եթէ նոյն իսկ առասպել ըլլայ յունական փիլիսոփայութեան մէջ խորամուխ ըլլալը, բայց

¹ Պրոկոպիոս ՊՊ. Բ. 23 (114-118). Բ. 10 (193). «Էր այր գտնեայ յոյժ» եւն Anecd. 119. «բոյժ բարեւոյն» նորա էին յոյժ շարդ:

² Ագաթիոս Դ. 29. (271). «արար իրո բազմաւս եւ մեծամեծս յոյժ — եւ անցոյց զանցոյց զամենեւեմք, որ յառաջ քան զնա թագաւորեցին ի վերայ Պարսից»:

իրողութիւն է, որ հռովմեական պետութենէն վտարուած Նոր-պղատոնականաց ապաւէն ըրաւ Տիսարնը եւ ջերմապէս բարեխօս եղաւ Եղևտինիանոսի, որ անվնաս ետ դառնալ կարենան իրենց հայրենիքը¹։

Եղևտինիան եւ խոսքով, ահա երկու ինքնակալները, որոնց կամքէն կախուած էր իրենց ժողովրդոց եւ ամբողջ Արեւելքի բախտը՝ գրեթէ 40 տարի շարունակ։

Թէպէտեւ յայտնի պատերազմի մէջ՝ բայց երկուքն ալ, Բասիլեսը եւ Շահին-շահը, պատ-
ճառներ ունէին խաղաղութեան դաշինք դնելու։ Եղևտինիան, վասն զի վանդալաց դէմ արդէն պատրաստուած ծրագիրները գործադրելու միտք ունէր, զոր միայն այն ատեն կրնար, երբ ապահով ըլլար, որ արեւելեան սահմանագծերու վրայ հանդարտութիւնը կը տիրէ։ Իսկ խոսքով, որովհետեւ իւր գահին վրայ ինքզինքն ամուր չէր տեսներ եւ ստիպուած էր գահին հետամուտ-
ներուն ունեւորին խռովութեանց դէմ մարտնչիլ²։

Դեռ իսկապէս չմեռած՝ հռովմայեցի բանա-
գնացներ, Ռուփինոս պատրիկը եւ Հերմոգենէս պաշտամանց մագիստրոսը, հռովմեական բանա-
կետողը երեւցան եւ անոր մահուան լրոյն վրայ՝ զօրավարները իրօք ալ դադրեցուցին թշնամու-
թիւնները, որպէս զի պատգամաւորները կարող
ըլլան Տիսարնի արքունիքն երթալ։ Պրոկոպիոս՝

1 Հմտ. մանրամասնութեան համար Ագաթիոս,
Ի. 28 (126 յշ.)։

2 Պրոկ. ՊՊ. Ա. 23 (114 յշ.)։

Թագաւորին հանդէպ ասոնց ցուցուցած վարմունքը կը նկարագրէ իրենց ոչ շատ արժանավայել, վասն զի մինչ կը ջանային խաղաղութեան դաշն կապել նպաստաւոր պայմաններով, իրենք անոր պահանջները յէականս ընդունելու հարկադրուեցան: Շատ անգամ բանակցութիւնները ընդմիջել հարկ եղաւ Բիւզանդիոն հարցում ընելու համար, բայց ի վերջոյ միաբանութիւն եղաւ եւ խաղաղութիւնը 532/533 տարւան ընթացքին մէջ հաստատուեցաւ: Դեսպանները դրուած դաշինքը Բիւզանդիոն բերին, եւ Յուստինիան, որուն կեանքը քիչ մը յառաջ ծանօթ կրկէսի խռովութեամբ, Նիկա ապստամբութիւն անուանուած, մեծապէս վտանգուած էր, աւելի յստարութեամբ դաշինքը վաւերացուց, քանի որ այսուհետեւ Ափրիկէի նկատմամբ իւր ծրագիրները ազատ համարձակ կրնար ի գլուխ տանիլ:

Որոշ ժամանակի մը համար Պարսից հեռ դաշն կապելու ցայժմ տիրող սովորութեան հակառակ, այս անգամ ժամանակամիջոց մը նկատի չառնուեցաւ, այս անգամ՝ երկու պետութեանց մէջ անվերջ խաղաղութիւն չէր ընդհատուի՝ *ἐῖρησιν πέρας οὐκ ἔχουσα* — մշտնջենաւոր խաղաղութիւն — տիրելու էր, պերճաբանութիւն (*Flosculus*) մը, որ, ինչպէս փորձը ցուցուց, երկար տեւողութեան

1 Բանակցութեանց վրայ տ. Պրոկ. ՊՊ. Ա. 22 (111-114): Պրովոպիոս բացայայտ կ'ըսէ. կայսեր կառավարութեան վեցերորդ տարին. իսկ այս տարին կը տկուէր 1 Ապրիլ 532:

երաշխաւորութիւն չտուաւ¹։ 31 տարի յառաջ
սկսած պատերազմը այժմ վերջ դտած էր. Պար-
սիկն էր որ այս խաղաղութեամբ յաղթական
կ'ելլէր, ինչու որ պայմանները Հռովմայեցւոց
համար ոչ պատուաբեր եւ ոչ մասնաւորաբար
նպաստաւոր էին։ Մինչ երբեմն պատերազմին
առիթ տուած էր Կասպեան կիրճերուն համար
սահմանուած զարդուած դրամին զլացումը, այժմ
Յուստինիան ստիպուած էր յանձն առնուլ ամե-
նախիստ պայմանը, այսինքն մէկ անգամէն իբր
խաղաղութեան գին եւ միանգամայն իբր անվճար
նպաստից հատուցում, հաշուել տասնումէկ
հազար լիտր ոսկւոյ խիստ տուրքը² (տասը միլիոն
մարկէն աւելի)։

Երկրորդ կէտը կը հայեր Գարաս բերդին³,
որ հռովմէական Միջագետաց մէջ՝ Մծբնայ դի-
մաց, գրեթէ Պարսից սահմանագիծը կը շօշա-
փէր։ Թէոդոս Բ.ի Պարսից Յազկերտ Բ. թա-
գաւորին հետ 441 դրած դաշինքով մը, երկու
կողմերն ալ ինքզինքնին պարտաւորած էին իրենց
սահմաններուն վրայնոր ամրութիւններ չկառու-

¹ Պրոկոպ. Պր. Ա. 22 (111. 114). Բ. 4. 5 (165. 171).
Ըստ Մաղաղասոյ, Ժաման. 477. խաղաղութիւնը իբր թէ
ἄχρη, τῆς τῶν ἀμφοτέρων ζῶης, ուստի մինչեւ երկու
ինքնակալաց կենսոց վերջը կնքուած էր. բայց առիկա ստոյգ
չի կրնար ըլլալ։

² Պրոկ. անդ. δέκα καὶ ἑκατον κεντηναρίον. —
Ռուկույ լիւրը 913, 59 մարկի արժէք ունէր, Marquardt,
Röm. Staatsverwaltung, Բ. 70.

³ Դարասի վրայոք ա. Մաղաղաս 399, Պրոկ. de
aedif. II. 10 (210. 220), Պր. Ա. 10 (49), Լիւդոս de magistr.
III. 26 (221), III. 46 (241).

ցանել: Սակայն Անաստաս կայսրը այս դաշինքին հակառակ՝ ցայժմ մտց Դարաս քաղաքը զօրեղ ամրութիւններով շրջափակեց եւ զայն Պարսկաստանի դէմ կարկառեալ՝ միշտ երկիւղ ազդող յարձակման ու պաշտպանութեան կայան մ'ըրթաւ: Գաւառին հրամանատարը Միջագետաց դուքսը, հոն հաստատած էր իր նիստը¹: Պարսկական Պարսից կողմանէ գանդապներ եղան դաշանց եղծուելուն դէմ եւ պահանջուեցաւ ամրութեանց քանդում: Խոսքով այժմ Հռովմայեցւոց հանդէպ այնչափ զիջաւ, որ բաւականացաւ այնու, որ Հռովմայեցիք յանձն կ'առնէին դուքսին հրամանատարութիւնը Դարասէն ուրիշ տեղ փոխադրել: Հետագայ ժամանակներն ալ Դարասի խնդիրը կռուի առարկայ մնաց միշտ: Դաշանց մէջ յայտնի որոշուած էր, որ պատերազմի ժամանակ գրաւուած վայրերը ետ դարձուելու են. դժուարութիւններ ելան բանակցութեանց ատեն՝ Լաղիստանի (Լազիկա, հին Կողքիս) մէջ Պարսից գրաւած տեղերը թող տալու վրայօք, վասն զի Խոսքով այս տեղերը չէր ուզեր ձգել: Յուստինիան, որուն՝ Ռուփինոս խնդրոյ նիւթ կազմող այս կէտին վրայ անձամբ տեղեկութիւն տուած էր, դեղեւիլ սկսաւ, ի սկզբան տեղի տալ կ'ուզէր, բայց յետոյ իւր հրահանգը ետ կռնեց, այնպէս որ քիչ մնացած էր խաղաղութիւնը կ'աւրուէր. վերջ ի վերջոյ թագաւորը տեղի տուաւ եւ յանձն առաւ թողուլ լազեան

¹ Պրոփ. Պ. Մ. 22 (111). ó τῶν ἐν Μεσοποταμίᾳ σιρατιωτῶν ἀρχόν.

վայրերը. այս բանս Հռովմայ համար թանկագին յաջողութիւն մըն էր, վասն զի դէթ ասով իրօք ճանչցուեցաւ, որ Լազիկա հռովմեական շահու շրջանակին մէջ կ'իյնար եւ պէտք էր Պարսից ազդեցութենէն դուրս հանել¹:

Այսչափ են այս դաշանց Պրոկոպի հաղորդած պայմանները: Մաղաղաս ժամանակագիրը անսովոր պայմանաւորում մ'աւ կը յիշատակէ, որուն համաձայն երկու ինքնակալները զիրար ոչ միայն իբր եղբայր պիտի նկատէին, այլ նաեւ միաբանած էին հարկ եղած ատեն փոխադարձաբար իրարու դրամով ու զէնքով օգնել²: Ասոր համեմատ դաշինքը լոկ խաղաղութեան դաշնաւորութիւն չէր, այլ միանգամայն կերպական նիզակակցութեան դաշն: Կրնա՞յ սակսյն ընդունուիլ, որ Պրոկոպ Ճիշդ ալ պայմաններուն այս ամենածանրակշիւր անյիշատակ թողուցած ըլլայ: Եւ ի՞նչպէս: Կրնա՞ր Յուստինիանոս Գ. թացւոց դէմ պատերազմ՝ ըրած ատեն պարսկական օգնութիւն պահանջելու ելլել, կամ խոսքով իւր դաշանց զօրութեամբ, կրնա՞ր Հռովմայեցիներէն թիկունք պահանջել, տուրանեան բարբարոսաց դէմ իւր ձեռնարկութեանց ժամանակ: Մաղաղաս բաւական անվստահելի հեղինակ մըն է եւ քանի որ աւանդած լուրը շատ անհաւանական կ'երևայ, բացարձակապէս մերժելի է:

¹ Պրոկ. անդ. 1

² Պրոկ. անդ. Մաղ. 477. «Դի թէ պէտք իցեն ընչիք եւ կենօք: միմեանց թիկունք եղիցին անկուրդ»:

վեցերորդ դարուն հռոմէական պարսկական պատերազմներուն առաջին գործողութիւնը 532—533ի խաղաղութեամբ կը վերջանայ¹ :

Երկրորդ հռոմէական-պարսկական պատերազմը :

Բաճակցոյթիւններ զինադադարի հումար :

540—556 :

Ամբողջ ութը տարի Բիւզանդիոնի եւ Պարսկաստանի մէջ կնքուած խաղաղութիւնը չպղտորեցաւ : Գուստինիանոսի համար ժամանակամիջոց մ'եղաւ աս' ներքուստ բարենորոգութիւններ ընելու եւ արտաքուստ քաղաքական յաղթանակներ տանելու : Այս ատեն կ'իյնայ մեծ օրինագրքին աւարտումը, վարչական նոր կարգաւորութիւններ արեւելեան երկրամասերուն համար² եւ բազմաթիւ ամրութեանց շինութիւններ պետութեան սահմաններուն պաշտպանութեան համար. այս ժամանակ է դարձեալ՝ հիւսիսային Ափրիկէի գրաւումը եւ Գոթաց պետութեան կործանումը Իտալիայի մէջ : Սակայն մինչ մէկ կողմէն Գոթաց գերի ընծաւած թագաւորը ձաղանգք մայրաքաղաքի մէջ կը ցուցադրուէր, անդիէն փոթորիկ մը կը բարձրանար արեւելքի մէջ :

¹ Գուստինիան Պարսից հետ կնքուած խաղաղութիւնը կը յիշէ 16 Դեկ. 533ի ծանօթ «Δεδοκεν» սահմանադրութեան սկիզբը. սակայն Περιοιός յաղթական յորջորջանքը առնելու չէ համարձակած :

² Հմմտ. Օրինագիրք 8. 24—31 :

Յուստինիանու յաղթութիւնները խոսրո-
 ւին մեծ մտատանջութիւն կը պատճառէին: Իրօք
 է Վանդալաց նուաճուելէն ետքը կայսեր շնոր-
 հաւորութիւն ըրաւ երկդիմի եղանակաւ մը,
 բայց Պարսից վրայ մեծ ազդեցութիւն ըրաւ այն
 պատգամաւորութիւնը, որով Վիտիգէս թա-
 գաւորը իւր նեղ դրութեան մէջ խոսրովին օգնու-
 թիւնն ու միջամտութիւնը կը խնդրէր ընդդէմ
 Յուստինիանոսի. հեռաւոր Արեւելքը՝ Արեւ-
 մուտքի խառնաշփոթութեանց մէջ խոթելու զար-
 մանալի փորձ մը¹: Խոսրով չէր կրնար անտես
 ընել այն վտանգները, որ իշխանութեան մը ա-
 ճումը եւ ուրիշ իշխանութեան մը յօգուտ Հռով-
 մայեցւոց պետութեան եղծումը՝ Պարսկաստանի
 համար հետեւեալին կրնային բերել: Հռովմէական
 Հայաստանի մէջ տեղւոյն փոխարքային կամայա-
 կանութեան դէմ ապստամբութիւն մ'եղաւ, եւ
 հին Արշակունի սերունդէն փախստական մեծա-
 մեծներ արքայից արքային պաշտպանութիւնը
 խնդրեցին: Այս ամէնը իւր ներսը խմորեցին այն
 որոշումը, որ խաղաղութիւնը աւրէ: Բարուրանք-
 ներ չէին պակսեր: Ճիշդ ալ Յուստինիան Մուն-
 դիր եւ Հարիտ կոչուած երկու արաբ իշխանու-
 թեանց պայքարին մէջ խառնուած էր, թուղթ
 ու ընծայ խաւրած էր առաջնոյն, որ Պարսկաս-
 տանի հպատակ էր. այս բանս Պարսկաստանէն
 վտարանջել տալու փորձ մը համարուեցաւ²,
 ինչպէս որ իբր թէ սադրած ըլլայ Հոնաց Պարս-

¹ Պրոկ. Պ. Բ. 3 (159 յջ.):

² Արաբացւոց վրայ վարը ընդարձակ:

կաստան արշաւելու: Մինչ Բիւզանդիոնի մէջ հանդէսներու հետ էին եւ դէպքերէն յանկարծակիի եկան, խոսրով 539 աշնան հռովմական երկիրը յարձակելու կը պատրաստուէր:

Այժմ Թուստինիանոսի աչքին առջեւ պատերազմաւ երկու ճակատով պատերազմի մը տեսիլը: Այս անակնկալ գործողութեան մէջէն կրնա՞ր ելլել: Իւր ամենալաւ բանակը Խաւըիա կը գտնուէր, զոր կարելի չէր ետ քաշել, ինչու որ գոթական նոր ապստամբութիւն մը հոն ամենայն ինչ աակնուվրայ ըրաւ: Իսկ արեւելեան սահմանը մշտնջենաւոր խաղաղութեան վրայ վստահացած՝ զօրքէ թափուր էր: Բեղիսար, որուն վրայ կայսրը իւր յոյսը դրած էր, ստոյգ է Բիւզանդիոն էր, բայց զօրք ու միջոց կը պակսէր իրեն: Զուր տեղ փորձեց կայսրը մեկնողական նամակաւ մը խոսրովին միտքը փոխել. աւսիկա պատասխանի անգամ արժանի չըրաւ զանիկա¹: Թուստինիանու համար այսպիսի անպատասպայմաններու մէջ երկրորդ մեծ պարսկական պատերազմը սկսաւ:

Պատերազմի դէպքերը հոս այնչափ միայն կը շօշափուին, որչափ դիւանագիտական եւ ազգային իրաւական խնդիրներու լուսաբանութեան կրնան ծառայել: Պատերազմները երկու անջատ ասպարէզներու վրայ տեղի կ'ունենային, մէկ կողմանէ Եփրատի երկիրներու վրայ, միւս կողմանէ Սեւ ծովու մօտ Լազիստանի մէջ: Հոս նախ եւ յառաջ առաջինը նկատողութեան կ'առնուենք:

¹ Պրոկ. Գ. Բ. 4 (168):

Խոսքով պատերազմն սկսաւ 540) գարնան նախալարձակ ըլլալով Ասորւոց երկիրը, ուր հռովմայեցի զօրավարներուն անկարողութեան շնորհիւ՝ պետութեան երկրորդ մայրաքաղաքը, լաշարհածանօթն Անտիոք առանց կռուի գրաւեց¹։ Սակայն հւ այնպէս Պարսից համար այս ոչ շատ պատուաբեր արշաւանքը կը կայանար հարստահարելու, կապուտ կողոպուտ ընելու եւ թշուառ բնակիչները գերի վարելու վրայ, ուստի մեծ չափով կատարուած իրական աւազակական ասպատակ մը։ Յաջորդ տարիները (541—544) կատարուած Միջագետք ու Հայաստան յարձակումներն ալ նոյն նկարագիրն ունէին, որոշ գործողութեան ծրագիր — ըսենք՝ ընդ միշտ կամ առժամանակեայ գրաւում հռովմէական երկրի — կը պահէր։ Չինուորական ձեռնարկութեանց մէջ զխոսքով ի հարկէ չգերազանցեց իւր թշնամին։ Յուստինիանոս արեւելքի համար լոկ անկիրթ, խելճ սպառազինուած ու անկանոն գունդեր (մեծաւ մասամբ օտար թոշակաւորներ) ունէր²։ այս պատերազմին մէջ Բեդիսար իսկ չկրցաւ ոչ նոր դափնիներ խլել, ոչ ալ թշնամւոյն ծանր փնաս հասցընել։

Յուստինիան Պարսից հետ խաղաղութիւնը հաստատել ունենայն կերպով կը բաղձար, որովհետեւ Իտալիայի մէջ իւր ձեռուրները կապուած էին հւ ստիպուած էր ամբողջ զօրութիւնը քովէ քով բերել գոթական ապստամբութեամբ հռն

¹ Ընդարձակագոյնս առ Պրոկ. ՊՊ. Բ. 7-9 (181 յջ.)։

² Պրոկ. ՊՊ. Բ. 29 (236)։

վաճակաբան գիրքը պահպանելու համար: Արգեն Անտիոքի քով բանակեալի մէջ իւր գեսպանները խորհովին հետ բանակեցելու սկսած էին եւ ասիկա ինքզինքը պատրաստ ցոյց առած էր խաղաղութեամբ հեռանալու, եթէ ասոր գիմաց 2000 լիւր ասկւոյ հասուցում մը անփշապէս վճարուէր եւ ասկէ զատ ասուէ ասորի 50 լիւր ասկւոյ տուրք մը տրուէր: Պրոկոպիոսի ստորագրութեան համեմատ Յուստինիան խաղաղութեան այս պայմաններուն թղթով հաւանութիւն առած է եղեր. ապահով ըլլալով՝ որ այսու հաշտութիւնը անդի ունեցած է. բայց ետեւէն իւր հաւանութիւնը ետ առած է, վաճակաբան խորհով բազմաթիւ ասորական քաղաքներէ հարկահանութեամբը եւ Դարաս ամրացն առնելու փորձովը իբր թէ յանցաւոր եղած էր, դաշնագրութիւնը եւ ազգաց իրաւունքը յայտանդիման ոտքի տակ առած ըլլալով¹: Մակայն Պրոկոպիոս Պարսից արքային դէմ իւր ազգային տանելութեամբը անտեղի կշտամբութեան մը յանգած է: Հաշտութիւնը կատարեալ եւ թըղթով կնքուած չէր գեռ. ասկաւին եղածը բանակցութենէ անդին չէր անցներ, վերջնական կապում չկար. պատերազմի աւարքը, որմէ կտրած էր խորհով խաղաղութեան հաստատութիւնը, ոչ վճարուած էր, ոչ ալ մատուցուած. ուստի խորհով իւր յենակէտէն նկատեալ՝ արդարեւ իրաւունք ունէր ինքզինքը պատերազմի

1 Պրոկ. ՊՊ. Բ. 7. 10 (182 յջ. 196. 197):

վիճակի մէջ համարելու եւ իրեն հաճոյ երեւցած հետեւութիւններն հանելու:

Հազիւ 545 բանակցութիւնները դարձեալ սկիզբ առին եւ խոսքով յօժարակամ էր: Նախնթաց արշաւանքներէն համոզուած էր, որ Եփրատի քովերը շահելու ման մը չունի եւ այս միջոցին, ինչպէս վերջէն դեռ կը տեսնենք Լազիկայի մէջ կռուան գտած էր իւր ոտից եւ նոյնին իբր գործողութեան նպատակակէտ ծանրակշռութիւնը ճանչցած էր: Դարձեալ իւր որդւոց միոյն ապստամբութիւնը զսպելու հարկը իւր գործունէութեան տարբեր ուղղութիւն մը տուած էր¹: Այսպիսի տրամադրութեամբ ընդունեցաւ Յուստինիանու դեսպանները — Կոստանդին եւ Սերգիոս — իւր արքունիքը: Սակայն խօսակցութեան միջոցին սկզբունքի հակառակութիւն մը անմիջապէս մէջտեղ ելաւ: Եուստինիանոս լիովին խաղաղութիւն կը ցանկար թէ՛ արեւելքի եւ թէ՛ հիւսիսի համար: Իսկ խոսքով մտքէն չէր անցընել թողուլ Լազիկայի մէջ ձեռք բերած դիրքը, ուստի Լազիկայի վրայօք ամէն վիճաբանութիւն մերժեց եւ յայտնեց, թէ պատրաստ է հնգամեայ զինադադար մը շնորհելու, եթէ անոր փոխարէն իւրաքանչիւր տարւոյ համար իրեն կանխաւ 400 լիտր ոսկւոյ, ուստի ընդ ամէնը 2000 լ. ոսկւոյ հատուցում ըլլուի. զինադադարը միայն եւ միայն արեւելեան

¹ Անուշազատի (Ἀνασώζαδος) ապստամբութեան վրայ հմմտ. Պրոկ. Գ. Գ. Դ. 10 (504 յջ.), Նեօլոգիկէ, Ցաբարի 467-474:

սահմաններուն համար էր, մէջն ըլլալով նաեւ
Հայաստանը: Իրերն այս վիճակի մէջ ըլլալով՝
Յուստինիանոսի ուրիշ բան չէր մտար, բայց եթէ
այս ոչ այնչափ նպաստաւոր պայմաններուն առ-
ջեւ գլուխ ծակել¹:

Խտրով իւր խաղաղութեւր փոքր անենալը
ուզեց կայսեր յայանել մասնաւոր քաղաքավա-
րութեան գործքով մը. զինպագարն ըլլալուն
պէս մեծ պատգամաւորութիւն մը Բիւզանդիոն
խաւրեց, որուն գլուխը դրաւ իւր հոյակապ պաշ-
տօնեաներէն փն, իւր վերագոյն սենեկապետը
Յազդ Վշնասպ, որ աղբիւրներէն նաեւ Զիկ յոր-
ջորջանքով ալ կը յիշատակուի²: Ասիկա նոյն է
այն դեսպանին հետ, որուն Յուստինիանէն ընդաւ-
նուիլը վերը էջ 10 եւ յջ. ստորագրուած տե-
սանք: Այս պատգամաւորը կորուզ եղաւ Յուս-
տինիանոս մասնաւոր շնորհքը վստակիլ, որ եւ
ոչ մէկ դեսպանի այսպէս չափէն աւելի պատիւ
ըրած էր: Թէպէտ պատուէր ընդունած էր կայ-

¹ Պրփ. Պ. Ռ. 28 (280. 281):

² Պրփ. Պ. Ռ. 28 (284). Գ. Գ. Գ. 15 (537). Չարս
հանուանէ 'Ισδιγούσας, Մենանդր Հակո. 11 (4. 206).
ուելի համապատասխան պարսկականին՝ 'Ιεσδεγούσαφ.
Ըստ իրեն տրիկա Թագաւորին «աստուածային սենեկա-
պետ», էր (θεῖος κουβικουλάριος): Անունը կը յիշէ նաեւ
Յորդան 110. 140 (նշանակութիւնը տես Նեոլոգիկ յ. ա.)
եւ Ֆիրգուսի, 6. 442: Σιχ ըստ Մենանդրի պատիւ մըն է՝
ἀξίωμα τὸ Σιχ. Ագաթիոս Գ. 30 (275), բայց իբր անուն
կը գործածէ ὄνομα δὲ ἦν ἀντιῶ Σιχ. Անուշապ այս բառը
պարսկի ամենամեծ ցեղերէն փն կը նշանակէ. ինչպէս են
Կարեն եւ Սարեն (Նեոլոգիկ յ. ա.): Ագաթանգեղոս
քով 1. 38 կը կարգուի Σήκας καὶ Καρῆνας քով քով:

սեր հետ վերջնական խաղաղութեան մը համար
րանակցիլ, սակայն արեւելեան հռովմեական
պետութեան արքունիքը դեսպանին տասնամեայ
դադարման միջոցին հաշտութիւն չեղաւ, վասն
զի ինչ ինչ կէտերու մէջ տարածայնութիւնը
մնաց:

Երկու պետութեանց քաղաքական յարա-
բերութիւնները զինադադարի ատեն էական փո-
փոխութիւն մը կրած չըլլալով՝ նոյն պարսիկ
դեսպանը Բիւզանդիոն երկրորդ այցելութեան
մը ատեն կրցաւ կայսեր հետ յամարցընել, որ
զինադադարը հինգ տարի եւս երկարի: Ասոր
դիմաց կայսեր ընելիք զոհը շնչին բան չէր. ստի-
պուած էր դարձեալ 2000 լիտր ոսկի հինգ տա-
րիներուն համար եւ ասկէ զատ՝ այս միջոցին ան-
ցած մէկուկէս տարւան ժամանակամիջոցին հա-
մար 600 լիտր ոսկի, ամբողջը կանխաւ եւ մէկ
անգամէն վճարել: Ինքզինքը պատրել կը ջանար
այն չոր միսթարանքով, թէ ամբողջական վճա-
րումը իբր տուրք չի կրնար համարուիլ¹: Սակայն
ուրիշ էր Բիւզանդիոնի մէջ ընդհանուր կարծիքը,
որուն հայեցողութիւնը Պրոկոպիոս մերկապարա-
նոց կերպով ու խիստ բառերով կ'արտայայտէ:
Իրեն նայելով՝ ամէնքը կայսեր տկարութեան ու
տեղի տալուն վրայ դառնացած էին եւ զայրաց-
մամբ երեսը կը զարնէին, որ 11½ տարի կա-
տարուած վճարումներով՝ պետութիւնը բարբա-

1 Պրոկ. Գ. Գ. Դ. 15 (537). — Ի՞նչ երեւիցի հարկս
հարկանել ա՞մ ըստ ամէ:

Քչ զբաղցընել առաւ, ինքնին 541 հզօր
 բանակաւ լազիկա մաաւ, հռովմական տկար
 պահանքները Պետրա մղեց եւ հռովմական
 իշխանութեան այս վերջին յենակէան ալ գրաւեց
 լմացուց: Այսպէսով կորսուեցաւ լազիկա Հռով-
 մայեցւոց համար եւ անցաւ Պարսից ձեռքը:

Այս յաջողութենէն վերջը՝ Խոսրով ձեռ-
 նամուխ եղաւ Բիւզանդիոնի դէմ այնպիսի ծրա-
 գիր մը գլուխ առնելու, զոր կարելի է յանդուգն,
 չափէն անդին եւ նոյն իսկ բախտախորական
 կոչել, ծրագիր մը, որ անոր քաղաքագիտական
 հայեցողութիւնը արբեր լուսով կ'երեւցնէ:
 Ինչպէս մեր օրերը Ռուսաստան կը ճգնի դէպ ի
 շնորհաց Ովկիանոս անցք մը ձեռք անցնելու,
 այսպէս ալ նոյն միջոցին Պարսից Թագաւորը Սեւ
 ծովու հետ հաղորդակցութիւն ունենալու ետեւէ
 ինկած էր, որպէս զի հոստեղէն որոշիչ հարուած
 մը իջեցընել կարենայ: Մէյ մը որ ծովեզերքը
 ձեռք բերէր, հնարաւոր կը կարծէր ասկէ՝ կամ
 ցամաքի վրայէն պոնտական գաւառներէն դէպ ի
 Կոստանդնուպոլիս յառաջանալ, կամ ծովէն նա-
 ւասորմդով մը մայրաքաղաքին վրայ յարձակում
 գործել¹: 2600000 իրական մտադրուած էր,
 պատրաստութիւնը՝ նաւաշինութեան փայտը
 հայթայթելով սկսած էր եւ Յուստինիան ինքնին
 կ'երեւայ թէ այսպիսի ծրագրէ մը վախ ունէր:
 Իրեն հետ եղած զինագազարը գործադրութեան
 արգելք չէր հանդիսանար, վասն զի խաղաղու-

¹ Պրկ. ՊՊ. Բ. 28 (283): Հմմտ. Նաեւ ՊՊ. Դ. 2
 (490): ՊՊ. Բ. 15 (221) Ագաթան 18 (104):

Թիւնը կամ լաւ եւս հանգիստը երաշխաւորուած էր պետութեան՝ լոկ Եփրատի վրայ եւ ոչ այլուր. ուստի Բիւզանդիոնի վրայ յարձակում մը ամենեւին ազգաց իրաւանց հակառակ դաշանց եղծում չէր: Իսկ թէ արդեօք այդ յանդուգն ծրագիրը գործադրելի էր, այդ ուրիշ խնդիր է: Կոստանդնուպոլիս բաւականէն աւելի յարձակում կրած է ծովէն ու ցամաքէն թէ հին եւ թէ նորափոյն ժամանակներս, բայց կարող եղած է իւր առանձնայատուկ դրքին պատճառաւ, աւելի ծանր պարագաներու մէջ դիմագրաւել: Խոսքով ստիպուեցաւ իւր գեղեցիկ գաղափարէն ետ կենալ, վասն զի քիչ մը ետքը պարագաները Պարսից համար աննպաստ կերպով փոխուած էին: Լազերը, որ Բիւզանդիոնէ քակտելով իրենց վիճակին բարւոքում կը յուսային, պարսկական ծանր լծին տակ մտնելով խաբուեցան եւ ուզելով զայն թօթափել, Յուստինիանու օգնութիւնը խնդրեցին: 549—556 տեւող լազեան պատերազմը վերջ ի վերջոյ Հռովմայեցիք շահեցան. Պարսիկները ծանր պարտութիւններ կրեցին եւ մինչեւ Իբերիայի եւ Պարսկահայաստանի սահմանները հալածուեցան: Գրեթէ բովանդակ լազիկա դարձեալ Հռովմայեցւոց ձեռքն ինկաւ¹:

Պարսից թագաւորը այս միջոցին պատերազմէ ձանձրացած էր. խելամուտ եղած էր, թէ Լազիկա նորոգ ջանքերով ալ կարելի չէ դար-

¹ Պատերազմին սկզբնաւորութեան վրայ տ. Պրոկ. Գ. Գ. Դ. 7 (488 յջ.) 15 (538 յջ.), շարունակութիւնը կը պատճէ Ագաթիոս Գիրք Գ. եւ Դ.:

ձեալ ձեռք բերել եւ իրեն համար ալ կորսուած է: Եւ որովհետեւ հինգ տարւան համար եղած երկրորդ զինադադարն ալ վախճանին կը մօտենար, այս երրորդ անգամ ըլլալով Բիւզանդիոն խաւրից իւր քաջ զինանագէտը, որ կայսեր հետ 556 ապագայ խաղաղութեան իբր պատրաստութիւն ընդհանուր զինադադար մը հաստատեց, որ Լազիկայի վրայ ալ կը տարածուէր, առանց տեւողութեան չափը որոշելու եւ իրաց կերպարանքը (Status quo) պահելու հիման վրայ: Երկու կողմերն ալ մինչեւ հաշտութիւն կնքուիլը երկուստեք գրաւուած երկիրները կրնային պահել. դրամական հատուցման խօսք չկար այս անգամ. — պատուաբեր դաշնագրութիւն մը Հռովմայեցւոց համար¹:

Որոշակի կարելի չէ ըսել թէ վերջնական խաղաղութեան հասնելու համար ինչու դարձեալ հինգ տարի պէտք եղաւ: Թերեւս անոր համար, որ ինքնակալներէն մէկն ալ չէր ուզեր իբր խաղաղութեան առաջին ցանկացող մէջտեղ ելլել, որպէս զի չըլլայ թէ ասով տկարութեան երեւոյթ մը ցոյց տայ եւ հակառակորդին առիթ ընծայէ չափազանց պահանջութիւններ ընելու: Տեւական խաղաղութեան մը պէտքը երկակողմանի ալ կար: Յուստինիան յառաջ խաղացող Հոնաց ու Աւարաց հետ բաւական զբաղում ունէր²: Ասկէ զատ իւր ալեւորեալ տարիքին մէջ ըլլալով —

¹ Ագաթիոս Դ. 30 (275):

² Հոնաց յարձակմանց նկատմամբ. Ագաթիոս Դ.

11 եւ 92. (298 92.). Մենանդր Հակ. 3 եւ 92. (202):

գրեթէ ութսնամեայ էր — կը բաղձար պետու-
թիւնը խաղաղ վիճակի մէջ իւր պայազատին
ձգելու¹։ Իսկ խոսքով նոյն ժամանակ բոլոր հո-
գւով ու մարմնով ետեւէ ինկած էր իշխանու-
թիւնը դէպ ի արեւելք ընդարձակելու, ուստի
աչքը արեւմուտքէն դարձուցած էր։ Մանաւանդ
որ ուրիշ վտանգ մը կը սպառնար։ Ուլքսոս գե-
տին անդիի կողմը թրքական ցեղեր հզօր պետու-
թիւն մը կազմած էին եւ եթէ նոյն ատեն իրենց
խաբանը տակաւին խաղաղութեան պահուելուն
կողմն էր, սակայն եւ այնպէս կրնար կասկածուիլ,
որ Իրանի դէմ՝ Բիւզանդիոնի հետ կրնայ միա-
նալ, ինչպէս վերջէն եղաւ ալ։ Այս վտանգին
առջեւն առնելու էր արեւմտեան դրացւոյն հետ
խաղաղութեան դաշն կապելով²։

562ի խտրադուժիւնը։

562ի աշնան տեղի ունեցաւ այն խաղա-
ղութիւնը, որով երկրորդ հռովմէական-պարս-
կական պատերազմը վերջացաւ։ Այս խաղաղու-
թեան նկատմամբ վստահելի աղբիւր է Մենան-
դրի (անուանեալն Պրոտեկտոր) պատմութիւնը,
որ դժբախտաբար ծանօթ է քաղուածքներով
միայն եւ շարունակութիւն է Ագաթիասի՝ ներ-
կայացրնելով մեզի 558—582 տարիները³։ Իւր

¹ Ագաթիաս Ե. 14 (306), Մենանդր Հոկոմ. 4 (205)

² Նէօլդեկէ, Յաբարի 158 յջ.։

³ Մենանդրի վրայ համեմատէ Krumbacher, Ge-
schichte der byzantinischen Literatur, 273 ff. De lega-
tionibus քաղուածքները կոստանդին Պորփիրոգենի-
տոսէն են։

խօսքին նայելով՝ խաղաղութեան բանակցութեանց համար հռովմայեցի բանագնացին վաւերական տեղեկութիւնները գործածած է եւ տեղ տեղ բառ առ բառ յառաջ բերած¹:

Բանակցութեանց այս անգամ Յուստինիանոս սկիզբ ըրաւ²: Յառաջուան պէս ինքնակաշնորէն միոյն արքունիքը դեսպաններ խաւրուելով չկատարուեցան այս բանակցութիւնները, հապա մասնաւոր յանձնակատարներու ձեռքով, ըստ իմիք՝ սահմանի մօտ չէզոք հողի վրայ, ծանօթ Դարասի շատ մօտիկ³: Հոն գացած էր հռովմայեցի լիազօրը Պարսից արքային իւր գաշն ու վախճանը ծանուցած, որուն վրայ ասիկա ալ իր բանագնացը հոն խաւրեց:

Յուստինիան իրեն փոխանորդ ընտրած էր իւր ամենահաւատարիմ խորհրդականներէն մին՝ պաշտամանց մագիստրոս Պետրոս պատրիկը, զոր ուրիշ տեղ յիշատակած ենք արդէն եւ որ իրաւական ծանօթութիւններու հմուտ եւ հոյակապ ճարտարախօս եւ աջողակ գործիչ մ'ըլլալով շատ անգամ դիւանական գործառնութեանց գործածուած էր⁴: Խաղաղութեան համար կատարուած բանակցութեանց վրայ մասնաւոր գիրք մը գրած է: Որոշ չէ թէ այս գիրքը շի-

¹ Խենանդր Հոկա. 12 (217):

² Այս բանս կը հետեւի Խորովի նամակէն յ. ա. 209, որ կայսեր շնորհակալութիւն կը յայտնէ անոր պատրաստակամութեանը համար:

³ Խենանդր Հոկա. 11 (206):

⁴ Լիւդոս de magistr. III 25. 26. Իւր գրող վրայ տ. Krumbacher յ. ա. 237 եւ յլ.:

Նաժ է իբր պաշտօնական տեղեկատուութիւն կայսեր կամ տէրութեան դիւանին համար թէ առանձնական աշխատութիւն: Այս մատեանն է, զոր Մենանդր, ինչպէս կը յայտարարէ, բառ առ բառ իբր հիմ ծառայեցուցած է իւր նկարագրութեան եւ նոյնին վստահելութիւնն ու ճշգրտութիւնը մասնաւոր գովութեամբ յառաջ կը բերէ¹: Նոյն իսկ իւր այժմեան, համառօտեալ կերպարանքին մէջ իսկ այս տեղեկատուութիւնը վերջին աստիճանի թանկագին պատմական եւ ազգային իրաւական յիշատակարան մըն է: Արտաքոյ կարգի կենդանի գոյներով մեր աչաց առջեւ կը պարզէ բանակցութեանց ընթացքը, արձանագրութեանց ու դիւանագիտական յիշատակարանաց մասին բաւականաչափ տեղեկութիւն կու տայ, ժողովոյն վիճաբանութեանց կարծես մասնակից կ'ըլլանք եւ խաղաղութեան դաշանց վաւերական բովանդակութիւնը մեզի կ'աւանդէ: Պարսկաստանի բանագնացը Հռովմայեցւոյն հետ աստիճանի եւ քաղաքագիտական ճարտարութեան կողմանէ լիովին կը մրցէր, թէպէտ երբեմն երեւան եկող արեւելեան պարծենկոտութիւնը աւելի բարակ կրթութիւն ընդունած Յոյն ծաղրածութիւնը կը շարժէր²: Խոսքով իրեն լիազօր կարգած էր Յազդ վշնասպը՝ ուրիշ անուամբ Զիկ, որ նախորդ բանակցութիւններէն ծանօթ է:

1 Մենանդր Հոկտ. 12 (217):

2 Գարժէ կարգալ Պետրոսին՝ Պարսկին տուած յանդիմանութիւնը Մենանդրի քով 210:

Երկու գլխաւոր անձնաւորութեանց իբրեւ շքադիր կ'ընկերանային շրջակայ վայրերէն նշաւաւոր մարդիկ եւ օգնական գործիչներու խումբ մը, գլխաւորաբար Թարգմաններ: Պետրոսի հետ Եւսեբիոս մ'ալ կը յիշուի իբր Թէ անոր առընթերակիցը (Ad latus), մինչ պարսիկ պատգամուորին առընթերակիցն էր ազնուական Սուրէն (Σουρήνας) ցեղէն մէկը, որ վիճաբանութեանց մէջ ալ կը մտնէր¹: Յանձնակատարներուն տրուած լիազօրութիւնը կը կայանար «բանակցելու եւ դաշինք դնելու» մէջ — λαλῆσαι καὶ τραχταῖσαι —². Մեզի հասած տեղեկութիւններէն չիմացուիր, Թէ արդեօք այս ընդհանուր հրահանգներէն զատ մասնաւորներ ալ ունէին անոնք: Ուրիշ դիպաց վրայէն չափելով՝ ընդունելու ենք, որ բանակցութիւնները չսկսած՝ լիազօրութեան Թղթերը ներկայացուած եւ օրինաւորութեան կէտը քննուած ըլլալու են³:

Ժողովն սկսաւ բացման ճառերով՝ զոր խօսեցան երկու դեսպաններն ալ, որոնց մէջ ճարտարխօսական դարձուածքներով կը ջանային իրենց ինքնակալներն ու երկիրները գեղեցիկ գոյներով ներկայացընել: Մենանդրի յառաջ բերած այս ճառախօսութիւնները իրապէս խօսուածի ազդեցութիւն կ'ընեն եւ ոչ Թէ ծանօթ դասական օրինակներու վրայէն կաղապարուելով՝ ճառախօսներուն բերանը դրուած են: Այնուհետեւ

¹ Մենանդր 211. 212:

² Խոսարովի նամակէն կը տեսնուի. Մեն. 209:

³ Հմմտ. Մենանդր. Հակտ. 55 (257):

բուն բանակցութիւններն սկսան, որ շատ դան-
դաղ կը յառաջանային, վասն զի թարգմաննե-
րու ձեռքով կ'ըլլային, դեսպաններուն մէկուն
միւսին լեզուն չգիտնալուն՝ պատճառաւ:

Ա.

Ամէն բանէ յառաջ ջանացին կնքուելիք
խաղաղութեան գլխաւոր պայմաններուն վրայ
միաբանիլ, որ է ըսել խաղաղութեան տարա-
ծութեան, տեւողութեան, լազեան խնդրոյն եւ
Պարսից պահանջած դրամական փոխարինու-
թեան վրայ:

—) Թէ խաղաղութիւնը ընդհանուր ըլլալու
էր եւ պետութեան բովանդակ երկրամասերուն
վրայ, մէջն ըլլալով նաեւ Հայաստան եւ Լա-
զիկա, տարածուելու էր, յայտ միաբան էին
յանձնակատարները¹: Հայաստանի մասնաւոր
յիշատակութիւնը այս անունը կրող հռովմեա-
կան գաւառներուն չէր հայեր, որոնք ի վաղուց
պետութեան կցուած էին², այլ Պարսկահայաս-
տանի, որ մնացած Իրանի հանդէպ միշտ առան-
ձնական դիրք մը գրաւած էր:

Բ) Նմանապէս լազեան խնդիրը դիւրաւ
լուծուեցաւ: Խոսքով ետ կեցած էր այս երկիրը

¹ Հաստատուէն եւ յուժի իցեն դաշինքն եւ յամե-
նայն ուրիշ զօրիցեն ե': յարեւելս եւ յաշտարհին Հայոց,
որպէս եւ Լազիկացւոց: Մենանդր 208:

² Հմմտ. Novelle 31, որ կը խօսի Հայաստանի շորս
նահանգի բաժնուելուն վրայ: Գիւտերբըրք, Հռովմեական
Հայաստան:

Հռովմայեցիներէն կորզելու գաղափարէն: Այսպէսով խաղաղութեան պայմանին մէջ առնուեցաւ ամբողջ Լազիկա ի մաց թող տալը, որմէ կը հետեւէր ինքնին նաեւ այն պարտաւորութիւնը, որ Պարսիկները տակաւին իրենց գրաւած վայրերէն ելլելու էին¹: Սուանեան երկրին նկատմամբ որոշումը ապագայ բանակցութեան մը թողուեցաւ, որովհետեւ չկրցան միարանիլ:

Գ) Խաղաղութեան տեւողութեան գալով՝ Պարսիկները կը պահանջէին, որ Նախընթաց 532ի խաղաղութեան պէս մշտատեւ ըլլայ եւ ժամանակամիջոց չորոշուի, իսկ Պետրոս որոշ կարճատեւ ժամանակի կողմն էր: Շահերը հոս հակառակ էին իրարու՝ տարեկան դրամավճարքի հատուցման կողմանէ. Պարսկաստան կ'ուզէր դրամավճարքն ընդունիլ որչափ կարելի է երկայն ատեն, մինչ Հռովմայեցւոց շահաւոր էր կարճ ժամանակամիջոցի մը չափը: Աւերջ ի վերջոյ յիսուն տարւան ժամանակամիջոցի վըայ համաձայնեցան², որուն թերեւս Թէոդոս Բ. ի Առաջ արքային հետ 422 դրած դաշինքը իբր օրինակ ծառայած ըլլայ:

Դ) Դրամի խնդրոյն լուծումը մեծագոյն դժուարութիւն պատճառեց: Եռասունիան եւ իր

¹ Մենանդր 208: *Ῥωμαίοις δὲ ἐπιδοθῆναι τὴν Λαζικήν.*

² Պարսիկք կամէին զի առանց ընդհատութեան կռեսցին դաշինքն — զնորին հակառակն Հռովմայեցւոց կամք այն էին զի վասն սակաւ ինչ ժամանակի դիցին դաշինքն — ապա ուրեմն միաբանեցին, զի խաղաղութիւնն յաւակաւնեալ ձգեսցի յյիսուն տմն:

փոխանորդը քաջ գիտէին թէ խաղաղութիւնը եւ Լազիկայի ի բաց թողուիլը ձրի չի կրնար ըլլալ: Ուստի Պետրոսի Պարսից դրամական հատուցում պահանջելուն դէմ ի սկզբան անդ ոչը կոխելը դիւանագիտական խաղարշաւ մըն էր, վասն զի լաւ գիտէր թէ ծանրութեամբ մերժելուն պէս դաշինքը օդ կ'ելլէր: Պարսից նախնական պահանջը՝ թէ 30էն մինչեւ 40 տարի տարեկան ահագին տուրք մը կանխաւ վճարուի, իւրեւ չափէն անդին՝ մերժուելէն ետքը՝ երկայն բարակ վիճաբանութենէ վերջը, միաբանեցան, Պարսից վճարուելի տարեկան 30.000 ոսկւոյ գումարին վրայ *τριαχοντα χιλιάδας ετεσσίας χροσίου νομίσματος*, այնպէս մը, որ

1. առաջին եօթը տարիներուն համար 210.000 ոսկւոյ ամբողջական գումարը դաշինքը կնքուելուն պէս,

2. առաջին եօթը տարիներն անցնելէն վերջը, յաջորդ երեք տարիներու բաժինները կազմող 90.000 ոսկին ալ մէկ անգամէն, եւ

3. առաջին տասը տարիները լրանալէն վերջը տարւէ տարի որոշուած 30.000 ոսկւոյ գումարը վճարուելու է՝:

Որպէս զի 2ի մէջ յիշուած երեքամեայ մասնավճարները ապահովուին, կայսրը պար-

1 Մենանդր անդ 208. Չի Հռովմայեցիք ի տառնաման ժամանակի մատուցեն զլափ սակին վաղվաղակի վտան եօթանց ամացն եւ յետ եօթն ամաց ի վերայ անցանելոյ, առանց յապաղութեան զսակն անցելոյ երից ամացն եւ ապա ուրեմ ըստ անցանել իւրաքանչիւրոյ ամին հայթայթեցին Պարսից տարեկանքն որ սահմանեալքն են:

տաւորման հանդիսական արձանագիր մը հանելու եւ զայն Պարսից Թագաւորին յանձնելու էր, որուն փոխարէն ասիկա ալ ինքզինքը կը պարտաւորէր գրաւոր, վճարուած ստանալէն վերջը պարտամուհակը ժամանակին կայսեր դարձնելու¹։

Ապագային համար ամէն տարակոյս բառնալու համար յայտնապէս սահմանուեցաւ, որ ինչպէս եւ երբէն սկսեալ դաշանց տարիները թէ խաղաղութեան տեւողութեան եւ թէ տարիներու վճարմանց կողմանէ հաշուուելու էին։ Հռովմէական եւ պարսկական տումարներու տարբերութեան պատճառաւ տնհնարին էր մէկուն կամ միւսին նկատողութեան առնուիլը, ինչպէս նաեւ երկու իշխողներուն կառավարութեան տարիները իւր կանոն չէին կրնար ըլլալ, ուստի միաբանեցան, որ տարիները *χρῆς τὸ ἀρχαῖον ἔθος* եւ այն ալ 365 ական օր հաշուուելու էին։ Ար կը նշանակէ, թէ ուրիշ անգամ եղածին պէս այս անգամ ալ դաշանց կնքուելուն ժամանակակէտը հաշուոյն սկիզբ առնուեցաւ. վասն զի այս է բնականը եւ սովորականը²։

Պարսկաստանի վճարուելի գումարները յառաջուան դաշնադրութեանց մէջ (532ի,

¹ Մենանդր 209. Զի արքայն Հուսից աւաբեացէ գիր հաստատութեան վասն միաբանեալ սակին երկց ամացն։ — Սահմանեալն էր զի եւ արքայ Պարսից տացէ գիր հաստատութեան, զի յորժամ հայթայթեսցի Պարսից սակն պարտուց վասն երկց ամացն, յայնժամ Թագաւորն Հուսից յետո գարձուացէ զգիրն հաստատութեան։

² Մենանդր. 213։

545ի, 551ի) ոսկւոյ լիտրի վրայ եւ այն այնպէս մը պայմանաւորուած էին, որ իւրաքանչիւր ամսովձար 400 լիտր ոսկւոյ կու գար: Ընդհակառակն այժմեան դաշնադրութեան մէջ տարեկան բաժինը 30.000 ոսկեդրամ սահմանուած էր: Հռովմէական արժողութեան համար ոսկւոյ լիտրը օրինական հաշուի եւ կշռոյ միութիւնն էր, իսկ ընթացիկ ոսկեդրամն էր Solidusը (aureus, νόμισμα), որ Կոստանդնի դրամական նորոգութենէն ի վեր ոսկւոյ լիտրին իբր բօթանասունուերկրորդ մասը կը դրոշմուէր: Բայց բուն կշիռն էր էականը, եթէ գումարը Solidusի վրայ ալ ըլլար, որովհետեւ վճարումները թէ՛ հասարակական վճարմանց եւ թէ առանձնական տուրեւառի մէջ ոսկւոյ պահանջուած քանակութեան կշռուելովը տեղի կ'ունենար¹: Solidusով եւ ոսկւոյ լիտրով հաշուելու երկու եղանակներն ալ վեցերորդ դարուն կային 1:72ի հաստատուն յարաբերութեամբ իրարու համարժէք: Յուստինիանու օրէնքներէն բազմաթիւ օրինակներ ցոյց կուտան, որ ըստ կանոնի մեծագոյն գումարները սովորաբար ոսկւոյ լիտրով կը հաշուուէին, ընդհակառակն փոքրները Solidusներու վրայ²: Սակայն եւ այնպէս առանց բացառութեան չէր առաջինը, վասն զի մինչեւ 400, 500 եւ աւելի

¹ Բարկուարդի Röm. Staatsverwalt. 2, 30. Cod. Theod. 12. 6. 2. Cod. Just. 11. 10. 8.

² Nov. Just. 30 c. 6, Nov. 128 c. 9, Nov. 8, Nov. 1, Nov. 80 c. 8 եւ այլն:

Solidusով հաշուած գումարներու կը հանդիպինք¹:

Ընդունինք, որ խաղաղութեան գաշանց ԹՎ 30.000 ոսկի ըսելով **Solidus** կը հասկըցուի, այն ատեն ասոր համապատասխան գումարն է 416²/₃ լիար ոսկւոյ կշռոյ արժողութիւնը, հետեւութիւն մը՝ որ շատ գոհացուցիչ չ'երեւար, վասն զի Թէկ կողմանէ չի համաձայնիր ամսվճարներուն սովորական քանակութեան, միւս կողմանէ աչքի կը զարնէ, որ մասնակցողները գիտնալով հանգերձ **Solidus**ի ոսկւոյ լիարին հետ յարաբերութիւնը, ընդհանուր գումար մը այնպիսի եղանակաւ որոշած են, որ կշիռը ամբողջական չափ չցուցընէ, այլ կուտորակ ապ: Բայց ունինք քանի մը բիւզանդական աղբիւրներու վկայութիւններ, որ Պարսկաստանի վճարելի տարեկան գումարը ոչ թէ 30.000 ոսկի, այլ հինգհարիւր լիար ոսկի կը ներկայացընեն. այսպէս նաեւ եւ յառաջ Մանսրի ժամանակակից մը՝ Յովհաննէս Եպիփան², դարձեալ ասոր վրայ յեցած Թէոփիլակոս Սիմոկատէսի³ պատմագրութիւնը եւ վերջապէս — Թէպէտ քիչ մը յետագոյն ժամանակէ — Թէոփանէսի ժամանակագրութիւնը⁴: Այսպէսով աւելի հաւանականութիւն

¹ Nov. 26 c, 5. Nov. 28 c. 3 եւն:

² Յովհ. Եպիփ. (ՀՅՊ 4. 274):

³ Թէոփիլ. 3. 9 (129). — ἀνὰ ἔτος ἑκαστον πεντακοσίας λίτρας χρυσίου եւն:

⁴ Թէոփանէս 245:

կը ստանայ թէ նաեւ Մենանդր *τριάχοντα χιλι-
 άδες χρυσίου νομίσματος* ըսելով ըստ ինքեան
 բացայայտել կ'ուզէ *λίτραι χρυσίου πενταχοσίαι*
 հաւասարաչափ կշիռը: Որով անկարելի է, թէ
 ասով սովորական *Solidus*ը ըսել ուզուած
 ըլլայ, որուն 30.000ը 500 լիտր պիտի տար,
 մանաւանդ թէ — քանի որ Մենանդրի սխա-
 լումը կարելի չէ ենթադրել¹ — ոսկեդրամի
 վրայ է հոս խնդիրը, որուն կշիռը ոչ թէ $\frac{1}{72}$,
 այլ $\frac{1}{60}$ լիտր էր: Ծանօթ է արդ՝ որ Գիոկղե-
 տիանոս *aureus*ը գրողմել տուաւ $\frac{1}{60}$ լիտրի եւ
 այս իբր օրինական դրամ կը բանէր մինչեւ
 Կոստանդնի ձեռքով գնոյն իջեցուիլը: Թէ ինչու
 այժմու բանակցութեանց մէջ ոսկեդրամի հա-
 չիւ եղած է, միայն ենթադրութեամբ կրնայ
 մեկնուիլ: Արդեօք Յուստինիանու ժամանակ
 տակաւին այսպիսի ոսկեդրամներու մեծաքանակ
 բազմութիւն մը Պարսկաստանի սահմանակից
 երկիրներու մէջ ի գործածութեան էր: Գուցէ
 Պարսիկները, որոնց քով շատ մը հռովմէական
 դրամներ ալ կը բանէին² իրենց ստակներուն
 հետ, ծանր *aureus*ը աւելի կը սիրէին քան թէ
 թեթեւ *solidus*ը: Թերեւս մէկ պատճառն ալ
 ըլլար Յուստինիանու կառավարութեան վեր-
 ջերը տեղի ունեցած դրամական զեղծումները³,
 ինչպէս կ'ուզէ ըլլայ, ծանր դրամով հատուցման

¹ Մենանդր. ուրիշ տեղեր ալ Հտ. 39, 40 (241)
 30.000 թիւը որով կը յիշէ:

² Spiegel, *Eran. Altert.* 3, 682.

³ Գրոկոս. *Anecd.* 25 (140):

պայմանաւորումը կ'երեւայ թէ Պարսից ուղեւորը տեղի ունեցած է: Այս անգամ ալ վերջ ի վերջոյ որոշիչ եղաւ կշիռը, եւ ըստ Մենանդրի¹ արդէն իսկ առաջին 10 տարւան վճարումը կշռով եղաւ: Դարձեալ Մենանդրի եւ անշուշտ նաեւ խաղաղութեան դաշանց մէջ գործածուած բացատրութիւնը՝ 30.000 νομίσματος (եւ ոչ νομίσματα) գումարին ըստ իմիք իբր հաշուի միութիւն համարուած ըլլալուն երաշխաւոր է: Ահա այս ըսուածները քովէ քով բերելով՝ չենք կարծեր թէ յանդգնական ըլլայ, որ իրականին խաղաղութեան դաշանց մէջ 60 օսկի մէկ լիտրի եկած ըլլայ: Բիւզանդական դրամի վերաբերեալ նիւթերով զբաղողներուն կը թողունք հոս առաջարկուած խնդիրները ճշդագոյնս քննելն ու որոշելը:

Բ.

Խաղաղութեան գլխաւոր պայմաններուն վրայ միաբանելէն վերջը՝ միւս բանակցութիւնները զանազան մասնակի կէտերու վրայ սկսան դառնալ, որոնցմէ մաս մը դաշանց գործադրութեան մաս մ'ալ երկու պետութեանց մէջ տիրող անհամաձայնութեանց բարձուելուն կը հայէին եւ բարեկամական յարաբերութիւնը նորոգելու ծառայութիւն մը կրնային մատուցանել: Մենանդր մէն մի դաշնադրական որոշումները 13

¹ Մենանդր. 214:

(Ճշգրտոյնս 14)¹ շարունակեալ թուերու ներքեւ յառաջ կը բերէ եւ այն ալ Պետրոսի նախնական տեղեկատուութեան եւ դաշանց բնագրին համաձայն, ինչպէս որ յայտնի կը հետեւի մեծագոյն մասին սկիզբը գործածած օտ կամ ԾժԵ բառերէն: Զարմանալին այն է, որ թիւ 13ի մէջ խաղաղութեան յիսուն տարի տեւելուն յիշատակութիւնը կ'ըլլայ, մինչ չի յիշուիր լազիկայի ի բաց թողուիլը եւ վճարուելի դրամական հատուցումը: Կարելի չէ ենթադրել թէ դաշանց արձանագրութեան մէջ այս երկու ամենածանրակշիռ պայմանները զանց առնուած ըլլան, ինչպէս նաեւ անհնարին է ընդունիլ, որ ասոնց համար մասնաւոր արձանագրութիւն մը յօրինուած ըլլայ: Ուստի ապահովապէս այն երկու պայմանները խաղաղութեան դաշանց մէջ չէին պակսեր եւ անշուշտ իւրեւ էական կէտեր առանց մասնաւոր թուարկութեան սկիզբը դրուած ըլլալու էին, եւ Մենանդր մէկալ թուերն յառաջ բերած ատեն պէտք չունէր զանոնք դարձեալ յիշատակելու, ինչու որ ուրիշ տեղ անոնց վըրայ ընդարձակ խօսած էր: Յաջորդով Մենանդրի պահած կարգէն անկախ, բայց ինչ ինչ հասարակաց տեսակէտներու համեմատ՝ պիտի խօսինք դաշանց պայմաններու վրայ:

¹ Այսինքն այս յաւելումը իσχυσαί δὲ καὶ τοῦτο
 x. r. l. Իբնահր. 213, 14 է:

1'. Թե խաղաղութիւնը ո՞ր երկիրներուն վրայ
կը տարածուէր :

Ընթացեալ խաղաղութիւնը տարածուելու էր ոչ միայն երկու պետութեանց բովանդակ սահմաններուն վրայ, այլ նաեւ այլեւայլ ուղղութեամբ նոյներուն սահմաններէն անդին եւս անցնելու էր. ըստ այսմ՝

1. Դաշանց Թ. Գին համաձայն խաղաղութեան մէջ առնուած էին երկակողմանի պաշտպանեալ տէրութիւններն ու երկիրները, որով ասոնք եւս պաշտպանուելու էին հարստահարութեանց եւ թշնամական յարձակմանց դէմ¹: Այս որոշումը Արեւմտեան հռովմէական պետութեան համար այնչափ նշանակութիւն չունէր, ինչպէս Պարսկաստանի, վասն զի ասոր շահին նպաստաւոր էր արգելուլ, որ իրմէ կախում ունեցող վրաստանը կամ Աղուանքը հռովմէական յարձակմանէ զերծ մնան:

2. Ուրիշ որոշում մը (թիւ 2) կը հայեր երկու պետութեանց հետ դաշնաւոր Արաբացոց: Ընդարձակած աւալ եւ կրնանք ըսել անտէրունչ անապատին մէջ, որ Ասորիքի արեւելեան եւ հարաւային արեւելեան կողմէն մինչեւ Սասանեան պետութեան սահմանը կը տարածուէր,

1 Մի յարձակիցին կամ պատերազմաւ գումարեօցին ի վերայ ազգի կամ աշխարհի, որ ընդ միով յերկուսն պետութեանց իցէ, այլ մանաւանդ առանց ամենին մղանչելոյ միմեանց եւ զերեարս բռնաբարելոյ, ի նմին կացցեն, մինչեւ եւ նորա վայելեսցեն ի խաղաղութեան:

կը թափառէին բազմաթիւ արաբ ցեղեր ու վաշկատուն խումբեր (*Σαρακηνοί*)¹, որոնք մասամբ իրարու մէջ ունեցած կագ ու կռուին՝ մասամբ ալ իրենց անընդհատ աւազակական արշաւանքներովը դրացի երկիրներուն բնակչաց համար անտանելի դարձած էին: Պարսկաստան՝ Եփրատի գծով պաշտպանուած ըլլալով շատ չէր կրեր, ինչպէս հռովմէական գաւառները, որ բոլորովին բաց ըլլալով՝ անոնց յարձակմանց շատ աւելի ենթակայ էին²: Յընթացքս ժամանակաց արաբական ցեղերուն մէկ մասը կէս մը հաստատուն բնակավայր հաստատած եւ իր տեղացի ցեղապետներուն ներքեւ պետական յօրինուածութեան թոյլ կապերով կապուած էր: Այսպէս վարի Եփրատի աջ եզերքին մօտ բնակող Լախմիդեանք՝ Հիրայի մէջ իշխանութիւն մը հաստատած էին եւ իբր պարսիկ պետութեան աւատ՝ արքայից արքային զօրք տալու էին անոր արշաւանաց ատեն: Վերջին հռովմէական-պարսկական պատերազմին՝ Հիրայի շէյխը ԱԼ-Մունաթիր (*Ἀλαμούνδαρος*) խոսրովին աջ բազուկն եւ Հռովմայեցւոց վտանգաւոր ախոյեանն հանդիսացաւ³:

¹ Σακηνῖται Ἀραβες կը կոչէ զասոնք Թէոփանէս, 141:

² Բազմաթիւ յարձակումներ կը յիշէ Թէոփանէս, 120-141 եւն. Պրոկ. ՊՊ. Ա. 18 (89), Բ. 1 (154):

³ Հիրայի վրայ ընդարձակ կը խօսի Յաբարի (Նեոլդեկէ) 46 յջ. 78-85, 137, 150, 165-172 եւ ուրիշ տեղեր. Մունաթիրի վրայ Պրոկոպ. ՊՊ. Ա. 18 (88 յջ), Բ. 1 (154), Բ. 10 (197): Մեռաւ իբր 554:

Ինչպէս որ Հիրայի մէջ պարսիկ՝ այսպէս ալ երրորդ Պաղեստինի եւ Արաբիայի՝ սահմանին վրայ հռովմէական-արաբացի աւատական տերութիւն մը հաստատուած էր, որուն գլուխ կանգնած էին Ղազանեանց տնէն իշխողներ։ Յուստինիանոսի առջեւ մասնաւոր շնորհ կը վայելէր Հարիտ շէյխը, Գաբալայի (*Ἀρεῖδας*) որդին. զինքը իւր բնիկ երկրին մէջ իբր ցեղապետ գրեթէ անկախ թող տուաւ, մինչեւ անգամ թագաւորական տիտղոս ալ շնորհեց։ Ասոր դիմաց անիկա ալ պարտք ունէր սահմանները անապատի եւ պարսիկ Արաբներուն դէմ պաշտպանել եւ պատերազմի ժամանակ իւր հեծելագունդերը կայսեր տրամագրութեան տակ ղնել²։

Յաճախ այս աւատները իրենց վերին տեարց համար անհաճոյ պատահարներու առիթ կու տային։ Նոյն իսկ երկու մեծ պետութեանց մէջ խաղաղութիւն կամ գոնէ զինադադար եղած ատեն՝ բանի տեղ չղնելով՝ իրենց կազու կռիւը կը շարունակէին կամ նոյն իսկ ինքնագլուխ կերպով հակառակորդին երկիրը կը յարձակէին։ Իրենց հետտութիւնը պատճառ կ'ըլլար փոփոխ ամբաստանութեանց եւ դիւանական կնճիւղներ կը յարուցանէր, միանգամայն մշտա-

1 Ասոնք նախնաբար երկու տարբեր գաւառներ էին, ինչպէս Յուստինիանոս 8 Օրին. եւ երկու գաւառներուն համար հանած կարգաւորութեան հրովարտակէն (Օրին. 102 եւ 103) կը տեսնուի։

2 *Ἀρεῖδας τὸν Γαβαλᾶ παῖδα*ի վրայ տես Պրոկ ՊՊ. Ա. 18 (89) եւ այլեր։ Ցաքարի (Նէօլիդէ) 170-171։

կայ վտանգ մըն էր երկու պետութեանց լաւ
յարաբերութեանց աեւելուն դէմ¹։

Երկու մեծ պետութեանց դրած խաղա-
ղութեան դաշինքները սկզբամբ նաեւ այս դաշ-
նաւորաց համար կ'արժէին, եթէ նոյն իսկ կեր-
պապէս դաշանց մէջ առնուած չըլլային ասոնք։
Այս բանս այժմ նաեւ Դարասի բանակցու-
թեանց մէջ ալ հաստատուեցաւ։ Թիւ 2 կը
սահմանէր, որ խաղաղութեան պայմանները
դաշնաւոր Արաբներու համար ալ արժէին,
որով իրարու կամ մէկալ մեծ պետութեան դէմ
խաղաղութիւնը խանգարող ամէն ձեռնձգու-
թենէ ետ կենալու էին²։ Այս պարտուց կա-
տարման հոգը կ'իյնար երկու ինքնակաշնորուն,
որոնք ըստ իմիջ իրենց աւատներուն տեղ իրա-
րու հետ անոնց համար դաշինքը դրած էին,
ուստի առանց որոշակի սահմանուած ըլլալու ալ
յանձն առած էին իրենցմէ կախուած դաշնաւոր-
ներուն լաւ յարաբերութեանց քաղաքական եւ
ազգաց իրաւանց կողմանէ պատասխանատու
ըլլալ, պարտաւորութիւն մը, որ շատ մը դժուա-
րութիւններով կապուած էր, ինչպէս հետեւեւու-
թիւնը ցուցուց։

¹ Պրոկոպիոս ՊՊ. Բ. 1 (154), Բ. 28 (287), Գ.
Պ. Գ. 11 (507)։

² Մենանդր 212. Ձի եւ Սարակինոսը՝ դաշնաւորք
կացեն երկուցունց պետութեանց եւ հաստատուն գործիցեն,
եւ մի տացեն պատերազմ, որ ի Հռովմայեցւոց կուսէ իցեն
ընդ Պարս եւ մի ընդ Հռովմայեցիս, որ ի Պարսից թերէն են

բ. Դաշունց շատ մը մասնահիւսն պայմաններ կը վերադարձին երկրակողմանի սահմաններուն պաշտպանութեան:

1. Լազիկա ետ տրուելէն վերջն ալ Կաւկասեան անցքերուն պահպանութիւնը եւ ապահովութիւնը Պարսից ձեաց եւ Հռովմ¹ ծախքին համար բան մը պարտական չէր վճարել. պայմանաւորեալ դրամական հատուցման մէջ էր նաեւ այս ծախքը: Ըստ այսմ Պարսկաստան վրան կ'առնուր պայմաններուն թիւ 1ին մէջ, հռովմեական հողը Հոնաց, Ալանաց եւ այլ բարբարոս ազգաց դէմ պաշտպանելու պարտութիւնը, որուն փոխարէն Հռովմայեցիք ալ կը խոստանային ոչ Լազիկայէն եւ ոչ ուրիշ տեղէ պարսկական սահման զօրք քաշեցընել¹:

2. Նոյնպէս 441ի (տես վերը էջ 57) դաշանց հակառակող Դարասի ամրացուելուն վրայ ալ խօսելու առիթ եղաւ: Յուստինիան պատերազմի միջոցին Դարասը մեծապէս ամրացուցած եւ զայն, ինչպէս Պրոկոպ կ'ըսէ, բովանդակ պետութեան համար մարտկոց մը դարձուցած էր², ուր, գոնէ առ ժամանակ մը, փոխած էր նաեւ Արեւելքի բանակին մագիստրո-

¹ Իրենանդր 212. Ջի ընդ կիրնս անցիցն, որ կոչէրն խորուցոն եւ ընդ Կասպեան կապանս մի թոյլ տացի Պարսից կամ Հոնաց կամ Ալանաց եւն: Խորուցոն կրէին դիրքը անորոշ է. թերեւս Պրոկ-ի Գ. Պ. Դ. 3 (469) յիշած ԴՅՕՆՔԻՆ հետ նոյն ըլլայ (°):

² Պրոկ. վասն շին. բ. 1 (211). πάσης μὲν προβο-βλημένης τῆς Ῥωμαίων ἀρχῆς.

սին նիստը: Որովհետեւ պատերազմին պատճառաւ 441ի եւ 552ի խաղաղութեան դաշինքներն իրենց ազգային իրաւական արժէքը կորսընցուցած էին, Յուստինիանոս մասնաւոր մտադրութիւն դարձուց հռովմէական սահմաններն արեւելքի մէջ կարգաւորեալ պաշտպանելու. առ այս ստեղծեց պաշտպանութեան ընդարձակածաւալ եւ ճիւղաւորեալ յօրինուածութիւն մը, որ կը կայանար փոխադարձ իրարու նպաստաւորող ամուր վայրերէ եւ ամրոցներէ (φρουρα), որով կրնար սահմանի վրայ գաւառները, Հայաստան, Միջագետք, Եփրատեսիա եւ Ուռհայաստան (Ոսրոնէ) պարսկական յարձակումներէ առաւել եւս զերծ պահել¹: Այս խաղաղութեան բանակցութեանց միջոցին առիթ ունեցան սահմաններն ամրացընելու խնդիրը դարձեալ ծեծելու եւ նոր, յառաջրւան դաշնադրութեանց նմանագոյն որոշումներով կարգաւորելու: Դարասի նկատմամբ Պարսկաստանը յայտնապէս թողուց իւր ընդգիմադրութիւնը եւ նոյնին քանդման պահանջը (թիւ 8)², մինչ Հռովմայեցին խօսք տուաւ զայն լոկ պահպանութեան կարեւոր գունդով մը պահել եւ վերին հրամանատարութիւնը անկէ փոխադրել: Այ-

¹ Պրոկ. վասն շին. Բ. եւ Գ.: Դարսուէն զաս նկատի կ'առնուին Թէոդուպոլիս եւ Մարտիրոսաց քաղաք՝ Հայաստանի, Ամիդ՝ Միջագետքի եւ Արկեսիոն Ուռհայաստանի մէջ: Ասոնց ետեւը հեռուն այնպիսի վայրեր կային, որ պաշտպանութեան երկրորդ գիծ մը կը կազմէին:

² Մենանդր անդ. ὡς τε—μή ἐγκალεῖν Πέρσας Ρωμαίους τοῦ ἐπικτιζεσθαι τὸ Δάρας.

նուհետեւ Դարասէն գործուած ամէն յարձակման ժամանակ բերդին հրամանատարը գործուած ամէն փնասուց անձամբ պատասխանատու էր (Թիւ 10)¹։ Մէկալ ամուրներուն նկատմամբ շինուածքներու քանդման խնդիր չեղաւ, բայց երկու կողմերն ալ իրենք զիրենք պարտաւորեցին, այնուհետեւ սահմանի վրայ նոր ամրութիւններ հաստատելէ ետ կենալ. դաշանց այս պայմանին հակառակ գործողութիւնը ինքնին իսկ, խաղաղութեան եղծում նկատելի էր (պայմաններուն Թիւ 8)²։ Ապա ուրեմն յէականս 441ի դաշանց դարձած էին վերստին։

Գ. Անհատուր եւ հստորդականութիւն։

Արեւելեան հռովմեական պետութեան եւ Պարսկաստանի մէջ նոյն ժամանակուան յարաբերութեանց վիճակը հասկընալու համար, պէտք է միտ դնել, որ դրացի տէրութեանց միջեւ ազատ յարաբերութիւնը նոյն ատենուան ո՛չ քաղաքական եւ ո՛չ ալ տնտեսական հայեցողութեան կը համապատասխանէր։ Հռովմայ

1 Մի նստցի ի Դարաս աւելագոյն գունդ զօրաց քան զայն, որ բաւական իցէ ի պահպանութիւն քաղաքին. եւ մի կացուսցեն անդ զհրամանատարն արեւելից եւ մի լիցին յարձակմոնք անտի կամ փաս Պարսից. ապա թէ դէպ լիցի այսպիսի ինչ, յանցանքն յաւաքնորդ անգր Դարասայ կրթին։ Στρατηγός, երբեք նաեւ στρατηλάτης, նոյն ժամանակուան լիզուի գործածութեան մէջ Magister militum ըսուածն է, ἄρχων ստորակարգ զինուորական կամ պաշտօնեայ մը. Praefectus կամ Dux.

2 Մենանդր անդ։

հրապարակական իրաւանց համեմատ սահմանը
անանցանելի կերպով փակուած ըլլալու էր
արտաքին աշխարհաց առջեւ եւ խստապահանջ
սահմանի ոստիկանութիւնը կը հսկէր, որ չըլլայ
թէ օտարներն ըստ կամի Դանուբէն կամ
Եփրատէն անցնին եւ մտնեն կայսերական սահ-
մանները¹։ Նոյն եւ նման սկզբունքներ անշուշտ
Պարսկաստան ալ կ'ընդունուէին։ Նորագոյն
գաղափարով երթեւեկութեան յարաբերու-
թիւն չկար. սահմանն անցնող օտարականին
արտաքոյ կարգի անվստահութիւն ցոյց կը
տրուէր, կը վախնային որ թշնամի տէրութեան
մը լրտեսն ըլլայ, որ իւր նիստ ու կացը կրնայ
չարաչար գործածել դրացի երկրին յարաբե-
րութիւնները լրտեսելով ի վնաս նոյն տէրու-
թեան²։ Միայն յայտնի եւ որոշ յատկու-
թեամբ կամ իբր պատգամաւոր երեւցողը կրնար
մուտք եւ յառաջխաղացութիւն յուսալ եւ այս
այն ատեն միայն, երբ իւր առաքումը դրացի
տէրութեան հաճոյ էր, եւ հասարակօրէն՝ կա-
պուած կ'ըլլար իւր ճամբորդութեան ընթացքը³։
Ներս կամ դուրս գաղթել սկզբունքով արգե-
լուած էր. շատ շատ կրնար ըլլալ, որ փախստա-
կաններ կամ հալածականներ գաղտ կամ տէ-
րութեան չտեսնելու զարնելովը սահմանէն կը
սողոսկէին եւ անստոյգ ընդունելութիւն մը կը
գտնէին։ Այսպիսի յարաբերութիւններու պատ-

1 Cod. Theod. Գ. 16. 2.

2 Պրոկ. ՊՊ. Ա. 21 (108)։

3 Cod. Iust. 4. 63. 4.

ճառաւ էր, որ երկու ազգաց առեւտուրը խեղճ
կը ձար:

Առեւտրոյ մեծ պողոտան, որ Ասիայի ներ-
սերէն, Չինաստանի եւ Հնդկաստանի արտա-
դրութիւններն ու գանձերը, գլխաւորաբար
կոչա մետաքս, համեմանք, դեղօրայք եւ պա-
տուական քարեր, Արեւմուտք կը փոխադրէր,
Պարսկաստանէն կ'անցներ¹: Պարսիկ վաճառա-
կանները հռովմէական պետութեան հետ միայն
եւ միայն միջնաշխարհեայ առուտուրը կ'ընէին.
իրենց կարաւաններով պարսիկ-հռովմէական
սահմանը կ'երթային, ուր ստիպուած էին դա-
դար առնուլ, ինչու որ միայն հոս առուտուր եւ
փոխանակութիւն տեղի կ'ունենար Արեւմուտքէն
եկող հռովմայեցի, յոյն եւ ասորի վաճառակա-
նաց հետ, որոնք փոխադարձաբար Պարսից կը
յանձնէին այն վաճառքները, զորոնք անոնք
իրենց վերադարձին հետերնին կը տանէին
իրենց երկիրը: Երկու մեծ պետութիւններու
մէջ եւ անոնցմէ դուրս ներմուծութիւնն եւ
արտածութիւնը լոկ սահմանի վրայ կը կատա-
րուէր: Ներեալ չէր Պարսկի մը իւր ապրանքը
կոստանդնուպոլիս բերել, որ մնացեալ Արեւմտից
գլխաւոր մթերանոցն էր եւ ոչ յոյն վաճառա-
կանի մը Տիգրոն երթալ կ'ըլլար: Նմանապէս
պարսկական ձեռքերու մէջ էր ծովու վրայէն

¹ Յետ վաճառաց ցուցակը Dig.ի Էջ, 39. 4 de
public. et vectig. 16 § 7. Բիւզանդացւոց առեւտուրին
վրայ տ. W. Heyd, Geschichte des Levant Handels im
Mittelalter 1879. Ch. Diehl, Justinien, 233 ff.

եղած առուտուրը հարաւային շնորհաստանէն
եւ Սէյլանէն, եթէ ճամբան վարմիր ծովէն եւ
Եգիպտոսի վրայէն չէր ընթանար. Յուստինիա-
նու քանքն ու ճիգը Եմէնի Հեմեարներու եւ
Աքսուժի եթովպական տէրութեան հետ դիւա-
նական յարաբերութիւններ մշակելու, զուտ
քաղաքական վախճաններու հետ կը ձգտէր
Պարսից ձեռքէն գոնէ մասամբ կորզել տու-
րեւաութիւնը¹:

Իսկ սահմաններու վրայ լոկ որոշ տուրեւ-
առիկ փոփոխութեան եւ միտերանոցի վայրեր
կային, որոնց վրայ հռովմէական-պարսկական
առուտուրը տեղի կ'ունենար: Հոս եւ միայն այս
վայրերու վրայ որոշեալ ժամանակին մեծ առու-
տուրներն ու տօնավաճառները կ'ըլլային եւ այն
ալ միշտ տէրութեան հսկողութեան տակ: Մաս-
նաւոր հռովմայեցի պաշտօնեաներ (comites
commerciorum) տուրեւառիկ փոփոխմանց
վայրերը ներկայ կ'ըլլային եւ տեղացի ու օտար
վաճառականներուն գործառնութեանց վրայ կը
հսկէին²: Հոգ ու փոյթ կը տանէին որ ինչ ինչ
վաճառաց համար արտածութեան օրինական
արգելքը ոտքի տակ չառնուի³ եւ կը գործակ-
ցէին նոյնպէս վաճառաց վրայ մաքս առնելու եւ
դեմոսին (արքունի գանձապետութիւն) համար
գանձելու ներմուծման եւ արտածութեան մաքսը:

¹ Պրոկ. ՊՊ. Ա. 19 (98 յջ.):

² Cod. Iust. 4. 63. 6:

³ Արգելուած էր արտածութիւնը զէնքի, իւղի,
սոկոյ եւն: Cod. Just. 4. 41. Cod. Just. 4. 63. 2.

Տերութեան մենավաճառութիւնն ըլլալով կոշտ մետաքսը՝ իրենք միայն կը գնէին զայն եւ մետաքսի գործարանները (gynaecaea) կը բանեցընէին¹:

Սահմանի վրայ կատարուած այս տուռեւառի վայրերը շատ չէին: Երբ Ներսէճ Պարսից Թագաւորը Դիոկղետիանոսէն յայլթուեցաւ, 297 դրուած խաղաղութեան դաշանց մէջ Պարսից առջեւ բացուած տուրեւառի վայր նշանակուեցաւ Միւգդոնիա գաւառին գլխաւոր քաղաքը Մծբին, որնոյն աստն Հռովմայեցւոց ձեռքն էր,² որմէ կը հետեւցընենք Թէ այլուր Պարսից դէմ կատարեալ սահմանափակ դրութիւն մը կը տիրէր: Դսկ Թէ Յովհանու 363 ըրած խաղաղութեան ժամանակ, յորում Մծբինը Պարսից անցաւ, ինչ կերպ բանեցուեցաւ, մեզի ծանօթ չէ: Հետագայ ժամանակներուն համար աւելի տեղեկութիւն կու տան մեզի ղնորիոս եւ Թէոդոս Բ. կայսերաց 408 կամ 409 — L. 4. h. t. — կարգադրութիւն մը, որ Յուստինիանեան Օրինագրոց 4. 63 հասածին մէջ առնուած է: Ենչով Պարսից հետ դրուած դաշինքի մը վրայ միայն երեք վայր ազատ կը հրատարակուին, ուր կրնան հռովմեական-պարսկական առուտուրի հաղորդակցութիւն եւ փոփոխութիւն

¹ Cod. Just. 4. 40. 2:

² Պետրոս Պարթիկ. Հակա. 14 (189). — εἶναι ὁς τόπον τῶν συναλλαγμάτων Νίσιβιν τὴν πόλιν παρακειμένην τῷ Τίγριδι. Զուր այս եղածին դէմ բողոք բարձաւ Ներսէճ:

տեղի ունենալ, այսինքն Եփրատի վրայ գտնուող
 Հռովմէական Վաղղինիկոնը¹, պարսիկ Մծբինը
 եւ Պարսից վերին իշխանութեան տակ եղող Հայ
 Երտաշատը², իսկ ուրիշ տեղեր մտնել վաճա-
 ռականութիւն ընելու վախճանաւ, խստիւ կ'ար-
 գելուի: Շարժառ/թ յայսնապէս յառաջ կը
 բերուի լրտեսութեան դէմ զգուշութիւնը: Թէ
 Հռովմէական եւ թէ պարսկական հպատակնե-
 րուն ծանր ծանր պատիժներ — վաճառաց
 գրաւում, դրամի կորուստ եւ տեւական քստոր
 — կը սպառնացուին եւ դրամական տուգանք
 կը սահմանուի նաեւ սահմանի պաշտօնէից աչք
 գոցելուն վրայ: Մտադրութեան արժանին այն
 է, որ կարգաւորութիւնը միայն Հռովմէական
 հպատակաց համար չէ, այլ նաեւ պարսիկ՝ եւ
 այս վերջիններն ալ, եթէ պետութեան մէջ ար-
 գելեալ եղանակաւ վաճառականութիւն ըրած
 տեսն բռնուին, սպառնացուած պատիժներու
 կ'ենթարկուին³: Կարգաւորութեան մէջ յիշա-
 տակուած foedusը անշուշտ 387ին Թէոդոս
 Ա.ոյ Շապուհ Գ.ի հետ դրած խաղաղութեան
 դաշինքն է, յորում Հայաստանը բաժնելու
 յայտնի միաբանութենէն զատ առեւտրական
 որոշումներ ալ բովանդակուած ըլլալու են, որոնք
 առիթ տուած են կայսերական այս կարգաւոր-
 ութեան հրատարակման: Ապա թէ ոչ բնաւ
 ամենագոյն ակնարկութիւն իսկ չկայ Պարսկաս-

¹ Պրոկ. de aed. II. 8 (230. 234):

² Հայաստանի հին մայրաքաղաքը:

³ Cod. Just. 4. 63. 4.

տանի հետ 408/9-էն յառաջ դրուած դաշինքի մը վրայ եւ նոյնին մերձաւոր խաղաղութիւնը 422ին տեղի ունեցած է,

Թէոդոսեան օրինագրոց մէջ այս կարգաւորութեան մուտ չգտնելուն պատճառն այն է, որ այս կարգաւորութիւնը կը հրատարակուի իւր գործադրութիւն ազգային իրաւական միաբանութեան մը եւ հետեւաբար ինչպէս այս միաբանութիւնը նոյնպէս ալ կարգաւորութիւնը օրինաց մեծ ժողովածոյքին չէին վերաբերեր: Իսկ Եուստինիան մասնաւոր պատճառ ունէր իւր օրինագրոց մէջ մուծանելու կարգաւորութիւնը: Ճիշդ քիչ մը յառաջ էր, որ 532ին Խոսրովին հետ մշտնջենաւոր խաղաղութիւն անուանուածը ըրած էր (տես վերը էջ 56): Այս հաշտութեան մէջ առեւտրոյ վերաբերեալ որոշումներ չըլլալով, յինքեան կ'իմացուէր որ ցայժմ արժող թէ՛ ազգային իրաւական եւ թէ՛ ազգային հնագոյն կարգադրութիւնները տակաւին կը պահեն իրենց ոյժը, եւ, ամէն տարակոյս փարատելու համար, որ արդեօք 408/9ի կայսերական կարգաւորութիւնը կ'արժէ թէ ոչ, անհրաժեշտ էր զայն մուծանել օրինագրոց մէջ: Այս պատճառաւ ալ եզրակացութիւնն ալ թերեւս ճիշդ ըլլայ, թէ այս ներմուծութիւնը կատարուած է Codex repetitiae praelectionis անուանուածին քանիցս քննութենէն ու հաստատութենէն վերջը:

Թէպէտ չէ աւանդուած մեզի, թէ յաջորդ պատերազմական տարիներու միջոցին երկու ազ-

գերուն մէջ առեւտրական յարաբերութիւնը ինչ կերպարանք ստացաւ, այսու հանդերձ կրօնանք ընդունիլ, թէ յարաբերութիւնը ամբողջապէս դադրած ըլլալու չէ, մանաւանդ թէ մինչեւ ցայժմ եղածին պէս եւ նոյն վայրերու վրայ գլխաւորաբար երկայնատեւ, գրեթէ տասնուեօթամեայ զինադադարի ատեն շարունակուած պիտի ըլլայ: Միայն թոյլ տրուած ազատ վայրերէն միոյն նկատմամբ, ինչպէս զայն առնուանել կարելի է, փոփոխութիւն տեղի ունեցած էր այդ միջոցին: Պարսկահայաստանը՝ որ Թեոդոսեան դաշինքէն վերջը սկզբան անդ իրանէն կախուած յատուկ կազմը ստացած է, 429ին իր ինքնավարութեան մնացորդն ալ տուժելէն եւ իբր պարսկական նահանգ միացուելէն վերջը, նաեւ հին մայրաքաղաքը թագաւորանիստն Արտաշատ իւր քաղաքական եւ տնտեսական նշանակութիւնը կորսնցուց: Ասոր տեղ անցած էր մօտակայ Դուին քաղաքը (*Δούβιος*)՝ իբր վարչական կենդրոն եւ նիստ պարսիկ կուսակալին կամ Մարզպանին. այս նորաստեղծ վաճառանոցի մէջ Պարսկաստանէն, Վրաստանէն եւ Հնդկաց երկրէն առուտուր ընողներ՝ արեւելեան Հռովմէական պետութենէն դիմող վաճառականաց հետ, որոնք իրենց վաճառքը հոս կը բերէին գնելու եւ փոփոխելու, քովէ քով կու գային: Ուստի տարակոյս չի մնար, որ Դուին Արտաշատի տեղն անցած է նաեւ իբր շահաստան:

1 Պրոպ. Պր. Բ. 25 (263). *Δούβιος* չ'օրա թէ երկրը եւ թէ տեղը կը նշանակէ:

Այսու ամենայնիւ վաճառականութեան
այսպէս ինչ ինչ վայրերու վրայ սահմանաւո-
րեալ ըլլալէն չէր հետեւեր, որ այլեւայլ գա-
ւառներ, ուր կարելի չէր սահմանը ճշգրիւ գծել
եւ թէ՛ այս եւ թէ՛ այն կողմը ցեղակից բնակ-
չութիւն մը կը նստէր, որոնք իրենց առօրեայ
պիտոյքը իրարմէ ստիպուած էին գտնել — իրարու
հետ իրօք սեղական մանր առուտուր չունենային:
Այսպէս Ուռհայաստանի¹ մէկ քանի մասերու
մէջ եւ խորձեանքի² մէջ, որ մասամբ Հռովմայե-
ցւոց եւ մասամբ Պարսից կը վերաբերէր:

Թէ յիսուն տարւոյ համար կնքուելի խա-
ղաղութեան մը մէջ դաշնադիրներուն առեւ-
տրական աղերսն ալ խօսքի նիւթ ըլլալու էր,
այդ երկու կողման ալ շահը կը պահանջէր,
մանաւանդ որ վերջին յայտնի կարգաւորումը
մէկ ու կէս դարէ աւելի յառաջ եղած էր³:
Սակայն Դարասի մէջ կատարուած այժմեան
բանակցութեանց մէջ բնաւ միտք չունէին նո-
րութիւններ խօթել եւ առեւտրական ու վա-
ճառք փոխադրելու հաղորդակցութիւնը իւր
սեղմեալ դիրքէն ազատել: Շատացան մինչեւ
ցայժմ եղած կացութիւնը անվթար պահելու եւ
դարձեալ զայն դաշնադրութեամբ հաստատե-

1 Պրոկ. de aed. II. 8 (231). Պարսից հետ հոն կա-
տարուած ամուսնութեանց վրայ. տ. N°v. 154 եւ Յուս-
տինոս Բ. 566ին Օրին.

2 Պրոկ. անդ III 3. (251):

3 Այսինքն 387ի բաժանման ու խաղաղութեան
դաշնաց մէջ:

լով: Այս մասին կը հային խաղաղութեան պայ-
մաններուն երեք տրամագրութիւնները. թ. 3,
4 եւ 5:

1. Ցայժմ տիրող իրաւանց կրկնութիւնն
է թ. 3ը: Ստոյգ է թէ հռովմայեցի եւ թէ պար-
սիկ վաճառականներուն եւ անոնց բեռներն ու
կարաւանները տանողներուն (πορισται) թոյլ
տուեալ է ամէն տեսակ վաճառք (կ'ենթադրուի
պահելով ներմուծման եւ արտածութեան ար-
գելքները) երկակողմանի տանելու եւ բերելու,
բայց միայն այն որոշ վայրերն ու մաքսային տե-
ղերն (δεξατευστηρια), ուր ի հնուց սովորութիւն
եղած է¹: Այս տեղերուն որոնք ըլլալը պէտք
չկար դաշանց մէջ մասնաւոր յիշելու, վասն զի
յառաջուան դաշինքներէն եւ երկարամեայ սո-
վորութենէն ծանօթ էին երկու կողման ալ: Ըստ
այսմ նաեւ ապագային համար ալ այն երեք
ծանօթ վայրերը՝ Կալլինիկոն, Մծբին եւ Դուին
(փոխանակ Արտաշատայ) վաճառականական հա-
ղորդակցութեան բաց մնացին: Ներմուծութեան
եւ արտածութեան արգելքը կարգաւորելու,
մաքսի սակագինը որոշելու, ընդհանրապէս ա-
ռեւարական որոշումներու գործադրութեան
կարգադրութիւնները ընելու համար յառա-
ջուան պէս թէ հռովմէական եւ թէ պարսկական
օրէնսդրութեան գործքը մնաց, առանց նպատակ
ունենալու մէկալ կողմը կապելու: Արեւելեան
հռովմայ համար արժէքը չկորսնցուց 408/9 ի

¹ Մենանդր 212:

այն վերը յիշուած կարգադրութիւնը եւ նոյնին մէջ յիշուած պատիժները: Իսկ *δεκατευτηριον* (տասներորդ) բառէն կրնայ հետեւցուիլ թէ երկու պետութեանց համար ալ որոշուած էր ներմուծութեան մաքսը վաճառքին արժէքին տասը առ հարիւրը:

2. Դեսպանները իրենց ազգաց իրաւանց արտօնութեան զօրութեամբ մաքսային եւ առեւտրական սահամափակումներէ զերծ էին: Այս պատճառաւ ալ յիշեալ կայսերական 408/9 ի կարգաւորութիւնը Պարսից դեսպանին ուղեկիցներն ալ յայտնապէս զերծ կացուց նոյնէն եւ ասոնց ալ հրաման տուաւ մէջը յիշուած երեք վայրերէն դուրս տեղեր ալ վաճառք առնելու եւ տալու, միայն թէ այս բանս *in fraudem legis* ըլլալու չէր¹: Այսպէս ալ այժմեան խաղաղութեան դաշանց մէջ (թ. 4) ճանչցուեցաւ դեսպաններուն իրաւունքը մաքսէ ազատ՝ վաճառք ներմուծանել, փոփոխելու վախճանաւ եւ անոնց, ինչպէս նաեւ տէրութեան սուրհանդակներուն, մասնաւորապէս երաշխաւորութիւն տրուեցաւ երկու պետութեանց մէջ վաճառքը շուտափոյթ անցընել եւ յառաջ տանիլ եւ յարգական ընդունելութիւն ու վարմունք²:

3. Արեւելեան Հռովմ եւ Պարսկաստան երկակողմանի հպատակներու հետ առեւտրական

¹ Cod. Just. 4. 64. 4. § 3:

² Մենանդր անդ:

յարաբերութեանց ժամանակ նոյն կերպով ու
հաւասար իրաւունքով կը վարուէին: Օտար ազ-
գերու վաճառականներ, գլխաւորաբար Արաբա-
ցիները, որ ըլլայ Պարսից կողմանէ հռովմէական
երկիր, ըլլայ հռովմէական կողմէն Պարսկաստան
մտնել կ'ուզէին, իրաւունք չունէին իրենց համար
ալ բուն հպատակներուն պէս վարմունք պահան-
ջելու: Սակայն Եփրատի արեւմտեան եւ հարա-
ւային արեւմտեան կողմն երկու պետութիւնները
բաժնող անապատ երկիրը՝ սահմանները խիստ
կերպով գոցել գրեթէ անհնարին կ'ընէր եւ
միշտ վստիգ հետը կը բերէր, որ գաղտագողի
ճամբաներով մաքսանենգութեամբ ապրանք
ներմուծուի, որուն վրայ դժուարաւ կրնար հսկո-
ղութիւն ըլլալ: Այս բանս եւ թերեւս նաեւ
առեւտրական ինչ ինչ ճիւղերու մէջ անհաճոյ
մրցակցութիւնը յառաջ բերին թ. 5ի մէջ հաս-
տատուածը: Ըստ այսմ՝ Արաբացիները, ըլլան
դաշնաւոր կամ ոչ — ուստի նաեւ հարաւէն՝
Եմէնէն եկողները — ինչպէս նաեւ կէս բարբա-
րոս ազգաց վերաբերողները, ուղած ճամբանե-
րով չէին կրնար երկու պետութեանց սահման-
ներուն մօտենալ, հապա միայն առհասարակ
գործածուած հաղորդակցութեան ճամբաներով.
իսկ վաճառք բերելու եւ տանելու համար հռով-
մէական կողմանէ Դարաս՝ իսկ պարսկական կող-
մանէ Մծբին բացուեցաւ, ուրիշ վայրեր լոկ
բարձրագոյն հրամանաւ կրնային մտնել: Սահ-
մանի պաշտօնէից պատուէր եղաւ այս կանոնին
հակառակ գործողութեանց եւ մաքսանենգու-

Թեանց դէմ վաճառքը գրաւել, առանց նայելու
Թէ ուսկից է այն եւ ուրիշ պատիժներ ի գործ
դնել¹:

Դ. Փոխտեսայք, գերեսայք:

Երկու պետութեանց մէջ ալ պատե-
րազմէն ի վեր շատ մը փախստականներ կը
գտնուէին որոնց մէկ մասը դասալիք էր, միւսը
այնպիսի անձինք, որ քաղաքական եւ կամ
կրօնական պատճառէ մը դուրսալ՝ Թշնամի եր-
կրին մէջ ապաւինած ու ապաստան գտած էին:
Այսպէս բիւզանդական արքունեաց մէջ ապաս-
տան գտած էր պարսիկ Նաւատ իշխանը, որ
իրբեւ գահի հետամուտ՝ Խոսրովու դէմ դաւա-
ճանութեան մը մասնակցած էր եւ յետոյ Ներ-
սէսի տակ Գոթաց դէմ պատերազմ մղեց²:

1 Մենանդր անդ. Սահմանեալ է դարձեալ. զի մի
ուրեք երբեք վաճառականաց Սարակինոսաց կամ այլոց
բարրարոսաց մուտ իցէ յերկիր տէրութեան երկրցունց
պետութեանց ընդ անսովոր ճանապարհս եւ ոչ իսկ երբեք
ընդ ծանօթականսն, այլ ընդ Մծբին եւ Դարաս երթիցն
եւ ոչ բնաւ առանց հրամանի երկուց աշխարհաց զլիաւո-
րացն: Այլ որ ժտիցին յանգգնել գործել հակառակ
այնր, որ հաստատուելն է, կամ որպէս ասի նենգել
զմաքսն, եթէ կալեալ լիցին ի սահմանակալ առաջնոր-
դացն, հանդերձ իւրեանց վաճառքն, զորս բերին, եթէ
վաճառք ասորեստանեայք իցեն, եթէ հռովմականք,
զպատիժ պատուհասին, որ օրինօքն սահմանեալ են,
կրեսցեն:

2 Կաւառ Խոսրովի երէց եղբոր Զամի (Ζάμης)
որդին էր: Պրակ. ՊՊ. Ա. 23 (115 յՆ.) կը յիշէ այն երկ-
բայութիւնը, Թէ բիւզանդիոն փախած եւ Յուստի-
նիոսէն ընդունուած անձը իրօք բուն իշխանն էր. ԳՊ.Ի

Նոյն ինքն Ներսէս, քրիստոնեայ Պարսկահայ մը, բազմաթիւ համախոհ հայրենակիցներու հետ փախուստ տալով՝ զերծած էր պարսկական իշխանութենէն եւ Բիւզանդիոնի պաշտպանութեան ապաւինած¹։ Միւս կողմանէ հայ նախարարք ալ, որոնք Յուստինիանէն ապստամբած էին, խոսրովու քով պատրաստակամ ընդունելութիւն գտած էին²։

Բոլոր այս փախտականներուն՝ խաղաղութեան դաշինքովը (թ. 6) անարգել թոյլ տրուեցաւ իրենց հայրենիքը դառնալ եւ ամէն պատժէ ազատ կացուցուեցան։ Միայն թէ այս բարերարութիւնը կ'արժէր լոկ անոնց համար, որ պատերազմի ժամանակ փախած էին. այժմ որ խաղաղութիւն սկսած էր, երկու պետութեանց երկիրներն ալ դարձեալ խիստ կերպով փափուեցան։ Անոնք որ այսուհետեւ իրենց հայրենիքը թող տալով որեւէ պատճառաւ օտար երկիր փախչել փորձէին, անպայման մերժուելու եւ դրացի տէրութեան յանձնուելու էին³։

Եթէ մեր օրերը քաղաքակիրթ երկիրներու մէջ եղած պատերազմը խաղաղութեամբ մը վերջանայ, գերեալները ետ կը տրուին ու կը փոխանակուին։ Տարբեր էր սակայն այն ժամանակները, որոնց վրայ հոս կը խօսինք։ Պարսիկ-

մէջ 26 (599) անոր Իտալիայի մէջ կատարած պատերազմական ծառայութիւնները կը յիշէ։

1 Պրոկ. ՊՊ. Ա. 16 (79)։

2 Անդ. Բ. 3 (163)։

3 Մենանդր 212

ները կարծես թէ մնաւ հոգ չէին ըներ Հռովմայեցւոց ձեռքը ինկած գերիներուն համար եւ զանոնք իրենց բախտին կը թողուին: Բեղիսարին գերածնելէն բազմութիւն մը նոյն իսկ իբր օժանդակ գունդ Գոթաց դէմ գործածուեցաւ¹. ուրիշ ամէն բանի մէջ պատերազմի գերիներու հետ կ'երեւայ թէ հռովմէական պատերազմի իրաւունքը կը բանեցուէր: Պարսիկ իրաւանց հայեցողութիւնը գերեալները թագաւորին ստրուկ կ'ընէր, որ ուզածին պէս անոնց եւ աշնոնց ուժին վրայ տրամադրութիւն կ'ընէր: Յաճախ հասարակաց աշխատութեանց, ջրանցքներու եւ ուրիշ շինութեանց կը գործածուէին կամ նաեւ հեռաւոր վայրեր կը տեղափոխուէին²: Շատ անգամ ի գործ դրուած պատերազմական սովորութիւն էր, առնուած քաղաքներուն բոլոր բնակչութեան տիրապետել, գերի վարել կամ պարսիկ հողի վրայ զետեղել. նոր քաղաքներ հիմնարկելու համար³: Այս բախտին հանդիպեցան ի մէջ այլոց Անտիոքի բնակիչները, երբ խոսրով զայն գրաւեց: Կանանց ու աղոց հետ Տիգրիսի եզերքը Տիգրոնի մօտ փոխադրուեցան եւ անոնց ցոյց տրուեցաւ վայր մը, որ հնոյն ծրագրին համեմատ նոր քաղաք մը շինեն, որ առաջնէն տարբերելու համար Ἀντιοχεια ἡ Χοσροόου կոչուեցաւ: Սակայն բնակիչներուն

¹ Պրոկ. Պղ. Բ. 19 (235), Գղ. Գ. 3 (291):

² Նեօլէիէ, Ցաբարի 32, 33:

³ Ամփանոս 20. 6. 7. Սինգարայի բնակիչները «ad regiones Persidis ultimae asportati եղան»:

քրիստոնէական կրօնը թագաւորէն պաշտպանութիւն գտաւ եւ այլուստ ալ շատ բարիք տեսան. զանոնք իւր անմիջական վարչութեան եւ իրաւաբանութեան տակ առաւ եւ զանոնք այն գաւառին սատրապէն, որուն կը վերաբերէին, ազատեց¹: Խոսքով լաւ ճանչցած էր, որ հոն բնակութիւն հաստատող Յոյները բարձրագոյն մտաւոր մշակութեան ու կրթութեան տածիչ են, ուստի ջանաց իւր երկրին ու ժողովրդեան օգտին գործածել զանոնք: Ասով յայտնի է թէ անհնարին էր որ այժմ խաղաղութեան ժամանակ այս նոր գաղթականներուն թոյլ տրուէր իրենց նոր հայրենիքը թողուլ եւ հին տեղերնին դառնալ, եթէ նոյն իսկ ուզէին, որովհետեւ պարսկական հպատակ եղած էին: Ո՛չ անոնց եւ ո՛չ ալ պատերազմի ժամանակ ուրիշ գերեւաւներու նկատմամբ խաղաղութեան դաշինքը որոշում մ'ունէր:

Ե. Հատուցման պահանջներ:

Երկու ժողովրդոց սահմաններուն վրայ բնակողներուն մէջ եղած կռիւները եւ նոյնին հետեւութեամբ հանդիպած անձանց վիրաւորումներ ագարակաց եւ արջառոց վնաս հասցընել եւն, նոյն տեղերու սովորական պատահարներու կարգէն էին, ինչպէս նաեւ այս պատճա-

¹ Պրոկոպիոս ՊՊ. Բ. 14 (214), որուն հետ կը համաձայնին արեւելեան աղբիւրները՝ Յաբարի (Նեոլոգիկէ) 165 Ֆիրդուսի 6, 168: Քրիստոնէութեան ընդունելութեան վրայ տ. Թեոփիլ. Ե. 6-7 (200):

ուս յարուցուած գանգաւներն ու պահանջները: Հասարակաց խաղաղութեան համար աւելի վտանգաւոր էր, եթէ ամբողջ հասարակութիւններ, ինչպէս մէկ պետութեան վերաբերող քաղաքներ կամ գիւղեր¹ իրենք իրենց հաշուին յարձակումներ ընէին, արշաւանքներու եւ վրէժխնդրութեան ելլէին մէկալ պետութեան վերաբերողներու դէմ. վասն զի այս պատճառներով դիւրաւ կրնար պատերազմի հրդեհը բորբոքիլ: Այսպիսի պատահարներու առջեւն առնուլ գրեթէ անհնարին էր՝ սահմանի բնակիչներուն խռովայոյզ նկարագրին պատճառաւ: Այս էր պատճառը որ խաղաղութեան կը ջանային, ազգային իրաւական համաձայնութիւններով կ'աշխատէին բառնալ Գոնէ Նոյն փնասները՝ խաղաղական կերպով խնդիրը յատուկ գործելու կերպով մը լմնցընելով: Որովհետեւ այդպիսի պահանջներ անկարելի էր որ սովորական դատաստանի ճամբով լմնային, ըստ որում հոս խնդիր էին զանազան ազգութեանց մէջ հղած վէճերը եւ ամենեւին ճանչցուած չէր, որ օտարը այն հաւասար իրաւունքն ունենար իւր իրաւունքը պաշտպանելու մէջ, ինչ իրաւունք որ ունէր բնիկը: Գոնէ հռովմէական իրաւունքը չէր ընդունիր, որ բարբարոսը *civis Romanus*ին ունեցած իրաւունքը վայլէր: Նոյն իսկ եթէ ընդունինք ալ, Անտոնիոս Կարակաղղա կայսեր ձեռքով *orbis Romanus*ի

¹ Մենանդր *πόλις* բառը կը գործածէ. զոր սակայն ընդարձակ իմաստովն առնելու է:

մէջ բոլոր ազատներու քաղաքացիական պատիւ տրուելով՝ օտար ազգաց վերաբերողները իբր Peregrini նկատուէին¹, այսուհանդերձ այս բանս միայն անոնց համար իմանալու է, որոնք պետութեան մէջ հաստատուած էին եւ ոչ թէ ամէն որեւիցէ ոչ Հռովմայեցւոյ, Շատ անհաւանական է, որ Հռովմայեցի դատաւոր մը թոյլ տար սահմանէն դուրս բնակող Պարսիկի մը Հռովմայեցի քաղաքացւոյ մը դէմ ամբաստանութիւն ընել եւ լսելի ըլլալ: Իսկ ասկէ աւելի անհաւանելի է, որ Հռովմայեցի մը Պարսիկի մը դէմ իւր գանգատը պարսիկ պաշտօնեայի մը մատուցանելու ելլէր: Ահա այս պատճառաւ ինքնին մէջտեղ կ'ելլէր միջազգային միաբանութեանց պէտքը այսպիսի կռիւներու դէմ: Խաղաղութեան դաշինքին թ. 7 եւ թ. 11 պայմանները այն յարաբերութեանց կարգաւորութեան վրայ են, որոնց վրայ հոս խօսեցանք:

1. թ. 7. Ար հայի անհատի ընդդէմ անհատի յարուցած փնտու պահանջներուն: Նախ տեղւոյն բնագիրը դնենք եւ ապա տանք մեկնութիւնը²:

Z' μέρος τῶν σπονδῶν, ὥστε τοὺς ἐπερχαλοῦντας περὶ τοῦ σίνεσθαι τι σφραῖς τοῦς ἀντιπολιτευομένους δίχῃ τέμνεσθαι τὸ φιλονεικούμενον, ἢ δὲ ἑαυτῶν τῶν τὴν βλάβην πεπονθότων ἢ δὲ οἰκείων ἀνθρώπων ἐν τοῖς μεθορίοις

¹ Ինչպէս Mitteis. Reichsrecht und Volksrecht 160 ff. Կ'ընդունի:

² Մենանդր 212:

παρὰ τοῖς ἀρχουσιν ἑκατέρας πολιτείας ξυνιόντων· οὕτω δὲ τὸν ζημιώσαντα ἀχέσασθαι τὸ σκάζον. (Է. մասն դաշանց, զի եթէ որ բողոք բառնայցէ, եթէ փնաս ինչ հասեալ իցէ ինքեան ի հակառակորդ կողմանէ անտի պետութեան իւրոյ, արդարութեամբ վախճան դիցի վիճին կամ յայնցանէ իսկ՝ որ զփնասն կրեցին կամ ի մասնաւոր անձանց, որ ի սահմանագլուխս ի մի ժողովեալ իցեն ընդ իշխանս երկոցունց պետութեանց. եւ որոց փնաս ինչ հասուցեալ իցէ դարմանեսցեն զփնասն:)

Եթէ բողոք բարձուի, որ մէկ պետութեան վերաբերողները հակառակորդ պետութեան հպատակէն փնաս կրած են, կռուոյ առարկան ըստ օրինաց ու պատշաճից կարգի դրուելու է եւ փնասողին օճիքէն բռնելու է փնասին հատուցումն ընելու համար: Այս բանս կրնայ ըլլալ. կամ անձամբ անոնց ձեռքով, որ փնասը կրած են (ὅι ἐαυτῶν τῶν եւ այլն), կամ մասնաւոր անձնաւորութեանց ձեռքով (ὅι οἰχεῖων ἀνθρῶπων), որոնք սահմանի վրայ տեղ մը՝ երկու պետութեանց հոնտեղի բարձրագոյն պաշտօնէից հետ՝ խնդիրը քննելու եւ կարգադրելու համար կը ժողվուին:

Հետագայ դիտողութիւնները լուսաւորութեան համար կը կարգենք:

Δίχη τέμνεσθαι կերպական դատ վարել չի նշանակեր, ասով լոկ կը յայտարարուի, որ խնդիրը իրաւանց ու արդարութեան համապատասխան իրաւընտրութեամբ պիտի կարգա-

դրուի խաղաղօրէն եւ այն կ'արժէ երկու ճամբով ալ, զոր վնաս կրողները ազատ են իւրաքանչիւր դէպքի մէջ ընտրելու:

Արդ ի՞նչպէս ըմբռնելու է առաջին կարելութիւնը, որ կը բացատրուի ծի *ἐναυτῶν*ով եւն: Թէ այս պարագայիս մէջ վերջը յիշուած *ἄρχοντες*ներն ալ գործակցութիւն պիտի ունենային անկարելի է նոյն իսկ լեզուական տեսակէտով: Իմ կարծեացս համաձայն ասով կրնայ իմացուիլ թէ վնաս կրողներն անձամբ խնդիրը ձեռք առնուին եւ առանց պաշտօնական անձնաւորութեանց գործակցութեան անընդմիջաբար վնասողներուն հետ յարաբերութեան մտնէին, որպէս զի ըլլայ առանձնական ճամբով, ըլլայ իրաւախոհութեամբ, ապահովացում տալով կամ ուրիշ միջոցներով իրենց հատուցման պահանջին լրացումն ստանալ փորձէին: Այս ճամբուն ցոյց տրուիլը կրնայ աւելորդ համարուիլ, սակայն մտածելու է, որ հատուցումն իրագործելու ժամանակ օտար պետութեան օգնութիւնը կը պահանջուէր եւ թէ ասով լռելայն նոյնին շնորհուիլը կ'ապահովուէր:

Երկրորդ ճամբան հետաքրքրական օրինակ մը կու տայ միջազգային իրաւախոհ ատեանի մը. թէ այսպիսի ատեանի մը վըայ է խնդիրը տարակոյս չի վերցընիր: Իրաւընտիր ատեանը խառն ատեան մըն է թէ՛ ըստ ազգայնութեանց եւ թէ՛ մասնակցողներու կողմանէ: Կը կազմուի երկու պետութեանց պաշտօնականներէն ու իրաւընտիր անձինքներէն: Առաջինները խնդրոյ տակ

եղող սահմանագաւառներուն աւագներն են, ուստի հռովմէական կողմանէ Praeses provinciae կոչուածը կամ անոր հաւասարակից գաւառական բարձրագոյն պաշտօնեան. իսկ պարսկական կողմանէ սատրապը (մարզպան)։ Ἀρχοντες բառը ստորնագոյն տեղական առաջնորդները ի բաց կ'առնու, անշուշտ անոր համար, վասն զի կարելի չէր վստահիլ անոնց եւ տալ այն ճոխութիւնը, որ հարկաւոր էր։ Իրր իրաւընտիր անձինք ընտրուելու էին οἰχεῖοι ἄνθρῳποι, այսինքն երկու ազգերուն վերաբերողներէն անոնք, որ սահմանի վրայ կը նստէին եւ որոնք գործին համար պահանջուած հմտութիւնը ունէին¹։ Այս է հոս οἰχεῖοςի նշանակութիւնը. ընտանեաց անդամի վրայ, ինչ որ ալ նշանակէ, չի կրնար խօսք ըլլալ։ Իսկ թէ ո՞վ պիտի ընտրէր իրաւընտիր անձինքը եւ որչափ ըլլալու էր անոնց թիւը, ըսուած չէ։ Միայն թէ ξυνείοντων եւն ասութեան կերպէն կը հասկըցուի, որ պաշտօնեաները չէ որ զանոնք կ'անուանեն։ Ամենէն հաւանականն այն է, որ ուղղակի դատ վարողները իրաւունք ունէին երկու կողման համար առաջարկել հաւասար թուով մարդիկ եւ զանոնք ընտրել։ Դատաւարութիւնը այնպէս ըլլալու է, որ երկու պաշտօնէից կ'իյնար, իրր իրաւընտիր ատեանին նախագահներու, դատին բանակցութիւնները վարելը, իսկ իրաւընտիրներուն՝ որոշել նկատի առնուած խնդիրները, գլխաւորաբար փնասի հատուցման չափին բարձրութիւնը։

¹ Boni viriներու նմանութիւն։

դատաւիճիւնը կտրուելու ժամանակ երկու գործիչներն ալ գործակից եղած ըլլալու են. բայց վիճիւնը տրուելու ատեն խնդիրն այնչափ իրաւունքը խիստ կերպով գործադրելու վրայ չէր (որ նիւթական իրաւունքը պէտք էր գործածուիլ) որչափ դատաւիճիւն մը ex aequo et bono. Գործադրութիւնը այն պաշտօնէին կ'իյնար, որուն իրաւաբանութեան տակ կ'երթար դատաւար տեալը:

2. 117 պայմանին բնագիրը, որ յիշեալ երկրորդ դատաւարութեան տակ գացող դէպքերուն նկատմամբ է, հետեւեալն է¹.

Μία πρὸς τῇ δεκατῇ τῶν σπονδῶν βεβαίωσις· ὥστε εἰ πόλις ἑτέραν ζημιώσῃ πόλιν ἢ ὕπασσούν διαφθείρει τι τῶν αὐτῆς μὴ τῷ νόμῳ τοῦ πολέμου μήτε μὴν δυνάμει στρατικῇ, ἄλλως δὲ δόλῳ τινὶ καὶ κλοπῇ· εἰσὶ γάρ τοιιοῖδε τινὲς ἀνασιουργοὶ οἱ ταῦτα πράσσοντες, ὡς ἂν πολέμου ἔσοιτο πρόφασις· ἐβεβαιώθη τοιγαροῦν τὰ τοιουτότροπα ἀναζητεῖν ἐς τὸ ἀκριβὲς καὶ ἐπανορθοῦσθαι τοὺς δικαστὰς τοὺς ἐν τοῖς πέρασιν ἑκατέρας πολιτείας ἰδρυμένους.

Ἐι δὲ γὰρ αὐτοὶ οὐκ ἔσονται ἱκανοὶ ἀναστέλλειν τὰς πρὸς ἀλλήλους τῶν ἀστυγεϊτόνων φθορὰς, ἐστέρχθη ὥστε τὴν διαδικασίαν ἀναπέμπεσθαι ὡς τὸν τῆς ξω στρατηγὸν, ὡς εἰ γὰρ εἴσω μηνῶν ἕξ μὴ τμηθεῖη τὸ τῆς ὑμῖλλης καὶ ὁ ζημωθεὶς μὴ λήψεται τὸ ἀπολωλὸς, τὸν

ἀδικήσαντα λοιπὸν ἐπὶ πρηνῇ ἐς τὸ διπλάσιον
τῷ ἡδικομένῳ εἶναι ὑπεύθυνον.

Ὡς εἶγε μὴδὲ οὕτω πέρας ἔξον, διετυ-
πώθη τὸ πονοῦν μέρος πρεσβείαν στέλλειν ὥς
τὸν βασιλέα τοῦ ἡδικοχότος· εἶτα εἰ μὴδὲ ὑπὸ
τοῦ βασιλέως γενήσεται οἱ τὸ ἀποχρῶν καὶ
διπλοῦν τὸ ὀφληθὲν ἀναλήψεται κατὰ τὸ ὠ-
ρισμένον ἐντὸς ἐνιαυτοῦ, ὅσον ἐπ' ἐκείνῳ τῷ
δόγματι διαλελύσθῃ τὰ τῶν σπονδῶν.

(Եւտասաներորդ պայման դաշանց հաս-
տատի. զի եթէ մի ի քաղաքաց հասուցէ փնաս
այլում քաղաքի կամ որով եւ պէտ օրինակաւ
աւերեսցի ինչ ի սորայոց, ոչ ըստ օրինաց պա-
տերազմի եւ ոչ զօրութեամբ զինուց, այլ դա-
ւով եւ յափշտակութեամբ, քանզի են իսկ այն-
պիսիք ոմանք չարագործք, որ զայսպիսիս գործեն,
յորոց յառաջ գայցեն պատճառանք մարտից
պատերազմաց, աստի հաստատեալ կարգեցաւ,
զի այսպիսի իրք քննեսցին ճշդիւ գտակաւ եւ ի
դատաւորացն՝ որ նստիցին ի սահմանս երկուց
պետութեանցն, ուղղեալ յարդարեսցին:

(Այլ եթէ սոքա չիցեն բաւականք արգե-
լուլ զփոփոխակի փնաս սահմանակից քաղաքացն,
սահմանի, զի վէճն դիցի առաջի զօրավարին
արեւելից, որոյ եթէ ի ժամանակի վեցից ամսոց
ոչ հատեալ իցէ զվճիռն, մարձեալ զկազն եւ
զկռիւ եւ որ տուժեացն ոչ ընկալցի անդրէն զոր
կորոյս, յայնժամ, որ պարտապանն է պարտաւոր
լիցի հատուցանել զկրկնապատիկն:

(Եթէ եւ այսու չլինիցի վախճան, կարգեմք, զի կողմն որ զրկեալ իցէ, հրեշտակս արձակեսցէ առ ինքնակալն այնր կողման, որ բռնադատեալ է. եւ եթէ թագաւորն ոչ հատուցէ զփնասն եւ չդարձուցանիցէ զկրկինն մինչեւ ցամախ, ամենեւին իսկ եղծեալ համարեսցին դաշինքն:)

Ապա ուրեմն հոս միաբանութեամբ պատուէրներ դրուած են, թէ ինչպէս վարուելու է եթէ հասարակութիւն մը (πόλις ընդարձակ մօօք առնելու է, ինչպէս վերն ըսուեցաւ) միւս պետութեան հասարակութենէ մը՝ պատերազմ չեղած ատեն, ուստի խաղաղութեան ատեն յարձակում կրէ եւ իրեն կամ իւր բնակչաց որեւէ փնաս հասցընէ: Այսպիսի կռուի առիթները խափանելու եւ փնաս կրողին հատուցում ընել տալու համար, ազգային իրաւական դատավարութեան զարմանալի եղանակի մը վրայ միաբանուած է երեք իրարու յաջորդող աստիճաններով:

—) Նախ եւ յառաջ սահմանագաւառներու երկակողմանի դատաւորները որոշուած են, որպէս զի միաբան քննեն ու վճռեն այսպիսի դէպքեր: Նաեւ հոս ուրեմն միջազգային իրաւընտիր ատեան մը գոյութիւն ունի: Սակայն մինչդեռ Թ. 7ին համաձայն բարձրագոյն կարգի գաւառական պաշտօնեաները (ἄρχοντες) կը

1 Ինչուչաւ εἶσι γὰρ τοιοῖθε — πρὸφασις միջանկեալը (Passus) դաշնաց արձանագրութեան մէջ չկար. Բեանդրի կամ իւր գործածած Պետրոսի դիտողութիւնն է:

սահմանուին, հոս դատաւորական տեղական իրաւասու մեծերն (δικασταί) են, որ խառն իրաւընտիր ատեանը կը կազմեն, մէկ հսովմայեցի եւ մէկ պարսիկ պաշտօնեայ:

Դատաւարութիւնը իւր պաշտօնական տեղեկատու նախաքննութիւն նկատելու է. անպաշտօնական իրաւընտիրներու մասնակցութիւնը, ինչպէս Թ. Դի դէպքերու մէջ կար, հոս անոր համար չկայ թերեւս, որ հոս խնդրոյն մասնակիցները ոչ թէ անհատ անձինք են, այլ հասարակութիւններ եւն: Բայց շեշտելու պէտք չկայ, որ դատաւորները իրենց տեղեկութեանը համար ազատ էին իրազեկ անձինք եկակոչ ընել եւ լսել: Վճռոյն վրայ, որով յանցապարտութեան եւ վճարելի հատուցման չափը պիտի որոշուէր, դատաւորները միաբան խորհրդակցութեամբ միաբանելու էին:

բ) Եթէ դատաւորները վճռոյն վրայ չկարենան միաբանիլ եւ կամ ուրիշ որեւէ գծուարութիւն ծագած ատեն՝ զորոնք լուծելու ատակ չեն (οἱ ἄεσονται ἱκανοί), այն ատեն գծաւորութիւնը — διαδικοσία¹ — ի պաշտօնէ Արեւելքի զօրաց մագիստրիանոսին (Magister militum Orientis, ὡς τὸν τῆς Ἑω στρατηγόν) առջեւ դրուելու եւ անկէ վճռուելու է²: Ասիկա խնդիրն այնպէս փու-

¹ Διαδικοσία հոս չունի այն արուեստական նշանակութիւնը, ինչպէս յունական դատաւարական լեզուին մէջ:

² Թէ դատաւորներուն ձեռքով փոխանցումը ex officio կ'ըլլար, յայտնի է ἀναπέμπεσθαι բառէն:

Թացընելու էր, որ փնաս կրողները ամենէն ուշ վեց ամսուան ժամանակամիջոցի մէջ իրենց իրերն ստանան: Եթէ այն ժամանակամիջոցին մէջ իրենց գոհացում չտրուի — եւ այս ձգձգումը վերագրելի է հակառակորդ կողման եւ ոչ թէ Արեւելքի զօրաց մագիստրիանոսին — այն ատեն յանցաւոր մասը պէտք է ի պատիժ՝ դատապարտուի հատուցման գումարին կրկինը վճարելու եւ առ այն բռնադատուի, ἐπὶ ποινῇ ἐς τὸ ὀπίλᾳσιον¹: Շատ զարմանալի եւ թերեւս իւր տեսակին մէջ եզական երեւայ, որ բարձրաստիճան Հռովմայեցւոյ մը իշխանութիւն տրուի որոշիչ վճիռ տալու: Սակայն ասոր ընտրութիւնը Պարսից կողմանէ իբր բարեացակամութեան եւ վստահութեան նշան համարելու չէ: Արեւելքի զօրաց մագիստրիանոսին անձին վրայ միաբանիլն այն պատճառաւ եղած է, որ ասիկա իբրեւ վերին հրամանատար եւ բարձրագոյն քաղաքական պաշտօնեայ, Արեւելքի վիճակին մէջ առանձնական գաւառներուն կուսակալներուն մեծն էր եւ իբրեւ կայսեր փոխանորդ — *vice sacra* — գրացի պարսիկ երկրամասերուն սատրապներէն աւելի բարձր դիրք մը կը գրաւէր: Իրաւընտիր ատեանը նոյն իսկ իր անձին հանդէպ կը պահէր նկարագիրը. վասն զի ինքը վճիռը կ'արձակէր ոչ թէ իբր գերագոյն դատաւոր, այլ ստորակարգ իրաւընտիր դատաւորներու իբր գլուխ, այսպէս ըսելու համար, իբր անոնց վերին դա-

¹ Ակամայ մարդուս միտքը կու գայ հետեւեալ ասացումով. *lis crescit in duplum*.

տաւորը. *εἰ — μὴ τμηθῇ τὰ τῆς ἀμύλλης ἰσο-*
*πέρη*ը տարակուսի տեղի չեն թողուր:

Թէ Արեւելքի զօրաց մագիստրիանոսը
իւր դատաւճիռը միայն իւր պետութեան մէջ
գտնուող եւ ոչ թէ պետութենէն դուրս ապրող
Պարսիկներուն համար կրնար արձակել, դաշանց
պայմանին մէջ ըսուելու պէտք չկար, վասն զի
յինքենէ կը հասկըցուի:

Է) Արնային սակայն այնպիսի դէպքեր հան-
դիպիլ, որ խնդիրը ոչ «)ի եւ ոչ ալ Բ)ի ճամ-
բով լուծուէր. այսպէս գլխաւորաբար երբ դա-
տաւճիռը գծուարութեանց բախէր, վասն զի
օրինակի համար դատապարտեալին վրայ իրաւա-
բանական իշխանութիւն չունենային դատաւոր-
ները կամ Արեւելքի զօրաց մագիստրիանոսը:
Այսպիսի դէպքերու մէջ փնաս կրող մասին (*τὸ*
πονοῦν μέρος) վերջին ճամբայ մ'ալ ցոյց կը
տրուէր, այսինքն գիմել երկու ինքնակաշնորհ
անոր, կայսեր եւ արքայից արքային, որուն հպա-
տակ է յանցաւոր կողմը: Իսկ այն որ օգնութեան
կը կոչուի, պարտական է յանցաւորը բռնու-
թեամբ ստիպել իւր պարտաւորութիւնը կատա-
րելու, այսինքն լի եւ լի հատուցում եւ մանա-
ւանդ կրկնաւճարը ընելու փնասուածին եւ այն
ալ առ առաւելն մէկ տարուան ժամանակամի-
ջոցի մէջ, ապա թէ ոչ օգնութեան գլացման
կամ յապաղման հետեւելու է խաղաղութեան
եղծումը: Այսպէսով երկու դաշնադիր ինքնա-
կաշնորհ երաշխաւորութիւն յանձն կ'առնուին
ազգային իրաւական օգնութիւն մատուցանելու:

Սակայն երկու վեհապետներէն մէկուն կամ միւսին միջամտութիւնը չկարծուի, որ իբր թէ դատին վերջին եւ բարձրագոյն վճիռը տալու եւ կամ շնորհք մ'ընելու համար է: Վասն զի ըլլայ առաջին իրաւընտիր ատեանին, ըլլայ Արեւելքի զօրաց մագիստրիանոսին տուած վճիռը, նիւթական վերաքննութեան ենթարկել երբեք տեղի չէր ունենար: Մանաւանդ թէ պատկանեալ տեղւոյն իմաստէն, *ὁπλοῦν τὸ δφλγθέν*, խօսքերէն եւ պարտապան կողման իբր *ῥόειχχως* կուչուելէն կը հետեւցուի, որ վճիռը վերջնականապէս կտրուած է եւ խնդիրը այն չէ որ նոյնին դէմ կուի բացուի, այլ միայն ի գործ դրուի: Վնաս կրողներն այս պատճառաւ պատկանեալ ինքնակալին արդարութեան իշխանութեան չեն դիմեր, այլ անոր գործադրելու իշխանութեան, որով արդէն իսկ կապող վճիռը պիտի իրագործուի:

2. Դաշանց սպանութեան մասին:

Պարսիկ սովորութեան ալ համաձայն էր ազգային իրաւական դաշինքներուն պահպանութեան համար մասնաւոր ապահովացումներ տալ: Ամիրանոս եւ Պրոկոպիոս կը յիշատակեն, որ դաշինքն ապահովելու համար երբեմն պատանդներ կը տրուէին, որոնք նոյնին գործադրութենէն վերջը կը փոխանակուէին¹: Սովորութիւն էր նաեւ երդմամբ հաստատութիւն տալ: Այսպէս

¹ Ամիրանոս ԻԵ. 7. 13. Պրոկոպ. ՊՊ Ա. 21 (111).

Յովհաննոս կայսեր, եւ Շապուհ Բ. Թագաւորին մէջ դրուած ամօթալի խաղաղութեան ժամանակ¹։ Պրոկոպ Եռասփնիանու բերանը խոսրովու դէմ կշտամբանք կը դնէ, 532ի մշտնջենաւոր կոչուած խաղաղութիւնը չպահելուն համար, եւ այս կշտամբութիւնը ուրիշ տեղեր ալ կը կրկնէ²։ Բայց որովհետեւ ապացոյց չկայ թէ խոսրով յիշուած խաղաղութիւնը պահելու երդում ըրած ըլլայ — նոյնը կանեւ Եռասփնիան ըրած ըլլալու էր, — ուստի հոս ալ կ'երեւայ թէ Պրոկոպ իւր Պարսից Թագաւորին դէմ ունեցած հակակրօններէն մղուած կ'ուզէ հաստատել այն՝ զոր չի կրնար ապացուցանել։

Դարասի մէջ դրուած խաղաղութեան դաշինքը մեզի հասած տեղեկութեանց նայելով՝ թէպէտ երկու ինքնակալներէն երդամամբ հաստատուած չ'երեւար, բայց լիազօրները պատշաճ համարած են նոյն դաշանց կրօնական ոյժ մը տալ, որ նոյնչափ զօրաւոր էր։ Դաշինքին թիւ 12ին մէջ խաղաղութիւնը ըստուածութեան պաշտպանութեան կը յանձնուի, որմէ կը խընդրուի եւ կը թախանձուի, որ դաշինքը յարգող կողման սիրով ու խնամքով օգնական ըլլայ, իսկ դաշինքէն շեղողին թշնամի եւ հակառակորդ հանդիսանայ³։ Կրօնական տարբերութեամբ

¹ Ամփանոս անդ "foederata itaque pace eaque iurisiurandi religionibus consecrata..,"

² Պրոկոպիոս ՊՊ. Բ. 5 (170). Բ. 10 (190). Վասն շինութ. Բ. 10 (137)։

³ Թեոֆան 213։

հանդերձ հոս ընտրուած ձեւով կրցան երկու կողմերն ալ իրենք զիրենք կապուած համարիլ: Վասն զի եթէ կոչուած Աստուածութիւնը Հռովմայեցւոց համար քրիստոնէից Աստուածն էր, Պարսից համար ալ իրենց յարգած բարձրագոյն էակը՝ Արամազդն էր:

Եթէ այս կրօնական ապահովացումը պարզապէս մասնակիցներուն խղճին թող կը արուէր, մայց ուրիշ ապահովացում մը աւելի գործնական արժէք մ'ունէր: Երկու դիպաց մէջ դաշանց որոշմանց վրայ աւելցուած էր բեկիչ յագուածը, որուն համաձայն եթէ այս մասնաւոր պայմաններն չպահուէին՝ անպատճառ յաջորդելու էր դաշանց եղծում եւ խաղաղութեան բարձումը եւ ասով նաեւ միւս դաշնադիրը *ipso iure* կ'ազատէր իւր դաշանց մէջ ստացած պարտաւորութիւններէն, զ. օ. տարեկան վճարքներէն: Այս ազդեցութիւնը կ'ունենար դաշինքը, երբ նոր ամրութիւններ կանգնելու արգելքը ոտքի տակ առնուէր (Թ. 8)¹, եւ երբ այն ինքնակալը՝ որուն կը դիմուի ըստ Թ. 11ի դէպքերու, փնաս կրողին մէկ տարուան մէջ հաստուցում ընելու, իւր պարտքը չի կատարեր²: Ստոյգ է խաղաղութեան հիմունք կազմող գլխաւոր պայմաններուն ապահովացման համար բեկիչ յոգեւածի մը պէտքը չկար, վասն զի

¹ Անդ 212. — καὶ ἐκ τούτου διαλυθῇσονται αἱ σπονδαί.

² Անդ Ծօսոն ἐπ' ἐκείνῳ τῷ δόγματι διαλελύσθω τὰ τῶν σπονδῶν.

ասոր կատարումէն կախում ունէր խաղաղութեան արժեքը կամ չարժեքը, սակայն մէկալ պայմաններուն համար այս յօդուածին պակասութիւնը այն նշանակութիւնը ունէր, որ նշնին բռնաբարումով անպատճառ խաղաղութիւնը աւրուած համարուելու չէր:

Է. Քրիստոնէից համար առանձին դաշինք:

Խաղաղութեան այն դաշինքին հետ զոր վերը տեսաւք, առանձին միաբանութիւն մ'ալ եղաւ, որ պարսիկ քրիստոնէից վիճակին ու անոնց հանդէպ ինչ վարմունք ցոյց տալու վրայ էր¹:

Պարսկաստանի մէջ քրիստոնէից թիւը քիչ չէր. ասոնց բնակավայրն էր Պարսկահայաստանէն զատ, գլխաւորաբար ասորա-արամէական երկրամասերու մէջ եւ Սուսիանա, ըստ այսմ պետութեան մայրաքաղաքներու մօտերը: Ասոնց կացութիւնը շատ խեղճ էր. ժամանակին ինքնակալին առաւել կամ նուազ հանդուրժողութենէն կախուած էր: Հաւատքով, աշխարհայեցողութեամբ եւ բարքով Մազդեզականներէն բոլորովին անջատուած՝ ոչ միայն ժողովրդեան հակակրութենէն կը կրէին, այլ եկամուտ (Proselyt) վաստըկելու իրենց ջանքերով — որ պարսկական օրինաց բոլորովին հակառակ էր — այլ նաեւ իրենց վարմանց մէջ ցոյց տուած ան-

¹ Պարսկաստան պտնուող քրիստոնէականներուն վրայ. Spiegel, Eran. Altertümer, 3, 719 ff.

խոհեմութեամբ եւ անհանդուրժողութեամբ
 տիրող մոլեռանդ մոգերու դասին ատելութիւնն
 ու հալածանքը կը գրգռէին¹։ Արքայից արքա-
 ներուն համար ծանրակշիռ քաղաքական շար-
 ժառիթ մ'ալ կար։ Քրիստոնէութիւնը հռով-
 մէական պետութեան մէջ տերութեան օրէնք
 ճանչցուելէն ի վեր, պարսիկ քրիստոնեաները
 Հռոմի կամ Բիւզանդիոնի իշխողները իրենց
 բնական պաշտպաններն սկսան համարիլ եւ
 ինչպէս որ եկեղեցական խնդիրներու մէջ
 անոնցմէ կախուած կը նկատէին իրենք զիրենք,
 այսպէս ալ իրենց նեղութեան ատեն կայսերա-
 կան կառավարութեան կը դիմէին եւ անկէ կը
 խնդրէին ու կը սպասէին գործնական օգնութիւն։
 Անդին Սասանեանք, որոնք իրենց աւատ տէ-
 րութիւններուն Հայաստանի, Արաստանի եւ
 Աղուանքի քրիստոնեայ ըլլալը մեծ վտանգ կը
 համարէին իրենց հոն ունեցած ազդեցութեան,
 առանց հիման չէր, որ իրենց բուն քրիստոնեայ
 հպատակներուն դէմ, ասոնց իրենց արեւմտեան
 դրացւոյն հանդէպ ցոյց տուած միտութեան
 պատճառաւ, մեծ անվստահութիւն սկսան ու-
 նենալ եւ զասոնք՝ մանաւանդ կայսերաց հետ
 գժտութեանց ժամանակ վտանգաւոր մատնիչ-
 ներ կը նկատէին։ Ինչ ինչ կայսրներու — այս-
 պէս արդէն Կոստանդիանոս Մեծին, եթէ եկե-
 ղեցական պատմիչներու առ Շապուհ Բ. յիշա-

¹ Թեոդորեոս, Եկեղ. Պտմ. 5. 39. Արքաա եպիս-
 կոպոսին ձեռքով ատրուշանի մը կործանումը կը պատմէ.
 Թեոփանէս 82։

տակած Թուղթը վաւերական է¹ — քրիստոնէական կրօնին հանդէպ հանդուրժողութիւն ցոյց տրուելու համար միջամտութեան փորձը արքայից արքաներէն գէշ մտքի կը տարուէր, ոչ նուազ՝ երբ կայսրները հռովմէական պետութեան մէջ ապաւէն գտած քրիստոնեայ փախստականները Պարսից մատնել չէին յօժարեր²։ Այս պարագաները իբր պատճառներ յառաջ բերին այն խիստ հալածանքները, զորոնք հինգերորդ դարու մէջ Պարսկաստանի քրիստոնեաները կրեցին³, ինչպէս նաեւ հաւատոյ այն արիւնահեղ պատերազմները, որոնց ասպարէզն եղաւ պարսիկ պետութեան կցուած Պարսկահայաստանը, որպէս զի քրիստոնէութիւնը ջնջելով՝ գոնէ այս երկիրը վերստին հին իրանեան կրօնին դարձընել կարելի ըլլար⁴։

Երբ յետոյ հինգերորդ դարուն վերջերը պարսիկ քրիստոնեաներուն մեծ մասը՝ եկեղեցիէն Նեստորի իբր հերետիկոսական մերժուած վարդապետութիւնն ընդունեցաւ եւ ուղղափառներէն բաժնուած առանձին եկեղեցի մը կազմեց, ասով Բիւզանդիոնէն յառաջ եկած բաժանումը արքայից արքաներուն սրտին ուղածն էր։ Հայ

¹ Այս կարծեցեալ նամակը նախ Եւսեբիոս կը յիշատակէ, վարք Առատ. Դ. 9։ Յետոյ Թէոդորեոս, Եկեղ. Պատմ. Բ. 25 եւ Սողոմոնոս, Եկեղ. Պատմ. Բ. 15։

² Սոկրատէս, Եկեղ. Պատմ. Է. 18, Թէոդորեոս, Եկեղ. Պատմ. Ե. 39, Թէոփանէս 85։

³ Հապոունհ Բ.ի, Յազկերտ Ա.ոյ եւ Վաւամ Ե.ի ատեն հալածանքներուն համար հմտ. Նէօլդեկէ, Տարարի 68. 75. 98.

⁴ Spiegel, Eran. Altertümer 3, 723 ff.

եկեղեցւոյ եւ Յուստինիանէն նպաստաւորուած Միաբնեաներուն հակառակ, Նեստորականները պարսիկ ինքնակալներուն բարեացակամութիւնը կը վայլէին եւ չենք լսեր թէ բուն Պարսկաստանի մէջ Վաւատի եւ Խոսրովի կառավարութեան ժամանակ քրիստոնէից դէմ հալածանք ելած ըլլայ: Խոսրով ինքնին մոլեհանդ մազդեզական չէր եւ ոչ ալ քրիստոնէից դէմ խիստ հակակրութեամբ տոգորուած¹: Թոյլ տուաւ որ իւր կիներէն մին եւ ասկէ ունեցած որդին Անուշազատ քրիստոնեայ կրօնքը դաւանին. եւ երբ քրիստոնեաները այն ապստամբութեան մասնակցեցան, զոր ասիկա իւր հօրը դէմ հանած էր, խիստ վրէժ չլուծեց²:

Այս էր իրաց վիճակը այն խաղաղութեան ժողովին ժամանակ, որուն վրայ կը խօսինք: Այս ժողովին մէջ էր, որ լիազօրները քրիստոնէից ինդիրն ալ շօշափեցին եւ հոս յառաջ եկաւ այն միաբանութիւնը, որով պարսիկ քրիստոնեաներուն իրենց ալօթատեղիներուն շինութիւնը եւ աստուածային պաշտաման անարգել կատարումը ապահովուեցաւ եւ թոյլ տրուեցաւ, իրենց մեռելները ըստ քրիստոնէական բարոյից թաղելու, թոյլտուութիւն մը, որ զրադաշտական կրօնը դաւանողներուն մեծապէս գայթակղեցուցիչ էր³: Ասկէ զատ ամենեւին

¹ Նէօլգեկէ, Տաբարի 161. Rawlinson, Seventh Monarchy. 459.

² Նէօլգեկէ, Տաբարի 467 ff.

³ Պարսկական յուղարկաւորութեանց ծանօթ սովորութիւնները Ագաթիաս Բ. 22-23 (113-115) անշուշտ

ընադատուելու չէին այնուհետեւ մազդայական արարողութեանց մասնակցելու եւ ոչ ալ պարսիկ աստուածներու պաշտօն մատուցանելու: Միւս կողմանէ բացայայտ արգելուեցաւ անոնց, Մազդայի պաշտօնատարները, μαγούς հաւատքէ հանել եւ քրիստոնեայ դարձնել. այս բանս ըստ պարսիկ իրաւանց իբր մահուան արժանի ոճիր կը պատժուէր¹:

Պէտք չէ տարակուսիլ, որ Յուստիանէն է այս միաբանութեան դրդումը. սակայն պայծառ չեն այն շարժառիթները, որ զինքը դրդած են այս թշլտուութիւնները ստանալ խոսրովէն: Եթէ ըսենք, որ կայսեր ունայնամտութիւնը կը շողջորթէր իւր ծերութեան մէջ իսկ իւր պետութեան սահմանէն դուրս իբր քրիստոնէից տէր եւ պաշտպան կանգնիլ, կամ թէ ըսենք միտքն էր Նեստորականները իրենց աղանդէն ճշմարիտ հաւատքի դարձնել, սակայն եւ այնպէս ասոնք իր այս կերպ վարուելուն իբր որոշիչ պատճառ չեն կրնար եղած ըլլալ: Աւելի քաղաքական կշռադատութիւններ զինքը առ այս դրդած ըլլալու են: Այժմ դրած խաղաղութեան դաշինքին մէջ պարտաւորած էր ինքզինքը բոլոր Պարսկաստանէն փախչողներուն ընդունելութիւնը զլանալ եւ զանոնք պարսիկ կառավարութեան յանձնել: Ճիշդ ալ քրիստոնոնեայ հաւատակիցներն էին, որ մինչեւ ցայժմ

պարսիկ աղբիւրներու համաձայն մանրամասն կը ստորադրէ. հմտ. Պրոկ. ՊՊ. Ա. 12 (57):

1 Մենանդր 213.

Հռովմէական պետութեան մէջ պատրաստակամ ընդունելութիւն գտած էին: Ըստ այսմ եթէ այսուհետեւ կայսրը կը բաղձար անոնց պաշտպանութիւն ընծայելով դաշանց որոշմանց Հակառակիչ, լաւ էր իրեն՝ քրիստոնէից համար ձեռք բերած զինողութիւններով իւր կրօնական խղճին եւ յանձն առած դաշանց պարտաւորութիւններու մէջ յառաջ գալի ամէն գծտութեան առջեւն առնուլ:

Աւելի դիւրին է մեկնել, թէ ինչպէս խոսրով կայսեր բաղձանքներուն հաւանութիւն տուաւ: Ստոյգ է շատ գէշ կու գար իրեն իւր քրիստոնեայ հպատակներուն համար հանդուրժողութեան հրովարտակ հանել. բայց դժուարին չէր այն զինողութիւններուն՝ որոնց վրայ միաբանութիւն գոյացած էր, հաստատութիւն տալ, վասն զի արդէն իւր պետութեան մէջ այս զինողութիւնները կ'իրագործուէին: Այս միաբանութիւնը խաղաղութեան դաշանց մէջ անոր համար չառնուեցաւ, վասն զի Պարկաստանի ներքին խնդիր մըն էր եւ պարսիկ պատգամաւորները իրենց ազգային զգածման չէին տար, որ քրիստոնէից խնդիրը իբր պայման խաղաղութեան դաշինքին մէջ մտնէր: Ճիշդ չէ կարծելը, թէ այս միաբանութիւնը լոկ արքայից արքային կողմանէ հաճոյակատարութեան գործողութիւն ըլլայ. վասն զի *ἐνομιόθη* բացատրութիւնը յայտնի կը ցուցնէ, որ հոս հասկընալու չէ միակողմանի, յետսկոչելի զինողութիւն մը, այլ կապող խոստում մը եւ դաշնագիրներուն

դիտաւորութիւնը այն եղած է, կայսեր՝ տալ իրաւունք այս խոստման գործադրութեան հանդէպ, իսկ թագաւորին՝ պարտք մը դնել զայն գործադրելու¹:

Պարսիկ քրիստոնեաներուն համար սկսաւ այսպէսով հանդուրժողութեան ժամանակ մը, զոր վայելել կրցաւ խոսրովէն վերջն ալ երկայն տանն: Թեպէտ իւր որդին, Որմիզդ (574—590) Արեւելեան հռովմէական պետութեան հետ ստատիկ կռիւ ունէր, սակայն եւ այնպէս իւր քրիստոնեայ հպատակներուն շնորհք ըրաւ. եւ երբ անգամ մը Պարսից մոգերը զանոնք կտակածելի ընելու սկսան ջանալ, կ'ըսուի թէ կարճ կապած ու խիստ խօսքերով մերժած ըլլայ զանոնք²: Իսկ իւր յաջորդին խոսրով Բ.ի վրայ (590—628) կը պատմուի, որ քրիստոնէից հանդէպ մասնաւոր գութ մ'ունէր, վասն զի իւր գահը Մաւրիկ կայսեր պարտական էր եւ իւր սիրելի կիներ Շիրին եռանդուն քրիստոնեայ մըն էր³: Իւր հաւուն քրիստոնէից ըրած

¹ Ինդիր ընել չարժեր թէ դաշանց մէջ *περι τῶν ἐν Περσίῃ Χριστιανῶν* խօսքով միայն բուն Պարսկաստանը կը հասկըցուի դուրս հանելով պարսկական Հայաստանը: Յամենայն դէպս Պարսիկները չեն խիթացած Պարսկահայաստանի մէջ քրիստոնէից դէմ մաքաւելու:

² Կարգալու է Տաբարիի (Նեոլդեկէ) մէջ պատահաւորաբար. Ինչպէս որ մեր գահը չի կրնար իւր յառաջակողման նեցուկներուն վրայ կենալ առանց երկու յետսակողմաններուն, այսպէս ալ մեր տէրութիւնը չի կրնար կանգուն ու ապահով ըլլալ, եթէ քրիստոնեաները մեզի դէմ զրգուենք:

³ Յոյները զայն *Σίρα*, *Σείριμ* կը կոչեն:

շնորհքները հաստատած է կ'ըսուի¹։ Եւ այս ամէն բանով իւր Պարսիկներուն առջեւ կասկածի ենթարկուած է, թէ ինքնին քրիստոնեայ դարձած ըլլայ, որ ի հարկէ անհիմն է²։

Իբր բնական հետեւութիւն ընդունուած է, որ նոյն հանդուրժողութիւնը, ինչպէս Պարսկաստանի քրիստոնեաներուն, այսպէս ալ Արեւելեան հռովմէական պետութեան մէջ ապրող Մազդեզանց ցոյց տրուած ըլլալու է³։ Թէ այսպիսիներ տակաւին հինգերորդ դարու մէջ Փոքր Ասիայի զանազան կողմերը կային, իրօք ալ Պրիսկոս պատմագրին հատակոտորի մը մէջ կը յիշատակուի։ Կը պատմէ, որ Պերոզ թագաւորը իւր պատգամաւորներուն ձեռքով իւր դաւանակիցներուն հանդէպ ցոյց տրուած կրօնական սեղմումներուն եւ մանաւանդ կրակապաշտութեան արգելքին պատճառաւ, լեւոն Ա. կայսեր առջեւ գանգատած է, իսկ կայսրը այս գանգատն իբրեւ անհիմն մերժած է⁴։ Յուստինիանոսի ժամանակ ալ կ'ըսուի, թէ սահմանագաւառներու մէջ առանձնակի Պարսիկներ բնակած ըլլան։ Բայց անհաւանական է, որ անոնց յայտնապէս կրօնական հանդուրժողութիւն ապահովուած ըլլայ։ Թէպէտ Տարարի կը յիշատակէ այն լուրը, իբր թէ խոսքով Յուստինիանու հետ խաղաղութեան դաշինքը դնելու համար բանակցած ատեն,

¹ Տարարի 267, 288 զայս կը հաստատէ։

² Աւ այս ակնարկութիւն մը առ Ֆիրդուսթի 7, 144։

³ Այսպէս Նեոլդեկէ, Տարարի 288, ձեթ. 1։

⁴ Պրիսկոս Հոկոմ. 13։

ասոր պայման դրած ըլլայ, որ կայսերական հողեր վրայ բնակութիւն հաստատած իւր երկրացիներուն հետ լաւ վարուի եւ անոնց համար կրահատուաներ շինէ¹։ Սակայն այս լուրը շատ կասկածեցի է, ըստ որում յունական աղբիւրները եւ մանաւանդ Գենանդր բաշրագլին կը լսեն։ Այսպիսի Թոյլտուութիւն մը Յուստինիանու սովորաբար վարած կրօնական քաղաքագիտութեան ուղղակի հակառակ կ'ըլլար. կայրը ոչ միայն այլափառ քրիստոնեաները այլ նաեւ հեթանոսութեան որեւէ մէկ տեսակը եւ ոչ քրիստոնէական աւանդութիւն քանիցս եւ աւանդախա պատժական պէնքներով պատահաւ է²։ Անշուրթն էր որ կայրը Պարթիւներուն քրիստոնէից գարշելէ երեցող կրօնական սրբորդութիւնները յարմարէս ճանշար. շատ անոնց գոյութիւնը անգիտանալ կրնար նեւաջընել։

Գ.

Խաչալուսիւն չարմէ Ինքայլը։

Պատգամաւորները խաղաղութեան գոյմաններուն վրայ վարածն էին. բայց նոյնն ինքզուրէն ինքուրան համար եմթալութիւն մը լացարար էր այսինքն երկու գաղափար վարդապետներուն համարութիւն տալը։ Ինչ որ բանակցութեան լուրջը Ինքանութիւն որում եւ խաղաղութիւնը սխալ վարդապետ կ'ընէր ինչն էր ինչ։

Պատգամ 100.

1. Պատգամ 100.

պետներուն հաւանութիւնը յայտնապէս վերապահած էին¹։ Ըստ այսմ ծրագրուած պայմանները Պետրոս՝ կայսեր, իսկ Զիկ՝ արքայից արքային խաւրեցին հաւանութիւն տրուելու եւ մինչեւ նոյնին գալը բանակցութիւնները ընդհատեցին²։

Հաւանութեան արտայայտուիլը հանդիսական արձանագրութեան ձեւով ըլլալու էր. պարսկականը խոսրովէն Յուստինիանու ուղղուած թուղթ մըն էր, զոր Մենանդր հաւատարիմ թարգմանութեամբ յառաջ կը բերէ, որուն սկիզբը ուրիշ տեղ արդէն յիշատակեցինք։ Թագաւորը կայսեր շնորհակալութիւն կը յայտնէ, որ խաղաղութեան դաշինքը գնելու սկիզբ ըրաւ, կը յիշատակէ երկակողմանի պատգամաւորներուն լիազօրութիւնը՝ «բանակցելու եւ դաշնադիր ըլլալու», կը յիշատակէ, որ միասին բանակցութիւն կատարելով խաղաղութիւն ըրած են յիսուն տարուան համար, խմբագրած եւ կնքած եւ կը վերջացընէ այս յայտարարութեամբ։

«Այլ մեք կամիմք ընդ խաղաղութեան դաշինս, որպէս եւ կռեցան ի մէջ Զիկայ եւ կռեցելոյն վերակացու Հռոմոնց Եւսեբեաւ հանդերձ, հաճեալ հաւանել եւ զպայմանս նորին ունել հաստատուն»։

Յուստինիանու հաւանութիւնը Սասրաւնուանեալով (forma, *ῥεῖον τύπος*) այսինքն

¹ Մենանդր 209։

² Մենանդր անդ։

ուղղակի կայսերական դահլիճէն մասնաւոր ձեւով յայտնուած կամաց արտայայտութեամբ տրուեցաւ եւ բովանդակութեան կողմանէ պարսկականին կը համապատասխանէր: Բայց թէ աս ալ անոր պէս խոսրովին ուղղուեցաւ իբր նամակ թէ իբր յանձնագիր հռովմայեցի լիազօրներուն տրուեցաւ, մեր աղբիւրներէն չ'իմացուիր:

Որովհետեւ այս հաւանութեան արձանագիրները հրատարակուած ատեն խաղաղութեան դաշինքը տակաւին կնքուած լմնցած չէր, այլ միայն առժամանակեայ ստուերագիծը կար մէջտեղ, այս պատճառաւ ազգային իրաւական մտքով վաւերացում չեն կրնար համարուիլ, այլ աւելի այն նկարագիրն ունէին, որ իշխանութիւն տրուած էր, որ միաբանուած եւ ընդունուած պայմաններուն վրայ դաշինքը կնքուի: Ասոր վրայ յեցած՝ լիազօրներէն գրուած եւ ի գործ դրուած խաղաղութեան դաշինքը ալ երկու ինքնակալներուն հաւանութեան պէտք չունէր. կերպապէս կնքուելով առանց այլեւայլի իրաւական ազդեցութիւնը կը ստանար եւ տէրութեան գլուխներուն եւ անոնց պետութեան համար կապող ոյժ կ'ունենար: Արդէն նոյն ժամանակ տիրող ազգային իրաւական սովորութեան համեմատ եկած հասած հաւանութեան արձանագիրները լիազօրներէն՝ փոփոխակի բնագրով, փոխանակուեցան:

Ասոր վրայ կարելի էր այլ եւս խաղաղութեան պայմանաւորման գործադրութեան քայլն առնուլ: Այս գործողութեան կերպը բաւական

կնճռոտ էր նկատի ունենալով իրին կարեւորութիւնը եւ երկու դաշնագիրներուն լեզուական տարբերութիւնը. այս բանս միեւնոյն ժամանակ հետաքրքրական գաղափար մը կու տայ նոյն ժամանակի միջազգային յիշատակագիտութեան վրայ:

Նախ եւ յառաջ դաշինքը երկու լիազօրներէն ալ՝ իրենց առընթերակացներուն եւ թարգմաններուն գործակցութեամբ իրենց բուն լեզուով գրուեցաւ, ըստ այսմ Պետրոսէն եւ Եւսեբիոսէն յունարէն, Զիկէն եւ Սուրէնէն պարսիկ լեզուով: Յետոյ յունարէն բնագիրը պարսկերէնի, իսկ պարսկերէնն ալ յունարէնի թարգմանուեցաւ, թարգմանութիւնները խնամքով իրարու հետ համեմատուելով՝ Թէ բառի եւ Թէ՛ իմաստի կողմանէ համաձայնութեան բերուեցան¹: Այս երկու օրինակները (ծնա βιβλια) ըստ իմիք խաղաղութեան դաշանց բնագիրը կը կազմէին: Մասնաւոր վաւերացման կ'երեւայ թէ հարկ չէ տեսնուած. ոչ հռովմէական եւ ոչ պարսիկ իրաւանց համեմատ. հրապարակական, պետական կամ ազգային իրաւական արձանագրութեանց համար դաշնագիրներուն ստորագրութեանց պէտք կար. իսկ թէ կնիք կոխուած չէ յայտնի է Մենանդրէն². Կրնայ ըլլալ, որ երկակողմանի թարգմանները թարգմանութեան ճշգրութեան ու համաձայնութեան վկայած ըլլան որեւէ դիտողութեամբ:

¹ Մենանդր 211, 212:

² Անդ 214:

Այս երկու բնագրական օրինակներէն ալ առ այս ընտրուած պաշտօնեաներ՝ մէյ մէկ մասնաւոր պատճեն ալ կազմեցին, որոնց համաձայնութիւնը նոյնպէս համեմատելով վերաստուգուեցան: Այս երկու ձեռնագիր պատճենները՝ մին յունարէն, միւսը պարսկերէն, սահմանուած էին ըստ իմիջ խաղաղութեան դաշանց իբր գլխաւոր օրինակներ (τὰ χυριώτερα) ծառայելու, մինչդեռ նախայիշատակեալ նախագաղափարները իբր մեր իմաստով երկրորդական օրինակներ կը ներկայացընէին:

Երկու գլխաւոր օրինակներն ալ այնուհետեւ ծալուելով՝ ըստ պարսիկ սովորութեան ժապաւինուեցան եւ դրսէն լիազօրներուն եւ իբր արձանագրութեան վկայ հրաւիրուած տասու երկու (վեց յոյն եւ վեց պարսիկ) թարգմաններուն կնքովը գոցուեցան: Ի հարկէ իւրաքանչիւր կնիքի կոխուածքին հետ կնիքի տիրոջ անունն ալ եղած ըլլալու էր: Այս գործողութեան յաջորդեց խաղաղութեան արձանագրութեանց յանձնումն ու փոփոխումը. Պետրոս պարսիկ պատգամաւորին յանձնեց յունարէն օրինակը, իսկ պարսիկը փոխադարձաբար անոր տուաւ պարսկական վաւերագիրը: Երկու երկրորդական օրինակները մասնակիցներուն յիշողութեան օգնելու եւ անշուշտ երկու գլխաւոր օրինակները անդադար չբանալու համար էին: Այս պատճառաւ ասոնք չփոխանակուեցան. երկու դաշնագիրներէն իւրաքանչիւրն իր ընդունվ խմբագրուած եւ իրեն համար հասկընալի եղող

օրինակը, Հռովմայեցին յունարէն, իսկ Պարսիկը պարսկական բնագիրը իւր քով պահեց:

Արդէն փոխանակուած հաւանութեան արտայայտութիւնները խաղաղութեան դաշինքին յարակից մասը կը կաղմէին. դաշինքը կնքուելէն վերջը երեք տարիներու համար հատուցուելի կանխավճարներու նկատմամբ Յուստինիանոսի վերը (էջ 77—80) յիշատակուած ապահովութեան մուրհակը պարսիկ պատգամաւորին տրուած ըլլալու է:

Այն ձեւին վրայ, յորում պարսիկ քրիստոնեաներուն նկատմամբ առանձնակի միաբանուեցաւ, բան մը չէ ըսուած. բայց կրնայ ընդունուիլ, թէ այս ձեւն ալ խաղաղութեան դաշանց հանգունակ եղած ըլլալու է: Ասով վերջապէս յառաջ եկաւ Արեւելեան Հռովմայ եւ Պարսկաստանի միջեւ խաղաղութիւնը քսանամեայ պատերազմէ վերջը: 362 տարւոյ աշնան վերջերն էր:

Յուստինիան արդիւնքներէն գոհ ըլլալու էր: Խաղաղութիւնը բերաւ իրեն Լազիկայի տիրապետութիւնը, որուն համար երկար կռիւներ եղած էին, Վաւկասեան անցքերուն հոգէն ազատում, Դարասի ամրութեան մնալը եւ վերջապէս թէպէտ ոչ շատ հաստատուն ապահովացումը պարսիկ արաբական ցեղերու յարձակմանց դէմ: Ասոր դիմաց իբր պարտաւորութիւն կեցած էին Պարսից վճարելի մեծագումար ամովճարները եւ գլխաւորաբար նախ եօթը եւ ապա յաջորդ երեք տարիներուն համար այն

կանխաժառանգները, որոնք մեծապէս զգալի էին, պետութեան նոյն ժամանակուան խեղճ դրամական վիճակին պատճառաւ: Այսու հանդերձ ասոնց համագումարը 532ի մշանջնաւոր կուլուած խաղաղութեան համար վճարուելիքին կէսն իսկ չէր ընէր: Բայց թէ պետութիւնը Արեւելքացոց եւ իւր իսկ հպատակներուն աչքին առջեւ իբր Պարսից հարկատու կրնար երեւալ, ստիպուած էին յանձնառու ըլլալ: այս բանին կայսերական կառավարութիւնը արգէն նման դէպքերու մէջ ստիպուած էր համակերպիլ:

Այսու ամենայնիւ ձեռք բերուած առաւելութիւնները այս դրամական ջոհին կը զուգակշռուէին: Խոսքով ալ Յուստինիանու ձեռք բերած արդեանց վրայ նախանշելու պատճառ չունէր: Իրեն համար մեծ ծանրակշռութիւն ունէր այն, որ իւր պետութեան արեւմտեան սահմանէն երկիւղ չէր ունենար, որով իշխանութիւնը անարգել ուրիշ կողմեր կրնար ծաւալել:

Խաղաղութեան պատգամաւորները չցրուած՝ կայսրը հաճութեամբ էր հարկաւոր դրամը եւ Գարառ խաւրած, որպէս զի անփշապէս լրացուելի գաշանց պայմաններուն գոհացում տրուի: Այսպէսով կրցաւ Պետրոս խաղաղութեան գաշիքը գրուելէն անփշապէս վերջը Զիկի եւ նոյն փշոջին երեւցող պարսիկ ելեւմտից պաշտօնեաներուն առաջին եօթը տարիներուն համար 210.000 ոսկեգրամ 3500 լիտր

ծանրութեամբ կշռել եւ տալ¹։ Որովհետեւ Պարսից Լազիկայի մէջ գրաւած տեղերուն թաղուին ալ առանց դժուարութեաց ի գլուխ ելաւ, ասով խաղաղութեան պայմանները լրացուեցան կրնայ ըսուիլ, որչափ որ ի սկզբան նկատողութեան կրնային առնուիլ²։

ՀԵՑՈՒՄՆԵՐ ԲԱՆԴԱՅԵԼՈՐ ԻՆՆԵՐԻ։

Խաղաղութեան դաշինքը խոսրովին արքունեաց մէջ մասնաւոր հետեւորդ արդիւնք մ'ունեցաւ։ Գարասի խորհրդեան միջոցին երկու պետութեանց մէջ տատանող վիճական խնդիրներուն թէեւ գոհացուցիչ լուծում տալ յաջողեցաւ, սակայն քանի մը կէտեր մնացած էին, որոնց վրայ կարելի չեղաւ միաբանիլ։

Լազիկայի Հռովմայեցւոց տրուելու հետ կապուած էր Սուանացւոց երկրին գրաւումը։ Լազիկայի հիւսիսային կողմը կաւկասի զառիթափին վրայ փոքրիկ, կէս վայրենի ցեղ մը կը նստէր Սուանացի կոչուած³։ Վերջին հռովմական-պարսկական պատերազմի ատեն Պարսիկները անոնց երկրին տիրած էին, որ այնուհետեւ անոնց գերիշխանութեան ենթարկուած մնաց։ Հռովմայեցիք խաղաղութեան բանակցութեանց ժամանակ կը հաստատէին, թէ Սուանացիք ի հնուց Լազերէն կախում ունէին եւ այս պատ-

¹ Իբր 3,197.500 մարկ։

² Մենանդր Հտկտ. 13 (218)։

³ Սուանիայի վրայ տ. Պրոկ. Գ.Պ. Դ. 2 (467)։

ճառաւ ասոնց հետ հասկանալի պետութեան
ենթարկուած էին եւ ըստ այսմ Լազիկայի ետ
տրուիլը Սուանայի թողուիլն ալ կը նշանակէր.
իսկ Պարսիկները կը պնդէին, որ Սուանացիք
անկախ ժողովուրդ մնացած եւ ազատակամ՝
Պարսից հետ միացած էին: Այս խնդրոյն վրայ
չկարենալով միաբանիլ, անոր յանգեցան, որ
խաղաղութեան դաշանց մէջ այս նիւթին տեղը
բաց ձգեն եւ խոսարովին վերապահեն նորոգ
բանակցութիւն մը կատարել եւ Զինկ երգմամբ
ինքզինքը պարտաւորեց կրցածին չափ չռով-
մէական պատգամաւորին նեցուկ ըլլալ¹: Թէպէտ
խնդրի տակ եղող երկիրը ոչ մեծ տարածու-
թիւն մ'ունէր, ի՛չ ալ մասնաւոր արժէք մը,
սակայն չռովմայեցւոց համար անտարբեր չէր,
որ ճիշտ իրենց սահմանին կից եղող Սուանիա
Պարսից ձեռքը մնայ եւ նոր ձեռք բերուած Լա-
զեան երկրին համար մշտակայ սպառնալիք
մ'ըլլար²:

Սուանիայի վրայ բանակցութիւնը յառաջ
տանելու համար Պետրոս 563ի սկիզբը արքայից
արքային արքունիքը գնաց³: Հոս երկուքին մէջ
խօսքի մենամարտութիւն մը սկսաւ, զոր Մե-
նանդը կը յիշատակէ չռովմէական դեսպանին

¹ Բանակցութեանց վրայ Մենանդը 211, 212:

² Այս բան Մենանդը մասնաւորապէս կը շեշտէ,
Հակ. 15 (220):

³ Βισαγραι: ուր կը գտնուէր բանակը. տեղ չէ այլ
Բիթ-Արամայէ գաւառը այսինքն Բարեւն: Հմմտ. Նեոլգեկէ,
8-րդ. 15. 245:

նշանակածին համաձայն. սակայն այս վիճաբանութեան մէջ ասիկա հակառակ իւր դիւանագիտական յաջողակութեան եւ խոսքովի երեւութական բարեացակամութեան պարտութիւն կրեց եւ չկրցաւ բան մը ձեռք բերել: Իւր գլխաւոր ապացոյցը, զոր վաւերագիրներով հաստատելու կը ջանար, իբր թէ Սուլթանացիք Թէօդոս կայսեր ատեն լազերէն ընդունած են իրենց արքայիկները, որոնք կայսեր կողմէն հաստատուած են, ըստ այսմ Սուլթան լազիկայի յարակից մաս մըն է, որով խաղաղութեան դաշանց համաձայն՝ լազիկայի հետ թողուած նկատելի է, թագաւորը անով ջրեց, որ իւր յիշատակարանաց նայելով՝ կախման այսպիսի յարաբերութիւն մը գոյութիւն ունեցած չէ եւ թէ Սուլթանացիք իրեն կամաւոր կերպով հպատակած են: Պարապ տեղ Պետրոս անոր վեհանձնութեան դիմեց: Վերջապէս թագաւորը անշուշտ ոչ ծանրութեամբ առեալ առաջարկութիւնն ըրաւ, Սուլթանցւոց իսկ որոշել տալ, թէ աւելի յօժարակամութեամբ հռովմէական պետութեան վերաբերիլ կ'ուզէին (արդի ժողովրդեան քուէարկութիւնը ակամայ կը յիշէ մարդ)¹: Այս բանս Պետրոսին մտահոգութիւն պատճառեց, վասն զի լաւ գիտէր թէ անոնք հռովմայեցի պաշտօնեաներուն իրենց ըրած անիրաւութեանց համար Պարսից տակ մտած էին. խոսքով այս առ երեւոյթ ըրած առաջարկութիւնը անմիջապէս թող տու-

¹ Երեսնորդ 214—217:

աւ¹։ Այսպէսով բանակցութիւնները խզուեցան եւ ամենայն ինչ իր հին կերպարանքն առաւ²։ Բանակցութիւններուն դարձեալ սկսիլը Յուստինիանու յաջորդին ատեն աւելի յաջող արդիւնք չառւին։

Ուրիշ խնդիր մ'ալ շօշափուեցաւ այս բանակցութեանց մէջ։ Նպաստ եւ ռոճիկ — որոնցմով Յուստինիան իւր պետութիւնը գնել սովոր էր — ընդունողներուն մէջ էր նաեւ այն պարսիկ աւարը, Հերայի Մունաիր իշխանը։ Իւր որդին ու յաջորդը Ամր (*Ἀμύρρος τοῦ Ἀλαμουσνῶρου*) անկէ կը հեռեցընէր տարեկան եւ ռոճիկի մը՝ 100 լիար ոսկւոյ շարունակաբար վճարքի մը պահանջը եւ որովհետեւ խաղաղութեան դաշանց մէջ իւր պահանջը նկատի չէր առնուած³, իւր գերագոյն տիրոջ առջեւ բողոքըրած էր։ Իսկ իրեն դէմ Պետրոս կը պնդէր, որ կանոնաւորապէս վճարուած ռոճիկներու վրայ չէր խնդիրը, այլ պարզապէս սոթիւ մը իրարու հետ փոխանակուած պարգեւներու վրայ, որոնցմէ իրաւունքի պահանջ չի կրնար ելլել, բայց միանգամայն հասկըցընել առաւ, որ կայսեր Արաբացւոյ հետ ունեցած յարաբերութիւնը շատ լաւ չ'երեւար, այսինքն թէ Մունաիր իւր աւատական պարտուց հակառակ, ինքզինքը պարտաւորած է չ'ուզմայեցաւ դէմ

¹ Էնդ։

² Մենածոր 2-ի- 13 (218)։

³ Մենածոր 211։

պատերազմի պարագային չէզոք մնալ¹։ Խոսքով անշուշտ գիտմամբ չուզեց իրեն միջամուխ ըլլալ, այլ բաւականացաւ պատգամահանգոյն երկմիտ վճռով մը, որ յամենայն դէպս կը հասկըցընէր Արարացւոյն պահանջումը յանձն առնուլ²։ Այսու հանդերձ Յուստինիան լաւ համարեցաւ իւր իսկ շահուն համար վճարումը շարունակել³։

Պետրոս, որ Խոսքովու հետ այս բանակցութեանց միջոցին բախտ չէր ունեցած, ասոր վրայ Բիւզանդիոն գնաց կայսեր տեղեկութիւն տալու⁴։

ԽԱՆԴԱԿԱՅԻՆՆԵՐ ԿՍԻՐՈՒԹԻՒՆՆԵՐ ՆՈՐ ՊՈՅՅԻՐՈՅԻՒՆ ՐԱՆՍԿՑՈՒԹԻՒՆՆԵՐ ԴԱՐՁՆԱԼ ԿԸ ՍԿՍԻ

572—591։

Ինչպէս 532ի մշտնջենաւոր խաղաղութիւնը՝ այսպէս ալ յիսնամեայ խաղաղութիւնը տարածում վախճան ունեցաւ. հազիւ տասը տարի անցած էր, ահա դաշինքը ջնջուեցաւ։ Ստոյգ է, քանի որ Յուստինիանոս ողջ էր, Պարսից հետ յարաբերութիւնները անփոփոխ մնացին. բայց իւր յաջորդը Յուստինոս Փոքր⁵, շեղեցաւ այն աւանդութիւններէն, որոնց հետեւած էր իւր

1 Անդ 216։

2 Անդ յ. ա.։

3 Մենանդրէն կը հետեւի։

4 Մենանդր։ Պետրոս քիչ ետքը մեռաւ։

5 Թագաւորեց 14 Ա.դ. 565 մինչեւ 5 շոկտ. 578։

մօրեղբայրը արտաքին քաղաքականութեան մէջ իւր երկար կառավարութեան ժամանակ, չ'ոռով-մէական ինքնակալի եւ բասիլեւսի ինքնագիտակցութեամբ լեցուած՝ անտանելի ամօթ եւ նախա-տինք կը համարէր, որ բարբարոս ազգերէ խաղաղութիւնը գնուէր պարգեւներով, որով այսպիսի վճարումներ շարունակելու ամէն պահանջ մերժեց։ Իւր ամբարտաւան բնութիւնը չէր թողուր, որ պետութեան ոյժն ու զօրութիւնը ճանչնայ. կառավարութեան վերջին չորս տարիները վրան եկած ոգեկան հիւանդութիւնն ալ կ'երեւայ թէ իւր գործողութիւններուն վրայ ազդած ըլլայ։

Թագաւորութեան սկիզբը անմիջապէս ձախողութիւն մ'ունեցաւ Պարսից հանդէպ։ Իւր գահակալութեան սովորական ծանուցումը Տիգրուոնի արքունիքը տանող դեսպանին¹ գործքն էր՝ խոսրովի միտքն իմանալ անորոշ մնացած Սուլեյման խնդրին վրայօք կամ յարաբերաբար չափաւոր գնի մը փոխարէն այս երկրին ստացու-մը առաջարկել։ Սակայն իւր այս պաշտօնը շատ յաջողակութեամբ չկատարեց եւ թագաւորը անոր անխորհուրդ քայլն առնուլ տուաւ, առանց կայսեր գիտութեան ու կամաց՝ Սուլեյմանցոյ իշխանին հետ ուղղակի յարաբերութիւն հաստատելու, այն յուսով, որ զայն ազատակամ կերպով չ'ոռովմայ հետ կապէ։ Դեսպանը իշխա-նին բացորոշ մերժումն ընդունեցաւ, ինչպէս որ

1 Մենանդր Հատկ. 15 (220) զայն Յովհաննէս Գոմէ-տիոլոս կ'անուանէ։

խոսքով կարգադրած էր արդէն, իսկ կայսրու-
այս ինքնագլուխ զանցառութեան համար խիստ
կշտամութիւն մը¹:

Ասոր հետեւութիւնն՝ այն եղաւ, որ երբ
երկրորդ տարին պարսիկ դեսպանութիւն մը Բիւ-
զանդիոն եկաւ, արտաքոյկարգի գէշ ընդունելու-
թիւն եղաւ անոր: Ստոյգ է որ Մերոդ² դեսպանն
ալ կատարեալ պարսկական ամբարտաւանու-
թիւն մը ցոյց տուաւ եւ կայսրը վիրաւորեց
այնու, որ ինքզինքը Հիւսիսի շէյխին պատգամա-
ւորներուն իբր բերան երեւցընելով՝ պահանջեց,
որ շարունակուին այն տարեվճարները տրուիլ,
որոնց հաւանութիւն տուած էր Յուստինիանոս:
Կայսրը, որ անոր հետ Սուանիայի վրայ խօսելու
բնաւ պէտք չէր զգար, պատգամաւորութեան
ընդունելութիւնն ու նոյնին պահանջը բացէ ի
բաց մերժեց: «Դուն ոչ թէ իբր պատգամաւոր,
այլ դատաւոր եկած կ'երեւաս», գոչեց անոր
երեսն ի վեր³. եւ երբ Մերոդ սկսաւ դարձեալ
զայն թախանձել, այս խօսքերով զայն կշտամեց.
«Դուն կը մոռնաս, թէ հռովմայեցի կայսեր մը
եւ այն ալ Յուստինոսի հետ է որ կը խօսիս»,
որուն վրայ Մերոդ աղէկ գէշ ինք զինքն արդա-
րացընել ուզեց, թարգմանին սխալ հասկըցո-
ղութիւնը յառաջ բերելով⁴: Այսպիսի բա-

¹ Մենանդր Հտկ. 15, 16 (220, 222):

² Μεβόδης.

³ Մենանդր Հտկ. 17 (224):

⁴ Մենանդր անդ:

խումերն ոչ կը գիւրացընէին եւ ոչ ալ կը շահէին երկու թիւնակաշնորու զիտար հասկընալը:

Սակայն եւ այնպէս յաջորդ տարիներն ալ անցան առանց խաղաղութեան աւրաւելան եւ անտարակոյս ճշգիւ հասուցանեցաւ Պարսկոյ — Թուրքիոյ որ խաղաղութեան գաշնորք կը պահանջէր — եզմը տարի անցնելէն վերջը յաջորդ երեք տարիներու համար կանխաւ վճարելի 90.000 ահիւց գումարը¹: Բայց երբ սամե-րորդ տարին (572) վերջանալու վոյց կը. Յաս-սինաս որչեց ալ եւս տարել խաղաղութիւնը. վստած զի ալ ոչ մէկ պարագայի սակ 30.000 ա-հի վճարելու պարտաւորութիւնը կտառելէ կ'ազեր: Եւս վերջին այնպիսի պարագաներ երեւան եկան էին. որ խաղաղութիւնը չպահեց. նոյն իսկ Պարսկոյ չեւ նոր պատերազմի մը բռնուելու վտանգով. մանաւոր կերպով նպաս-տաւոր կ'երեւցընէին անոր:

Պարսկահպատակ չայնըլը սպասանքան էին. քրիստոնէութիւնը բռնադաւ եւ զիբնը բռնի Մազդեպանց կրօնին գործընելու շար-նակեալ իրենց բան վերջ տրուեցաւ էին պարսկի զաւախելը. Գալմ մեղադրուողը գրաւեալ եւ անպիս յաւանդուի. նոյնպէս այլեւ ալ իրենց պնդութեան պարսկեան²: Սոքրան Յասինաս ա-

¹ Ըստ անոնց Բեմանեան Հասարակական Գործեր:

² Հարաբերութեան վոյց եւ այդ կողմէ Գաւա:

³ Քաղաքի իւր անունը 579 - 580 թ. Վոյցը սակաւ նորը որ Հաւան Բախանեան արտաւորեալ առաջադրուեցաւ:

նոնց օգնել չկրցած՝ ապստամբութիւնը շուտով եւ արիւնահեղութեամբ զսպուած էր. իսկ առաջնորդները բազմաթիւ աղնուական քրիստոնեայ Հայերու հետ Բիւզանդիոն փախչելով՝ կայսեր պաշտպանութեան ապաւինած էին, որ նոյն իսկ երբեմն խոստացած է եղբւր անոնց, զանոնք եւ ոչ մէկ պարագայի տակ Պարսից մասնել:

Եթէ Յուստինոս կարծած չըլլար, որ Պարսից դէմ պատերազմի մը միջոցին իբր դաշնակից պիտի ունենայ Թուրքերը, թերեւս խաղաղութիւնը աւրելը յապաղէր:

Թուրքերը Հայտալին յաղթելէն վերջը՝ իրենց իշխանութիւնը տարածեցին Ուլբսոսի հարաւային կողմը, մինչեւ Խորասան, մինչեւ Պարսից սահմանին կից: Իրենց մեծ խանը (Խաքան), Յոյներէն Սիլվիբուլ, իսկ արեւելեան աղբիւրներու մէջ Սինդգիբուլ՝ կոչուած, հասարակաց թշնամոյն դէմ նիզակակցիլ առաջարկած էր կայսեր, եւ Յուստինոս յօժարակամ յանձն առած էր դաշնաւորութիւնը: Այնուհետեւ կը յուսար Պարսկաստանի վըայ յարձակիչ երկու կողմանէ, հիւսիսէն եւ հարաւէն եւ նոյնին կործանումը կը նախատեսէր: Այսպէսով եղաւ, որ առանց այլեւայլի պատերազմի որոշում տուաւ²:

¹ Σιλζιβουλος δ τῶν Τούρκων ἡγεμὼν. Մենանդր Հտկ. 10 (205): Ուրիշ տեղեր զ. օր. Հտկ. 18 (215) զոյն Διδάβουλος կ'անուանէ. Յաբարիթ քով 158, անուան արաբական ձեւը նախագրեալ անուան ստուգութեան կը վկայէ:

² Մենանդր Հտկ. 18—22 (225—230) ընդարձակ կը

Իսկ խոսքով իւր ալեւոր տարիքը ի նկատ առնելով՝ իրօք կը բաղձար խաղաղութիւնը պահել եւ գծաութենէ խուսափիլ: Յոյց առելու համար, որ հաստատուած դաշանց մեալուն կողմէ, հայկական ապստամբութիւնը չզսպած՝ Սեբուխը՝ կայսերական արքունիք խաւրեց, պայմանաժամը լրացած առաջին տարեվճարն ընդունելու: Սակայն Յուստինոս այս պատգամաւորին դէմ յայտնի քամահանք ցոյց տուաւ: Արդէն իսկ առաջին ունկնդրութեան ատեն պատգամաւորը դժբախտութիւն ունեցաւ, երկրորդագութեան ատեն բարձր պարսկական խոյրը գետին ձգելու, որ իբր գէշ գուշակութիւն մ'ընդդէմ Պարսից մեկնուեցաւ: Պայմանաժամը լրացած վճարքին տուչութիւնը կայսրը բացէ ի բաց մերժեց, ըսելով թէ բարեկամութիւնը գրամով չի գնուիր: Երբ խօսքը Հայաստանի վրայ եկաւ, պատգամաւորին յայտնեց, որ ինքը Հայերն իւր պաշտպանութեան տակ առած է իբր դաւանակիցներ, եւ ամէն դիւանագիտական ձեւակերպութիւն մէկդի թողլով՝ սպառնական ձայնով գոչեց անոր երեսին, որ եթէ խոսքով Հայոց դէմ մասն իսկ շարժելու ըլլայ, ինքը անոր դէմ պիտի արշաւէ, զանի վրա առնու եւ Պարսից վրայ ուրիշ թագաւոր մը դնէ¹:

պատմ. Զեմարէոս դեպոսին պատահարները. որ Յուստինոսէն Թուրքերուն խաբուեցաւ:

¹ Σεβόχθης. Ըստ Մենանդրի Հ-կ. 36 (239) տակաբրիտանէի բարեկամ էր. եթէ ոչ ինքնին բրիտանայ:

² Մենանդր անգ:

³ Մենանդր անգ:

Ակնյայտնի էր, որ ասով պատերազմը կը հրատարակուէր: Խաղաղութեան եղծումն այս անգամ կայսեր, ոչ թէ Պարսից կողմանէ, տեղի կ'ունենար:

Այսպէսով սկսաւ 572ին, երրորդ դարուն մեծ հռովմէական - պարսկական պատերազմը:

Պատերազմին սկզբնաւորութիւնը կայսեր սնոտիապարծ նախագուշակութեանց համապատասխան չեղաւ: Թուրքերուն օգնութիւնը, որուն վըայ յոյսը դրած էր, տեսնուեցաւ թէ ոչինչ էր: Իւր ոչ ըստ բաւականի սպառազինուած լանակները պարտութիւններ կրեցին, բայց ամենէն աւելի ծանր կորուստ մ'եղաւ երկարամեայ պաշարմանէ վերջ ամուր Դարասի խոսրովէն առնուիլը¹, որ իւր յառաջացած տարիքին չնայելով՝ արշաւանքի վշտակութիւններէն չէր խուսեր:

Յուստինոսի վաղաժամ գործառնութիւնը պետութեան ուրիշ կնճիռներ ալ պատճառեց, վասն զի պարսկական պատերազմէն զատ, հիւսիսէն սկսաւ Աւարներու արշաւանք մը սպառնալ, մինչ անդին Լոնգոբարդացիք, որոնք Խաթալայի մէջ յաղթանակաւ յառաջ կ'երթային, այնչափ քրտինքով ձեռք բերուած հռովմէական ստացուածքները ծանրապէս կը վտանգէին: Այսպիսի պարագաներու տակ բախտ համարելու էր, որ ծանր խօթացած կայսեր տեղ, Նեսարու-

¹ Եւագր Պատմ. 5, 10. Թէոփիլ. 3, 5 (117). Թէոփանէս 247:

Թեան քարձրացած անձնապահագետը, քաջն Տիմբերիոս, իբր իննամակալ՝ Սոփիա կայսրու հւոյն հետ կառավարութեան սանձը ձեռք առաւ։ Իրաց վիճակը ճշգրտիւ դատելով՝ Յուստինոսի ընդդէմ՝ Պարսից բռնած անխոհեմ քաղաքականութիւնը թող տուաւ եւ սկզբանէ իսկ դարձեալ խաղաղական յարաբերութիւն հաստատելու աշխատեցաւ։ Առանց պատերազմի պատրաստութիւնն ընդհատելու, ջանաց նախ եւ յառաջ զինադադար մը ձեռք բերել եւ խոսրով այս բանին մէջ անոր ընդառաջ եկաւ, այնու որ անոր — իրօք է 45.000 ոսկւոյ վճարքի մը փոխարէն — մէկ տարուան համար զինադադար շնորհեց¹։ Ասոր յաջորդեցին ուրիշ բանակցութիւններ, որոնցմով զինադադարը յաջորդ երեք տարիներու (575—578) համար ալ արժեց։ Այս պատճառաւ տարուէ տարի վճարելի 30.000 ոսկեդրամները 562ի դաշանց մէջ որոշուած վճարքներու կատարումը եւ շարունակութիւնը կրնային համարուիլ, որով ըստ ինքեան ամօթի բան մը չկար Հռովմայեցւոց համար²։ Խոսրով այս տարիներու մէջ ալ հետեւեցաւ իւր՝ Յուստինիանու հանդէպ գործադրած սովորութեան, այսինքն զինադադարը ամբողջ պատերազմի մէջ գանձուող երկիրներու վրայ չտարածել։ Զինադադար՝ ինչ-

1 Մենանդր Հ-ի. 38 (240)։

2 Մենանդր Հ-ի. 39, 40 (241)։ Խոսրով զինադադարը հինգ տարուան, Տիմբերիոս երկու տարուան համար կուգէր ընել. անշուշտ գրամական հասուցման պատճառաւ. քիչ է քիչնայ երեք տարուան վրայ փութանեցան։

պէս յառաջագոյն կ'ըլլար, միայն Արեւելքի, բայց ոչ Հայաստանի համար արժեւում էր. հոս պատերազմական վիճակը մնաց, խոսրովի համար այս բացառութիւնը շահաւոր չեղաւ, վասն զի հռովմայեցի զօրավարը կրցաւ պարսկական Հայաստանի եւ նաեւ վրաստանի մէջ հաստատուն դիրք գրաւել, Պարսիկները մերժել եւ ասով ապագայ խաղաղութեան համար անվնասութեան ծանրակշիռ կռուան մը ձեռք անցընել:

Այս երեքամեայ զինագաղարի միջոցին անդադար բանակցութիւններ տեղի կ'ունենային խաղաղութեան մը յանգեւում համար: Նաեւ ասոնց վրայ Մենանդր հաւատարիմ եւ կ'երեւայ թէ նախնական տեղեկութիւններէ առած լուրեր կու տայ, որոնց քով ուրիշ աղբիւրներ շատ կարեւոր չեն¹: Տեսնուեցաւ, որ բանակցութիւնները դժուարութեանց կը բախէին, վասն զի հայկական պատերազմի ասպարէզին վրայ փոփոխուող դէպքերէն եւ մերթ հռովմէական ու մերթ պարսկական զինուց յաջողութիւններէն կ'ազդուէին: Ասոյդ է խոսրով, որչափ որ Յուստինոսը կ'ատէր, Տիբերի հանդէպ անձնական հակառակութիւն, եւ անոր հետ համաձայնելու ընդդիմութիւն ալ չունէր, սակայն եւ այնպէս բուն պարսկական ոճ բանեցընելով՝ իւր պահանջները կրցածին չափ բարձրացուց եւ ջանաց ամենապարարտ պատառը կորզել: Վրայէն նետելու համար այն խիստ տհաճութիւնը, որուն

¹ Մենանդր Հով. 41 եւ յՎ. Թէոփիլ. 3, 12 յԳ. Թէոփանէս 247 յՎ.:

առարկայ պիտի ըլլար, եթէ իւր կողմանէ խաղաղութիւնը աւրուէր, իւր փոխանորդներն աւելեւելեան դիւանագիտութեան բոլոր արուեստներով զինեց, ինչպիսի են՝ ամբարտաւանութիւն, դիտաւորեալ յապաղում, խորամանկութիւն, խարդախութիւն, խաբէութիւն, մինչեւ իսկ յայտնի ստախօսութիւն, սակայն առանց վերջնական որոշումը ձեռքէն հանելու: Իւր մտերիմ լիազօրն էր յառաջագոյն յիշուած Մերոդը, որ Հռովմայեցի պատգամաւորներուն շատ հաճոյակատարութիւն ցոյց չտուաւ եւ քանիցս իւր հպարտութիւնն ու ամբարտաւանութիւնը զգացընել տուաւ անոնց¹:

Իրեն դիմաց աչքի կը զարնէին գլխաւորաբար երկու հռովմայեցի լիազօրներ, Տրայանոս սուրբ պալատան վերակացուն (Quaestor sacri palatii) եւ կայսերական անձնական բժիշկը Ջաքարիա, որ Տիրերի մասնաւոր վստահութիւնը կը վայլէր եւ անկէ շատ անգամ դժուարին առաքելութեանց համար գործածուած էր²: 11րջափ ալ դիւանագիտական յաջողակութեան եւ ճարտասանական տաղանդի մէջ Դաբասի խաղաղութիւնը միջնորդող Պետրոսէն վար ըլլային, այսու հանդերձ բանակցութիւնները մարդուս մէջ այն համոզումը կը գոյացընեն, որ կարելի եղածին չափ իրենց ինքնակալին եւ եր-

¹ Մենանդր Հակ. 50 (233): Ի մէջ այլոց յանձնէր առնուր զինգագարի համար ամսովնորը սահմանի վրայ ընդունիլ. այլ էջ պահանջէր. որ Հռովմայեցիք իրենց պատնգաղը զայն Մծրին բերեն:

² Մենանդր Հակ. 35 եւ 36:

կրին շահերն ըմբռնած, քաջութեամբ եւ օրինաւոր զէնքերով իրենց դատը պաշտպանած էին, եւ թէ իրենց վերագրելու չէ իրենց ջանից ապարդիւն մնալը: Սակայն ընդհանուր տպաւորութիւնը կը մնայ այն, թէ Հռովմացեցիք թէպէտ պատերազմական յաջողութիւններ ձեռք բերած՝ այսու հանդերձ չէին կրցած Պարսից ձեռքէն ընդունելի խաղաղութիւն մը կորզել եւ թէ Արեւելեան հռովմեական պետութեան վարկը (Prestige)՝ համեմատելով Յուստինիանու ժամանակին հետ, շատ ինկած էր:

Բանակցութիւնները ըստ սովորականին սահմանի վրայ՝ Մծբնայ եւ Դարասի մօտերը տեղի ունեցան, բայց արդէն իսկ բանակցութեան վայրին ընտրութիւնը նախանձայոյզ վիճաբանութեանց դուռ բացաւ¹: Այնուհետեւ սկսան բանակցութիւններն երկարաշունչ ամբաստանութիւններով պատերազմին պատճառին, խաղաղութեան աւրուելուն ո՞ր մասին վերագրուելուն վրայ, բացատրութիւններ, որ լոկ տեսական արժէք մը չէ որ ունէին, ինչու որ Պարսիկներն այս խնդիրը Հռովմայեցւոց դէմ ճնշում բանեցնելու իւր միջոց ձեռք առած էին²:

Խաղաղութեան պայմաններուն վրայ խօսուած ատեն Մեբոդ երեք պահանջ դրաւ.
 1. 562ի դաշանց մէջ սահմանուած տարեկան գումարներուն վճարման շարունակութիւնը,
 2. պարսկային Հայաստանէն եւ Վրաստանէն ելլել

¹ ՄԵՆ. Հտ. 46 (248):

² ՄԵՆ. Հտ. 47 (249):

եւ եւս դարձնել, 3. հայկական ապստամբութեան փախստեայ գլխաւորները պատժել: Ասոր դէմ Հռովմայեցի յանձնակատարները կը յայտարարէին, որ խաղաղութեան համար դրամովճարի խօսք ամենեւին պէտք չէ ընել, որովհետեւ խաղաղութիւնը Յիսկերի համար գնելի վաճառք մը չէ¹, բաց աստի այս պայմանագրութեամբ նոյնին տեւականութիւնը խնդրոյ տակ կրնայ իյնալ: Թեպէտ Պարսիկը իւր պահանջն իբր արդար եւ իրաւացի արդարացընել ջանաց, բայց յընթացս բանակցութեան այնպէս մը ցուցաց, որ թագաւորը Տիսերի ունեցած բարեկամութեան պատճառաւ թերեւս այդ պահանջն հրաժարէր²: Այս պայմանին պատճառաւ խաղաղութիւնը եղծանելու չէր:

Առանց այլեւայլի Պարսկահայաստանը եւ Վրաստանը թողուլ խոստացած Հռովմայեցիք, վասն զի այս երկիրներուն մշտապէս գրաւումը Կոյսերական քաղաքականութեան սահմանէն դուրս էր: Ընդհակառակն բացէ ի բաց մերժեցին փախստէից յանձնումը իբրեւ կեսարի պատուոյն եւ Յուստինոսի ըրած խառման հետ անփութան: Աւելի յաւաջ գացին եւ իրենց կողմանէ պայման դրին, որ Հայաստան ձառող Հռովմայեցիներուն Կուսակիցներուն անարգել թող արտի հաւաքական երկիր գաղթել: Ըստ պահանջին հանգէպ խորով մեծ ընդգիծութիւն ցոյց տուաւ, վասն զի համալուծ էր, որ

¹ Մէն. անդ:

² Մէն. անդ:

գաղթելու այս թոյլտուութենէն օգտուիլ չուզող գրեթէ պիտի չըլլայ. իւր ցանկութիւնն էր ապստամբութեան պարագլուխները ձեռք անցընել, անոնցմէ վրէժ լուծելու համար¹:

Հայաստանէն եւ Արաստանէն ելլելուն փոխարէն Հռովմայեցիք ալ կը պահանջէին Դարաս ամրոցին ետ դարձուիլը, որուն դարձեալ ձեռք անցուիլը Տիբեր պետութեան պաշտպանութեան, ինչպէս նաեւ տեւական խաղաղութեան մը օգտին համար այնչափ ծանրակշիռ կը համարէր, որ Զաքարիայի իշխանութիւն տուած էր, նոյնը չափաւոր դրամական գումարով մը գնելու: Մերոգ Հռովմայեցիներուն պահանջը լրացընելու վրայ էր, երբ այն լուրը թէ Հռովմայեցի գունդերը պարտութիւն մը կրած են, մէկէն ի մէկ իրաց վիճակը փոխեց: Ամբարտաւան կերպով յայտարարեց Պարսիկը, թէ իւր թագաւորը յաղթական զէնքերով գրաւած Դարասն երբեք ետ պիտի չդարձընէ², եւ Խոսրովի այն սպառնալիքը — թէ տակաւին չվերջացած զինադադարը նոյնին համար վճարուած ստակին մասամբ ետ դարձուելուն դիմաց պիտի աւրէ եւ մինչեւ ցայժմ պաշտպանուած Հռովմայեցի երկիրներուն դէմ պատերազմ պիտի սկսի, — յառաջ բերաւ իբր վերջին միջոց Հռովմայեցի պատգամաւորներուն վախ ազդելու³: Այս սպառնալիքն անշուշտ ծանրութեամբ եղած

1 Մէն. անդ 250:

2 Մէն. անդ:

3 Մէն. անդ 251:

ըլլալու չէ՝ Վասն զի քիչ մ'ետքը Մերոդ եւ
 Զաքարիա մէկալ բոլոր մասնակիցներն ի բաց
 առնելով՝ գաղանի խորհրդակցութեան մը ժող-
 վուեցան, որ եթէ հնար է ուղղակի միաբանու-
 թիւն մը տեղի ունենայ մէջերնին վէճի տակ
 եղող խնդիրներու վրայ։ Եբբ Նոյն միջոցին
 Զաքարիա աւելի պատուաւոր անձի քան զԻւս-
 նագէտի խոհեմութեամբ հասկըցուց, թէ Տիբեր
 հակառակ չէ Դարասի համար դրամական
 վճարք մ'ընել, խորամանկ Մերոդ այս վստա-
 հացուած ծանուցումը յօգուտ գործածեց, անոր
 շատ վտանգաւոր դարան մը լարելու։ Թագա-
 ւորը Դարասը ստակով չծախելուն՝ առաջարկեց
 այս խնդիրը խաղաղութեան պայմաններէն դուրս
 հանել, միայն թէ սուրբ երգութեանով երաշ-
 խաւոր կ'ըլլար, որ եթէ այժմ խաղաղութիւնը
 կնքուէր, թագաւորը Տիբերի խնդրելովը Դա-
 րասն անոր իբր պարգեւ կը թողուր¹։ Ի հօրկէ
 այս բանիս մէջ կար այս գաղտուկ խորհուրդը,
 թէ Հռովմայեցիք նախ պարսկային Հայաստանէն
 եւ Վրաստանէն առանց պատերազմի քաշուելէն
 վերջը՝ անշուշտ Դարասի համար ալ կը մտա-
 լոկ աչք գոցել մը։ Զաքարիա խորհուրդը կռ-
 հեց, մերժեց տարապայման բաղձանքը եւ ասով
 օդ ելաւ առանձնական խօսակցութիւնը։

Այսպէսով բանակցութիւնները քայլ
 մ'իսկ յառաջ չգացին։ Այն ատեն Խոսրով իւր
 մտերմին Մերոդի խորհրդովը միայն դրաւ
 հանգոյցը բռնութեամբ լուծել։ Որոշեց զինու-

¹ Մէն. 251։

դադարը չվերջացած աւրել եւ Եփրատի երկիրներու վրայ ԹշնամուԹիւնները նորէն սկսիլ¹։ Ասով ապարդիւն մնացած խաղաղութեան ժողովը վերջացաւ։ ՎՃիւղը մնացած էր զինուորախօն (ամառ 578)։ Սակայն խոսքով եւ իւր զօրավարները — որոնց մէջ նաեւ Մերոդ — դառնապէս խաբուեցան. Տիբերիոսէն Արեւելք խաւրուած ամենաքաջ զօրավարը՝ ապագայ Մարկիանոս կայսրը, անոնց այնպիսի ախրեան մը հանդիսացաւ, որ զանոնք սահմանէն դուրս վտարեց, Տիգրիսն անցնելով Պարսկաստան մտաւ եւ հարուստ Արզն գաւառը եւ բազմաթիւ ամուր տեղեր գրաւեց²։

Այսպէսով կացութիւնը էապէս ի շահ չռովմայեցւոց փոխուեցաւ։ Այս եւ իւր բազմամեայ տարիքին զգացումը եւ իւր մարմնօտկարութիւնը, ինչպէս նաեւ գահը խաղաղութեամբ իւր պայազատին Թոր տալու ցանկութիւնը դրդեցին զխոսքով եւ Յուստինոսի մահունէն վերջը (Հ.կտ. 578) գահը բարձրացած Տիբերիոսին հետ յարաբերութեան մէջ մտնել։ Իւր Փերոգդատ պատգամաւորը 578էն 579 մտնող ձմեռը կայսեր բերաւ հաշտարար ոճով գրուած Թուղթ մը, յորում խոսքով զՏիբեր կ'ապահովէր իւր խաղաղասիրութեան վրայ, Հայերը յանձնելու համար անոր արդարամտութեան կը դիմէր եւ անկէ ամենայն բա-

¹ Մեն. Հակ. 50 (253, 254)։ Զինադադարը տակաւ ինչպէս որ տեւելու էր, Թեոփիլ. 3, 15։

² Մեն. Հակ. 51-53 (254)։ Թեոփիլ. 3, 15։

րեկամութեամբ կը խնդրէր¹ բանակցութիւնը նորէն սկսելու եւ նոյն միջոցին գարձեալ զինա-
դադար ընելու: Այս բանս ընել որոշած էր նաեւ Յիւրերիոս: Ինքն ալ հակառակ հռովմէական յաղթութեանց չափաւորութիւնը ձեռքէ չէր ուզեր թողուլ: Պարսիկ պատգամաւորը Բիւզանդիոն չմտած, արաքոյ կարգի գեսպանութիւն մը՝ զլուխ ունենալով գարձեալ փախորջալութեան բարձրացած Զաքարիա բժիշկը եւ զօրաց Մաքիսարիանոսը Թէոդորոս, ընազօր իշխանութեամբ թագաւորին գալու համար ճամբայ ելած էին², եւ իւր խաղաղասիրութիւնը ցոյց տալու համար, կայսրը նշանաւոր պարսիկ փախաւորներ արձակած եւ գեսպանութեան կցած էր: Իւր առ թագաւորն թղթին մէջ յանձն կ'առնուր Հռովմայեցիներէն գրաւուած բոլոր պարսկական երկիրները եւ գարձընել, նոր գրաւուած Արզնի հետ, փոխարէն միայն դարասը եւս ընդունելով. միայն փախառեաները յանձնելը մերժեց: Նոյն պայմաններուն վրայ խօսեցաւ նաեւ Փերսեգատին հետ եւ զանիկա արձակեց. յոսով թէ խաղաղութիւնը քանի մ'ամսէն կրնայ յաճողիլ: Այսպէսով երկու կողմէն ալ իրարու շատ մերձեցած էին, եւ ուսման ինչ յաջողութիւն կը մտածուէր. վստահ թագաւորն ալ իւր բարի բազմաթիւ այնուցոյց տուած էր, որ մամլմար առնելն եւ կեցաւ: Չմտաւնելի մի միակ կէտն էր՝ փախառեց

¹ ՄԵՆ. Հ. 4. 14. 255 :

² ՄԵՆ. անդ :

յանձնման խնդիրը, եւ այս՝ վերջ ի վերջոյ խաղաղութեան արգելք չէր կրնար ըլլալ: Սակայն Հռովմայեցի հրեշտակները սահմանը չանցած՝ լուր անին, որ խոսքով թագաւորը մեռած եւ իւր Որմիզդ որդին իբր յաջորդ թողուցած է¹: Արծելով կայսրը, որ ասիկա իւր հօրը սկսած բանակցութիւնները յառաջ պիտի տանի, դեսպաններուն հրամայեց իրենց ճամբան շարունակել:

Որմիզդին նկարագիրը Յոյներէն շատ տխուր գոյներով կը նկարագրուի. ըստ անոնց Որմիզդ իւր վրայ կը միացընէր բռնակալի մը գէշ յատկութիւնները. հպարտութիւն, ամբարտաւանութիւն, մեծամտութիւն². քիչ մը նուազ աննպաստ է արեւելեայց վճիռը. հպարտութիւն եւ անագորոնութիւն ասոնք ալ կու տան անոր³: Արհամարհանքի նշանակ մը, որով Հռովմայեցիներուն հետ սովոր էր վարուիլ, էր զանցընել իւր գահակալութեան ծանուցումը կայսեր, ըստ ազգաց իրաւանց, բարուց ու սովորութեան⁴: Պատգամաւորութեան առաքումը եւ գերեալներու արձակումը տկարութեան նշան համարեցաւ եւ որոշեց զգացընել կայսեր իւր առաւել զօրութիւնը: Արդէն դէպ ի պարսկական արքունիք՝ ճամբան խոչընդոտներ յարու-

1 579 Գարնան *ἡρὸς ἀρχομένου*, Թէոփիլ. 3. 18. (144):

2 Թէոփիլ. 3. 16. Մեն. Հակ. 55:

3 Նեոլդեկէ. Յաբարի 265, ծելթ.:

4 Մեն. Հակ. 55 (256):

ցուեցան դեսպաններուն¹ . դժուարութեամբ միայն կրցան ունկնդրութիւն մ'ընդունիլ թագաւորէն : Արհամարհանքով ու քամահանքով լսեց կայսեր առաջարկները : Հայրը կրնայ Դարասը ետ տալու պատրաստ գտնուած ըլլալ, ինքը ոչ Դարասը եւ ոչ ալ հօրը գրաւած որեւէ տեղ մը կրնայ թող տալ : Հռովմայեցիք թող գիտնան, որ ինքը միայն այն ատեն խաղաղութիւն կու տայ իրենց, երբ ընուն ինչ որ յառաջուն դաշինքէն առկախ մնացած է : Թէ դեսպանները Տիգրանի մէջ եւ ետ դառնալու ատեն ինչ անձնական նախատինքներ ընդունեցան, ուրիշ տեղ պատմուած է² :

Տիբերիոս հասկըցաւ, թէ Որմիլզի պէս հակառակորդի մը հետ շատ դժուարին է միաբանիլ եւ թէ առժամ խաղաղութիւն ընելու յոյսը թող տալու է : Նախահոգ զգուշութեամբ պատերազմը շարունակելու պատրաստութիւնները տեսած էր եւ այժմ Մաւրիկիոսին հրամայեց, արշաւանքը դարձեալ սկսիլ : Սակայն կայսրը Մաւրիկիոսի յաջողութեանց վրայ գոհ սրտով ուրախանալ չէր կրնար, վասն զի Աւարներուն յարձակումները իրեն արգելք կ'ըլլային իւր ամբողջ զօրութիւնը քովէ քով բերելով Պարսկաստանը ընկճելու : Այս է արդէն Բիւզանդական պետութեան հանապազորդ անձկութիւնը, այնպէս որ ստիպուած էր միեւնոյն ժամանակ արեւելքի, հիւսիսի եւ արեւ-

¹ Մեն. անդ :

² Պէրը, էջ 33 :

մուտքի կողմէն ինք զինքը պաշտպանել թշնամեաց դէմ. առանձին առանձին կրնար խորտակել իւրաքանչիւրը, բայց ամէնուն հետ միանգամայն կուռելու զօրութիւն չէր մնացած վրան: Յուստինիանու ծրագրած եւ նպաստաւոր պարագայից տակ անկէ վերականգնուած Հռովմէական տիեզերական պետութիւնը, ալ անկարելի էր իւր պայազատներուն առին բռնել: Անոր այս տկարութեան գիտակցութեամբն է, որ կը մեկնուի, թէ Տիբերիոս շնայելով նախապէս առած անհաճոյ փորձին, դարձեալ փորձեց, խաղաղութեան ճամբով գոնէ՝ Արեւելքի մէջ հանգիստ վայելել: Մինչդեռ — յընթացս 581 տարւոյ — երկու բանակները ճակատ առ ճակատ կեցած էին, Հռովմայեցիք Կոստանդինիքով, իսկ Պարսիկները Մծբնայ մօտ, երկու ինքնակալներուն բանագնացները՝ յսգուտ գործածեցին դադարը, զէնքի որոշումէն յառաջ խաղաղութեան վրայ կարծեաց փոխանակութիւն մ'ընելու: Իբր կայսեր փոխանորդ դարձեալ Զաքարիա եկած էր. Որմիզդ, որ Հռովմայեցւոց յաջողութիւններէն քիչ մը վեհերոտ դարձած էր, փորձառու գործակատար մը զԱնդեկան խաւրած էր: Դարասի շրջակայքը ժողովքի նստան՝

Եթէ Տիբեր Պարսից պատրաստակամութեան վրայ յոյս դրած էր, խաբուեցաւ: Անդեկան յայանապէս ըսաւ, թէ ամէն կողմանէ թշնամիներով նեղուած Հռովմայեցիք աւելի խաղա-

լուծեան պէտք ունին քան Պարսկաստան, որ միայն մէկ ախոյեան ունի չափուելու եւ ամենեւին ետ չկեցաւ յառաջուան պահանջումներէն՝ որ էին տարեկան գումարներուն վճարում, պարսկական երկիրներու ետ տրուելը եւ հայ փախստեից յանձնում. նմանապէս մերժեց Դարասը ետ դարձնել: Այսպիսի պայմաններ կը նշանակէին հռովմէական պետութեան Պարսկաստանի կամքին բոլորովին ենթարկում, եւ Զաքարիայի ուրիշ բան չէր մնար. յայց եթէ այսպիսի չափազանց պահանջումները կտրուկ եղանակաւ մերժել: Արագ զիջողութեան ստիպելու համար զԶաքարիա, Պարսիկը դարձեալ խորամանկ խաբէութիւն մը ձեռք առաւ: Փոշեթաթախ հեծեալ մ'երեւցաւ իբր թէ լուր բերելով՝ թէ պարսիկ բանակը ալ կարելի չէ բռնել եւ թէ զարնուիլ կ'ուզեն: Զաքարիա, որ խաբէութիւնն անմիջապէս հասկըցաւ, բանակցութիւնը խզեց եւ Մաւրիկիոսին խմացուց, թէ յարձակումը ալ չյապաղէ¹:

Պատերազմը դարձեալ բորբոքեցաւ եւ Որմիզդի ամբողջ կառավարութեան ժամանակ տեւեց: Ասոր վրայ երբ վերջնոյս վար առնուելէն ու սպանուելէն ետքը իւր յաջորդը խորով Բ.՝ Մաւրիկիոս կայսեր օգնութիւնը կոչելու ստիպուեցաւ եւ միայն ասոր օգնութեամբ կըցաւ Սասանեան գահն ելլել, ինքնին կը հասկըցուի, որ այսուհետեւ շռովմայեցւոց ոչ աննպաստ խաղաղութիւն մը տեղի պիտի ունենար: Եղած

1 Մէն, անդ:

օգնութեան համար խոստացուած վարձքը, Մարտիրոսաց քաղաքին ու Դարասի յեաս դարձուիլը, արդէն տրուած էր: Դարասը, որուն համար այնչափ կռիւ եղած էր, խոսրով հանդիսական հրովարտակով կայսեր տուած եւ իւրեղին բանալիներն առանձին դեսպանի մը ձեռքով անոր խաւրած էր¹: Որեւէ դրամական հատուցման խօսք անգամ չկար: Այսպէս կարելի եղաւ երկու կողմերուն համար ալ ընդունելի խաղաղութիւն մը կնքել (591)²: Այս դէպքերուն վրայ ուրիշ աղբրսով խօսած ըլլալով³, հոս այլ եւս ասոնց վրայ չենք ծանրանար:

Երկու պետութեանց մէջ խաղաղական յարաբերութիւնները միայն մինչեւ Մաւրիկիոսի մահը տեւեցին (602): Անկէ վերջը դարձեալ պատերազմ բացուեցաւ: Այս վերջին, քառորդ դար տեւող պատերազմներուն պատահմունքները՝ — խոսրովի բանակներուն ամբողջ յաւաքակողման Ասիան ասպատակելը, Ասորիք ու Եգիպտոս գրաւելն եւ նոյն իսկ պետութեան մայրաքաղաքին ծանրութեամբ սպառնալը, յետոյ շերակղ կայսեր փառաւոր արշաւաքներով (623—628) մինչեւ պարսկական հողին խորքերը թափանցելը եւ խոսրովին իյնալէն վերջը՝ անոր յաջորդին խաղաղութիւն թելադրելը — այս ուրուագծին շրջանակէն դուրս կը մնան:

¹ Թէոփիլ. 5, 3 (193):

² Թէոփիլ. 5, 15 (216):

³ Ցեա վերը էջ 42:

Պարսից հետ դարաւոր ոգորումէ մը վերջը՝
 Բիւզանդիոն յաղթող հանդիսացած էր։ Սակայն
 երկու պետութիւններն ալ այս արիւնահեղ
 պատերազմներով բոլորովին ուժասպառ եղած
 էին եւ արդէն անոնց դէմ նոր վտանգաւոր ա-
 խոյեան մը կանգնած էր՝ Մարգարէին վարդա-
 պետութեամբը քաղաքականապէս ի մի ձու-
 լուած արաբացի ժողովուրդը եւ ուժեղ կեր-
 պով մարձրանալ ճգնող եւ իրենց կրօնը տա-
 րածելու եռանդնոտ ու աշխարհակալութեան
 տենչացող Իսլամը։ Առանձնայատուկ ողբերգա-
 կան բախտ մը այնպէս բերաւ, որ գրեթէ միեւ-
 նոյն ժամանակ, մինչ Պարսից պետութիւնը Իս-
 լամի հարուածներուն տակ տապաստ կ'իյնար,
 իւր յաղթողն ալ, Հերակղ կայսրը Իսլամի
 ձեռքը կը թողուր իւր ասիական եւ ասիոյկեան
 ամենագեղեցիկ գաւառները։ Եարմուկի ճա-
 կաւը (630) Ասորիքի եւ Ս. Երկրին վիճակը
 կ'որոշէր, նոյն տարին տրուած Կադիսիեայի ճա-
 կատն ալ Սասանեան պետութիւնը կործանման
 դուռը կը հասցընէր։

